

БЫД ТӖЛЫССЯ ЛИТЕРАТУРНО-
ХУДОЖЕСТВЕННОЙ
ЖУРНАЛ

8
АВГУСТ
(МОЗ)
2001

ПЕТӖ 1926 ВОСЯНЬ

■

ЛЭДЗӖНЫ:

КОМИ
ГИЖЫСЬ
КОТЫР

КОМИ
РЕСПУБЛИКАСА
ПЕЧАТЬ
УПРАВЛЕНИЕ

■

СЫКТЫВКАР

□ □ □

ТАЙӖ НОМЕРЫН:

Виктор НАПАЛКОВ. Тэнсьыд гыястӖ, Эжва, строка
костъясӖ пункта. Кывбуръяс 3
Юрий ВАСЮТОВ. Мусукасян керка. Повесть 8
Альберт ВАНЕЕВ. «Бордъя» олӧм 50
Валерий ВЬЮХИН. Кывбуръяс 50

ОЛӖМ ЛӖСАСЪЯС

Юрий ЯКОВЛЕВ. Тыр шуд. Ыджыд грек. «Енмыс ви-
дзис». Василей. «Копач рок». Архивын. Серпасъ-
яс. Казьтылӧмъяс 56
Александр ЩАНОВ. Опонь дядь. Висът 63

ГИЖӖНЫ ТОМЪЯС

Алексей КОРЕЦКИЙ. Кывбуръяс 67

АРЛЫДА ВОЙТЫР

Александр ПЕТРУНЕВ. Мортӧс мичмӧдӧ удж 68

СЕРАМБАНА ВИСЪТ

Иван НОГИЕВ. Пӧкмелля 78

□ □ □

© «Войвыв кодзув» («Северная звезда»), 2001 г.





*Тэнсьыд гыястө, Эжва,
строка костъясö пункта*

* * *

Нимкодъ, кор ныв синмын кочасьö шонді,
Синъяснас синъясöс менсьым кор шонтö.

Квайтымын арös мен — абу на пöрысь,
Аньыдкöд овывла зэв на и вöрысь.

Ныланöй, мичаöй, эскы мен, эскы:
Морöсад бипур на ломзьöдла пестöг.

Виччыся ёль бокин, местаыс озъя,
Берегас шувгöны кызъяс да козъяс.

Бытьöкö ангелъяс — лэбалысь кайяс,
Некытысь он аддзы мöд сэтшöм райсö.

Яг шöрын ичöтик вөр керка выйим,
Чöсмасям ознас и босътла сэн сывйö.

Юмола окасиг вунöдлам арлыд,
Кывзыштам сьöлöмлысь гораа радлöм.

Ныланöй, мичаöй, воны вай, воны,
Мортыдлөн олöмыс öтчыд öд овлö.

Котöрт нин! Озсö вай усьтöдзыс вотам...
Он кö лок — кулам да, жалитны пондам.

* * *

Кыккокийв котöртысь вöv моз
Тэрыба лэбöны вояс.
Господьöй-Енмöй, со бара,
Бара нин чужан лун воис.

Гожъялöм чужöма гожöм
Шонділысь югöръяс путшкö.
Гыöрысь арлыдöй кыö
Эзысьөн дзирдалысь юркытш.

Ог кöсйи чери моз лöня
Енэжа-му костас овны.
Кöсья ме медбöръя здукöдз
Коса кодъ лэчыдöн лоны.

Öтарö кытчöкö муна,
Сьöлöмöй кытчöкö кыскö.

Кузь туйын абу ме ӧтнам —
Котӧртам сьӧлӧмкӧд кыкӧн.

Суӧда лунсӧ и войсӧ,
Котӧрта, усьла и чечча.
Весигтӧ вуджӧрӧй мудзис,
Колис туй чукуляс эстчӧ.

* * *

Быттӧ вӧла-доддя, мелань нырӧн
Рӧдтӧ кымӧр — гымӧн сиктӧ пырӧ.

Оз и дугдыв, чань моз енӧж гӧрдлӧ,
Быттӧ пӧльӧ куритчӧмла пӧдӧ.

Град выв табак нэм чӧж сийӧ шпуткис,
Куритчигас сьӧлӧмыс и сувтис.

Пысасис кузь пожӧм йылӧ кымӧр,
Гымалӧмла кок ув муыс сырмӧ.

Зэрыс киссьӧ-шливгӧ уна вожӧн,
Быттӧ пӧльӧ пыдзралӧ дзуг тошсӧ.

Шутьялигтыр синтӧм тӧв ныр жӧдзӧ,
Гурйив, кылӧ, восьтис кильчӧ ӧдзӧс.

...Югнитыштис ылын енӧж лӧзыс,
Быттӧ пӧльӧ чигаркасӧ ӧзтис.

* * *

Кызди-й сьӧд няньысь, некор
Чужан кывйысь ог умлы.
Вердӧм-удӧмсьыд, аттьӧ,
Копыр тӧд, Коми мулы.

Тэнсьыд сынӧдтӧ, парма,
Кувтӧдз юны ме кута.
Тэнсьыд гыастӧ, Эжва,
Строка костьясӧ пункта.

Енлӧн куслытӧм сиськыс —
Югыз шондыс — ӧзйӧ,
Вылын тувъялысь чикыш
Сийӧс кокыштны кӧсйӧ.

Сылысь лӧбачлысь, майбыр,
Оз зырт олӧмыс муссӧ.
Кӧтшас лабичын каньным
Мургӧ-шыльдӧдӧ уссӧ.

Век жӧ, сьӧлӧмын неджӧг:
Воштим аскиӧ лача.
Миян грезданым олӧм
Талун дӧмаса гача.

Быттӧ чоталӧм вӧвъяс,
Водзӧ воськовным абу.

Кага чужтöмьсь полö
Öнi том коми баба.

Лолö деливö сэки,
Кодыр юксö том гозъя,
Кывбур пыдди кор лыддя
Лёка рифмуйтöм проза.

Век жö, радейта олöм,
Ассьым чöс туй и банька.
Сöмын мустöмта мортöс,
Кодi кык бана шаньга.

* * *

Ме, карса олысь, гожъя чужан позйын
Ог шойччöм ради — шойччыны ог куж.
Эн дивит, ёрт, кор кылан менсьым ойзöм:
Öд пöрысьмöмьд — медся сьöккыд удж.

Льöм дзоридзалиг рöдмö-кульмö ёдi,
Льöм дзоридзалиг вильышмылö лов.
Льöм дзоридз дуксö кывбурам сэк вота,
Мед гöлик рос кодъ гижöдöй эз ло.

Ме аслам понкöд кывтыдпомö муна,
Сэн кыддза-козъя паськыд, гулыд яг.
Сир дуксö усьтöдз горша кута юны
Да няклялыштны ульöн сёян тшак.

А сэсся пыжөн Йöлатыö кывтла,
Көн ботайтчылис пöльö уна во.
Сэн сэтшöм лöнь, мый чери сёрни кылö,
И кылö, кызди узьö гожся вой.

Но грездын олöм талун уна доя,
Сы йылысь, ёртöй, лоö торъя висът.
Том морт, со, кувсис: юöма пö «Троя»,
А сылы муртса тырис комын вит.

...Руд чикыш борднас гöптысь васö резйö,
Жар дырйи сйö купайтчылö тан.
Ов вöльнöй светас, кай поз ыджда грездöй —
Тэ менам кывбур, повесть и роман.

Челядьдырся

Кытчöкö лэбöны вояс,
Лэбöны кытчö — ог тöд.
Лэбöны лунъяс и войяс,
Кольöмыс — быттьöкö вöт.

...Син водзын юдорса бипур,
Зонпосни котралам сэн.
Батъясным мунісны би пыр,
Унаöс чукöстіс Ен.

Жебöсь, но визулöсь вöвлім
Грездса зонпосниыд сэк.

Рытъяснас войнаысь ворслім,
Немечтö вермылім век.

Шепасьлім, агсасьлім, куртлім —
Челядьлы вичмыліс нок.
Войнаыс, съёкыд да курыд,
Шог бõрся вайліс виль шог.

Сов чепõль гортаным абу.
Пывсянын — сартаса би.
Эг кужлõй сõмын тай лябны,
Батьнымõс вежим сэк ми.

Син водзын — шабура мамõ,
Ачыс зэв мичаник, шань.
Эг тõдлõй сәки ми кампет,
Кач сора тучман — став нянь.

Быд уджõ сибавліс киыс,
Ачыс зэв мусаник, рам.
Тучмантõ пõжаліг, сійõс
Синванас солавліс мам.

Кытчõкõ лэбõны вояс,
Лэбõны кытчõ — ог тõд.
Лэбõны лунъяс и войяс,
Кольõмыс — вунлытõм вõt.

* * *

«Съылісны, бабаяс, съылісны...»
(В.Попов).

Ю дор видз вылын ытшкõны бабаяс,
Коса-гõрбушсõ лэчтõны бабаяс.
Ю дор видз вылын оз съывны бабаяс —
Видз выв дзоридз кодъ мичаник бабаяс.

Ю дор видз вылын куртõны бабаяс,
Шондї югõрсõ куртõны бабаяс.
Ю дор видз вылын ёрчõны бабаяс —
Кõмтõм кокъяса гожъялõм бабаяс.

Ю дор видз вылын чõвтõны бабаяс,
Сьõлõм дойнаныс юксьõны бабаяс:
Ю дор видз вылын абужõсь мужикъяс —
Бытьтõ õніõдз мунõ война.

Эжва йывса аньлы

Видзъяс весьтысь тõв нырсõ
Бордъяс пыдди босьтла.
Сьõлõмсьыд став õшиньсõ
Дзирйив тәнсьыд восьтла.

Пыра тэнад олõмõ
Чардбиõн да гымõн,
Пожõм пулõн шувгõмõн,
Эжвалõн веж гыõн.

Вөр-ванымлөн шыясөн
Кёсья овны-вывны.
Вөр-ванымлөн гёлёсөн
Кёсья нэм чөж сывны.

Козин пыдди муслунёс
Сьёрысь тэныд вая.
Кутчысьлам да окасям —
Волам му выв райё.

Нэм чөж кута радейтны
Эжва йывса аньёс —
Ключ ва кодь жё сөстёмёс,
Мичаёс да шаньёс.

Тэныд сиём кывбурёс
Өтнад сёмын лыдды,
Сэсся гартовт кёсаад
Алөй лента пыдди.

* * *

*Чужан грездса, джеджимса,
медмича нывлы...*

Гожём, гожём... Муса гожём!
Вотёс-тшакла кыскё вёрыс.
Кывтыдпомын, су йөр сайын,
Гөрдөн сотчө озъя нёрыс.

Кельыд тёлысь верзьёма моз
Өшкамёшка вывті рөдтё.
Шурыд нывка кисьмём озсё
Сюмөд чуманё со өктё.

Копыртчылас, веськөдчылас,
Вомгорулас мургё-сылё.
Видзөдлас кё менам синмё,
Сьёлёмой сэк сись моз сылё.

Зі кодь вёсни, орём коска,
Чужём вылас кокни нюма.
Рытгоровнас колльөдчигөн
Лоас вом дорыс ок юмов.

Бытьё мусьыс мездмём дзоридз,
Сиктлань сэсся нылыд муніс...
Жаль вот, сюмөд чуманас сэк
Менсьым сьёлёмёс тшөтш нуис.

□ □ □



МУСУКАСЯН КЕРКА

ПОВЕСТЬ

Урӱс кадыс таво нюжаліс апрельӱдз. Няргӱны нин садьмытӱм на кыдз пуясын сьӱд ракаяс, а лым да турӱб быттьӱ оз и кывны тулыссӱ: то ыб вывсянь ырыштчыласны, то мӱдлапӱв ягсянь. Енӱжса ыджыдаыс ышмалӱ, дерт, тӱв шӱрнас код вылӱ кӱ пиньсӱ ёсьтӱмысь. Дізя-дузякыліс ӱшым-пашлякыс эз ӱти лун да вой, кымын керка пельӱс вича-вача поткӱдліс. Мир туйыс волькӱ пӱрлі. Вильышпоз зонпосни конькиӱн изыгисны-визлалісны, а олӱма йӱз, мед оз пласькысьны-усьны, туй бокӱдыс келӱны, гын сапӱг чӱръяссӱ на весиг абу пуджӱма. Сэтшӱм лым таво вӱлі. А ӱні со казьялӱма енӱжсӱ видзысьыс, лым коян плансӱ абу тыртӱма да, кысьтӱ и кысьтӱ. То быттьӱ байдӱг гӱна юрлӱс пыркӱдӱны вылын, то ӱтка-ӱтка кӱч бӱж койӱны, то, син ни пель оз тыдав, пыркӱдӱны кымӱрсӱ, то и пызйӱны лым буснас, быттьӱ бырӱма нин, а сэн нин и катшашыдӱсӱн сярӱгӱ-кысьтӱ.

Ёльдіс сиктыс татшӱм луньясӱ быттьӱ узьӱ. Непӱштӱ йӱзыс, понъяс оз кӱсйыны ворсны ни пурсьыны татшӱм кадас. Быдӱн нин велалыштіс бур да кокниджык олӱмас, мед эськӱ и турунтӱ кыскыны югыд да мича лунӱ, мед и сынӱдыс юртӱ пальӱдіс, виртӱ кизьӱртӱдіс.

Марин Пӱч (тадзи сійӱс шуӱны томдырсяньыс) весиг лавкаӱ эз ветлы тайӱ луньясас, ас нянь пӱжаліс-оліс. А ӱтчыд чеччис паччӱрсьыс, ӱшиньӱдыс аддзис сӱстӱм енӱжсӱ да пернапас чӱвтіс стенин ӱшалысь календарса Ен Мамлӱн ӱбразлы. Пернапасасис да и видзӱдліс календарсӱ, кытӱн быд тӱлысьысь дасӱд лунсӱ гӱрд кытшӱ босьтӱма.

«Нылӱ-вӱсьӱ, стынитан-узян, — видыштіс асьсӱ, — Пӱшта Надьӱыслы ӱд лым толаӱд кевны ковмас». Тӱрыба павкнитіс вылысас уджалан купайкасӱ да котӱрӱн зырӱдіс ывлаӱ.

Туй воргаыс, кытысь лымсӱ пӱшти быд лун зыртӱ Марин Пӱч, зыр лоп судта топыд лымйӱн тырӱма. Медводз пу зырийӱн, а сӱсса кӱртӱн олӱма ань идраліс пос помсӱ мир туй вылӱ петаніӱдз. Роскӱн чышкис на, мед кокад лым чир оз ӱшйы.

Та бӱрын Марин Пӱч удитіс на кӱзасӱ дӱзьӱритны, верднылысьтыны, кытӱкӱ-мыйкӱ керка гӱгӱрыс тӱтш-тотш вӱчны, крип-крап, зӱрк-зӱрк, чиш-чуш. Дзим да дзурк лои гӱгӱр. Пырис гортас, ичӱт пачсӱ ломтӱс, блин дзужнитіс, тӱрытъя шаньга-пирӱг пымӱдіс, чай ва пузьӱдіс да пуксис дзоридз сера клеӱнкаӱн кышӱм пызан сайӱ чаюйтны. Пуксьытӱдзыс на ӱшиньдорса кока зеркалӱ дорӱ матӱдчыліс, дзормӱм юрсисӱ мугов рӱма чышгьян улас дзебис, мугов-сьӱд син молясыс эз на кажитчыны мудзӱмаӱн, кӱтъ, синваыс асьнас нин войталіс ныр дортіыс да, век лоӱ чышкыны чышгьян помнас. Кымӱссӱ чукралӱма жӱ нин олӱмыс косьмӱм няр кучик моз, но бандзибьясыс на лӱсталісны, быттьӱ выйӱн мавтӱма. Кузьмӱс лычера чужӱмас Марин Пӱчлӱн и нырыс абу чургысьӱма водзлань, яя на нырбордьясыс, водз пиньясыс югьялісны

гөрдоват кызоват паръяс костын. Эз на и кусынь вöv ветлан мыгöрыс. Пуксис пызан сайö, да стрöнöк на пукалö, быттö козяль дорын печкö.

Помалис нин чаюйтны Марин Пöч, кор кодкö кайис кильчö вылö. Клин-клён кылис кильчö ыбöсысь кöрт кольчаыс, дзирс-дзурснитіс посводз пöвъясын, китш-котш керис кодкö пыран öдзöсö килутшнас. Марин Пöч эськö и «пыр» ни «лок» эз удит шуны, но керкаö тöv нырөн пырис Пöшта Надьö. Тэрыб вöраса, джуджыд морöса арöс комына кымын том ань, кодлөн нюмъяліс ставнас чужöмыс, би киньясөн öзйисны ур ку шапка увсянь сьö-да-еджыда синъясыс. Шапка увсьыс юрсиыс öшйис пельпом вылас, мужичöй моз гача, кокъясас джуджыд «платформа» вылын сапöгъяс. Пöшта Надьö шыбитіс пельпом вывсьыс паськыд вома сумкасö кöтшасö, тэрыба матöдчис пызан дорö да пуксис.

— Медводз, Марин Пöч, йöкты, сытöг ог сет, — ыджыда ышловзигмоз шуис Пöшта Надьö.

— Сы мында пензиясö содтісны? — дивуйтчö Марин Пöч.

— Тайö абу пенсияысь. Тэныд телеграмма. Со, видзöд, — Пöшта Надьö, кöть и нюмъялö век, тöдчö, мудзöма нин талун. — Он йöкты, ог сет. Татшöм миян пöшталөн закон.

— Законьсы он мын, öдйö и Човйö нуасны, — Марин Пöч тіп-топ вöчис кокъяснас, кліп-клоп кияснас, бергöдчис на гоз-мöдысь, сувтіс Пöшта Надьö водзö. — Закон, кыдзи пон, он тöдлы, кор пурас. Миянлы тайö тöдса, нылö-вöсьö, — тіп-тап вöчис партук зепсö. — Саймовтчöма тай öчкиö кытчöкö, лыддян кö ни-а.

Пöшта Надьö и лыддис: «Зарни мамö, Енлы кевмы, муна дорйысьны. Тэнад Лентусь». Тöдчö, эз гөгөрво да юалис:

— Адвокат Лентусьыд? Кодöс нö дорйö?

— Асьсö дорйö, докторөн көсьö лоны.

— Но сэсса оз лэдз тэныд висьны, Марин Пöч.

— Абу врач-доктор, нылö-вöсьö. Яндзим и висьтавын, — Марин Пöч босьтіс телеграммасö Пöшта Надьö кийсь да суйис енко джаджйын сулалысь Ленин-Сталин рамкаа да стеклöа портрет сайö. — Академияын уджалö да, Ен му грек, нидзулөн да номырөн ноксьö. Наука пö тайö. А кодлы и колö татшöм наукаыс, ог тöд... водзыныс сьöд.

— Ноксьö кö, сідзкö, колö, эн шогсьы, Марин Пöч. Яндзим пö... Тэныд колö став йöз водзас ошйысьны: сиктысь, ме шуа, Ёлдінысь, медводдза учёнöй петö... Ме ставлы висьтала, мед тöдöны да тэныд Енлы моз копрасьны поңдасны, Ен Мамыслы моз, — видзöдлö стенин öшалысь Ен Мамыслөн календара öбразыс вылö да. — Но а öні, Марин Пöч, нöшта на шуда юöрыс: пенсия! — пельöдзыс нюмъялö Пöшта Надьö, выя көвдум кодь вильыд чужöмбансö мыччалö олöма аньлы, быттö ошйысьö аслас томлунөн да мичлунөн, нюлыштö чунь помъяссö да поңдö лыддыны то сёа, то ветымына, то даса кабала шайтъяс. Перйис на зепсьыс эзыся зиль-зель, швачкис наөн пызан вылö ки пыдöсыс доймытöдз да, быттö кокниджык лои, быри зепсьыс сьöмыс да, весиг горöдчыштіс:

— Ставыс! Көпейкатöг! Стöч! Ур-ра! — да сывйыштіс Марин Пöчöс, коді лыддытöг суйис ставсö партук зептас, юалис:

— Тшай кисьта?

— Кисьт, Марин Пöч. Но тэ кöть кырымась, он артав ачыд-а.

— Шуисны тай содтыны-а, этша содöма да, — Марин Пöч артыштіс нин пошта новлысьлөн ки улысь.

— Выхь воянь косьёны унджык.
— Лавкаас тай быд лун содö да, выхь во оз виччысьны.
— Оз öд сельпо вузась. ЧП-ыд кужö зепсö тыртны. Мыйöн кывсяс, содö пенсия, содтöма нин донъяссö. Выхь воöдыс куимысь на содтас сакар-тшай вылад. — Пöшта Надьöлөн тöдтöмтор абу, оз мый и ачыс ньöбась лавкаяссьыс.

— Сельпоыд тай зепсö гутöн эз жö видз, ныхь-восьö. Ен сыхькöд эськö да, — Марин Пöчлөн пöжсьöма нин чайникас чайыс. — Сука юан? — юалö.

— Сука, сука... ме, Марин Пöч, — вак-вак серöктö Пöшта Надьö, кужис көповтны кывнас Марин Пöчöс да. — Кырöсыс сиктаныд пож тыр, быть öд неуна сукаась, — бара на гир-гир сералö.

— Сьöд рака моз эн раксьы, пиньыд еджыдджык оз ло. — Марин Пöчлөн сёрниыс лабутной, көть неуна и велöдана быттьö. — Ныв бурыд сэки бур, кор розьöдас мужиклөн бур, — Марин Пöч сыркнитис блюйысь чайсö да, быттьö сийö эз пыр пыдöджык, тшöкмунис, прысьнитис чай сораснас ки пыдöсьясас да ачыс жö и ас вылас ваксьыны пондис, этатшöмтор шуис да.

— Но тэ и Марин Пöч, — оз вермы дугöдны серамсö и Пöшта Надьö. — Шуан дак шуан, быттьö печат ляскан. Тэкöд некор он гажтöмтчы. Менам сыысь и локсьö тэ ордö медбöрын, мед тöдлытöг пыркöдны мудзöс, пальöдны морöс кудьям йöрмöм лолöс. — Пöшта Надьö юö чайсö Марин Пöч моз жö блюйысь, сакар торсö кыв йылас нёнялёмөн. Тадзи и збыль чайыс лосьыдджык, кыдзи вись-талö Марин Пöч. Юмовтöмөн чай көрыс вошö да некутшöм Индия синъяс водзад оз воссьы. А сырған блюйысь, да ачыс слöныс быттьö хоботнас прысьнитö-кылö. Важөн пö йöзыс тадзи ставөн юöмаось чайсö, да ныртö гильöдысь көрнас и вермöма войвывса йöзöс ыли лунвылысь вайöм тайö юанторйыс. — Марин Пöч, а мыйла тэ татшöм? — друг юалö чай сыргысь госьтя. — Унджык керкаас пыригөн талун лым тола ковмис кевны. Керка пытшкöсныс пемыд, шома дука, бабыс няргö, некод пö оз отсав, дедыс пачбöрын куритчö... А тэнад пыран туйтö быттьö нюлöма, пес чипасыд югъялö, быттьö «Пырöй, пырöй!» шуö. А öдзöстö восьтан — гөгөр югыд да сöстöм. Кыдзи тайö тэнад артмö? Менам и то гортын гын доддын быттьö. Пыра да весиг повзя: ветлигкостйö али мый көлуйыс ловзылыс, караводи ворсис? А тэнад...

— Тэ öд уджалан, ныхь-восьö. А менам нинöм карöмысь быть и буссö чышкышт. Гажтöм жö öд öтнадтö кык китö питшöгад пöжны.

— Пöжöны тай. Он жö эськö öткөнсö öтнад төвйы да. Быдөн дзайгöны: ичöt пенсияö, оз тырмы, тшыглы кула... А тэ ньöтчыдысь на эн норасьлы.

— Сынöдсö тоям, а еджыд нянь сёям, ныхь-восьö. А няргыны-корны öд... век корины. Мамö висьтавлis: цар дырйи на корысялö пö öти мужик, вылысас дукöсыс ризъялö-öшалö, öдва öшийö. Кыськö ылысь локтöма, абу кө весиг рочысь. Паныдасяс мöд корыськöд, аслас сиктасакöд, юасьö, кыдзи олöны-вылöны сиктын. А мöдыд и шмонитны көсьяс, керкаыд пö сотчис тэнад, ыджыд көрöминаыд. Семьяыд оз тыдав. Мед эськö семьяыд, шуö тайö корысьыс, быдөн көнкö аслыс нянь судзöдö-корö. Да и керкаыс, көть и жаль, абу жö сёлöм чепöльтана. «А пачыс сулалö-ö?» — юалö. «Киссьöма» — вочавидзö мöдыс, а мыйла пö тэ пач йылысь юасян? Сэни пö менам зарни да эзысь деньга вöли дзёбöма мешöкторйö. Сидзкö, и сийö вошис. Мöдыд абу бöб, мунас гортас, корсяс зарни тыра мешöктö

да и сотас керкасё. Со кутшомёсь вёвлёмаёсь корысялысьяс. И öнi тырмымөн татшом корысьяс. Паччöрын тöрöкан лыддьö да тшöктö суседыслы ломтыны пачсö, менам пö и пескыс на абу. Со тадзи, нылö-вöсьö. А тэ шуан... — Марин Пöч юö нин коймöд чашка, а кыв йывсьяс сакар торйыс быттö оз и сывлы, тяпкö и тяпкö, сыркнитлас да. И сёрниыслы оз сорась, велалöма чаюй-тигөн боргыны-гольны.

— Тырмö пенсияыд? Сиктас медся этша да?.. Прöстит, Марин Пöч, — весиг повзискöд, тадзи шуис да, Пöшта Надьöыс. Оз, дерт, эськö ачыс пайк, но и яндзим быттöкö, медбöрын локтö, медэтша да, дерт, сы вöсна. Вермас öд тадзи чайтны.

— Кутшом шебрас, сiдз и нюжöдчы, нылö-вöсьö. — Марин Пöч, тыдалö, помалис чаюйтны да перйис зепсьяс неважөн на сэтчö дзеблöм пенсиясö, картi кöлöда моз паськöдлiс, пызан вылас тэчалö торйөн-торйөн некымын чукөрö. — Джыннас на юксьыны со колö ныла-пиякöд, бабөн шуысьяскöд.

— Юксьыны?! Тэ, Марин пöч, эн тешитчы... — Пöшта Надьöлы тöдлытöг воис мöвп юксьыштны тайö олöма мортыскöд аслас тöждьясөн да олöм-вылöмөн. Олö öд öтнас жö да некодкöд жö рективны морöс кудьяс чöжсьылöм лöп-өгсö. — Ме неважөн мамöлысь корлi удждывны деньгатор, да эз öд сет. Збыль... Но ме ог лöгав мам вылö. Коньөр... Мед кöть öнi пыдiсяньджык лöлыштас. Бать миян топыд вöлi. Кокол. Ыстылöмаёсь война бöрас татчö, Бендерлы служитöма да. Зэв уджач вöлi, быдторйö кийс сибалис. А мамöс öтнас эз лэдзлы весиг суседас петавны. Эз ю, эз курит, а быд кöпейка шöри поткöдiс. Вывтi деньга дорас вöлi лют, — сьöлöм восьтысьлөн мытшкеригкостi Марин Пöч и юалис:

— Вöлi, шуан. А öнi нö?.. Ен могысь?.. — пернапас чöвтiс.

— Мунiс. Эновтiс öд. Ветла пö ме, лöсьöда оланiн да и кора тiянöс. Дыр мысти нин гижис: виль семья эм. Мед эськö, абу жаль. Ме öтнам мамöлөн. Но торкöма öд мамöс. Папа кодъ жö чорыд лöма. Суседкаыс сов чепöль петкöдлас, дак бөр öд корöма, — висьтасьысь раммис, весиг пемдiсны быттö синъясыс, войтыштас синваыс, но оз кöсйи тайöс петкöдлыны олöма мортлы, мед эз чайт, оз вермы асьсö вердны. Видзöдö календарса Ен Мам-лөн Ен Пиыскöд öбраз вылö да Ен пельöсын сулалысь Ленин-Сталина портрет вылö и оз гöгөрво, кодлы нö на пиысь пернапассö чöвтiс олöма аныс, кодлы юрбитö, кодлы эскö. — Марин Пöч, а тэ думысь, Енмыс эм, абу? — юалис.

— Выйым, нылö-вöсьö... выйым...

— А тэнад тай на и Ленин-Сталин енкоад?

— Василей Павловичыс менам налы кевмысис. Мед сулалö. Быттöкö тай öнi эськö Кристöссö бөр ловзьöдiсны... Но Лениныс тай нö век жö на мавзолеяс... Ёна нин на дор мунiс Василей Павловичыс... Ен му грек эськö, нылö-вöсьö... Видз миянöс, Пресвятая Богородица, — бара пернапас чöвтiс да Ен мамыс водзын джоджöдзыс кöть кымöссö вайöдлас, сiдз копрасьö.

— А тэ, Марин Пöч, висьтасьлiн-ö попыслы том дырйиыд? Кыдзи тэ паныдасьлiн батюшкоыскöд?

— Висьтасьлi-ö?.. — Марин Пöчлөн абу на вунöма батюшколы и медводдза висьтасьöмыс на. Юрас на пукöны ловъя кывъясыс аслас и батюшкоыслөн. Вайöдiс вичкоö медводдзаысь висьтасьны батюшколы аслас батыс, зэв ёна радейтiс нывсö, ки пöлöдыс новлöдлiс сикт кузя, мед быдөн аддзыласны, кутшом дона сылы Марина нылыс. Медводз ачыс висьтасис, сэсся и нывсö пуксьöдiс.

Батюшкод и юалö: «Грешна ты, дшерь божья?» — «Нет, не грешна, батюшко». Кужис нин и рочöн шуны. А попыд кыз тай котшнитас кымöсас сьöкыд крестнас: «Не богохульствуй, дочь моя. Скажи: грешна!» А кутшöм нö грек эськö вöли сёлöн, велöдчыны пыран медводдза воас? Бать-мамлөн шöвк туг кодь мича да кыв-зысьысь нылуклөн. И быд юалöм былö быть колö шуны: «Грешна, батюшко!» Дöзмыліс жö эськö сэки, но кытчö воштысян...

— Айö да мамö кыкөн öтвылысь тшуписны-лэптисны тайö керкасö, көн жыруйта-ола öні, — ылысянь паніс, мед петкөдлыны батюшкосö енма мортөн. — Овмöдны керкасö корöмаось батюшкоос. Сійö медводзын и пырис кадилöөн, вежа ваөн резіс-койис. «Сё во сулалас керканыд!» — шуис. Сизимдас во сулалö нин. Эз на некытí вөрзыв, эз пöлынытчы, эз чег, эз сісьмы. Кильчö поскыс тай бырны пондіс-а, уна кокөн зыртöма да. А сэсся ставыс на важся ног. Гашкö, и сулалас нöшта комын вотö... — Марин Пöч көсйис, тыдалö, нöшта мыйкö висьтавыны, но друг джөмдіс джодж шöрас, кутчысис юрас кыкнан кинас, жмитіс көсичаяссö, көн быттö кодьяскö чеччалісны, кызди коркö ачыс да Пекла «чойыс» ичöt дырйиныс пес плака былö пуктöм пöв вылын: брык-брык, брык-брык. Юрыс жувгыны пондіс, а став челядьдырыс воссис син водзас, быттö телевизорын... И сэк жö кынмыны пондіс, серкнитöдіс став лысьöм кузяыс пельсö муйöдöмысь, вунöдіс, мый сійö гортас абу öтнас, да гызымтіс-кайис паччөрö...

Пöшта Надьö казяліс, сійö тані öні ковтöм нин да шыш моз гусьöникөн петіс керкасьыс, мед пö Марин Пöчыс шойччыштас-узыштас, мудзмөн нин лоöма асья ноксьöмыс да.

Уна шыөн увгысь юрас Марин Пöчлөн солькнитчис кольöм олöмыс. Ру сайö нин вошöма да мыйла эськö и казъывны, вунöдны колö ставсö. Овсьö тай, ки-кокыс, Ен отсöгөн, дзоньось на, кынöмыс пöт, деньгаторйыс тöv и гожöм ас кокөн на локтö гортö и, оз ков öні сійöс пычкыны сизь кокысь вый моз. А челядьдырыд... вöтын быттö и вöлöма. Вöтын, дерт... А вöтыс тай зэв на и ясыда со кольöма юрас... Збыль öмöй нö тайö тадзи вöлі? Ен му грек...

Конан Иллялөн том семьяыс сöмын на удитіс пырны аслас көрöминаас, да киподтуяджык йöзыс мөвпалісны татшöм жö уна öшиня керка йылысь — виль власьт, Сöвет власьт, вöля сетіс, — кор Ёльдін сиктсаос чукöртісны скод былö. Сиктсöветын шуöмаось: медся ыджыд вежöсыс сиктын Конан Иллялөн виль көрöминаас, сэтчö и чукöртчыны.

Ывла вылын трачкö пашляк-öшым. Дулльыд кынмö вомад. Мый сэнí верман шуны да вöзйыны, кор коймöдысь нин со тэнö нагöны пырны видз-му овмös кооперативö, дженьыда кө, колхозö. Лэдзис, дерт, соборуйтчыны йöзсö Конан Илля. Кызди он лэдз, власьт корö да. Ачыс пö райкомса секретарыс локтöма и, Миша Калинин. Дас во сайын öтлаын волісны ськөд разведкаö Яренсксянь, Миша Вашка кузя лэччис, а Илля Мозынса сиктьясös синіс. Сэсянь и шоныд кылаось öта-мöдыскöд вöвлöм кык разведчик, көтö öтикыс и джуджыд пуклös вылын пукалö, а мöдыс му гөрö. Кодлы мый шуöма. Конан Илля ачыс Сöвет власьтсö перйис тшötш да дорйис век сылысь воськовьяссö. Виль власьт сылы сетіс тырмымөн видз-му. Кольöм воясөн сійö эз сöмын няньөн озырмы, ньобасьтöдз-вузасьтöдз воис. Куим вöлөн лэччылас Айкинаö, тшай-сакар вайöдас. «Нэп» кылыс бөр ловзьöдіс важ олөмас вöвлöм бурторсö: вузась-ньобась, кызди көсьян. Весиг лозунг йöзöдісны: «Озырмы,

му вѳдйтѳсь!» Со и озырмѳ Конан Илля. Оз на и ѳтнас сѳмын. Кодлѳн гыжѳыс ѳсь, куралас. Нѳшта во дасѳн кѳмын керка на лыбас Конан Иллялѳн кодѳыс. Мед лыбас. Тайѳс сиктсаяс тышѳн-косѳн да доѳн-вирѳн шедѳдѳсны. Белѳя-краснѳя дырѳиѳыс Ёльдѳн вѳлѳ «Гѳрд сиктѳн». Некодѳ на эз вунѳд, кѳдзи сиктсаяс паны-далѳсны асланыс вѳралан пищальясѳн белѳйясѳс, кодѳяс лѳччисны паракодѳыс сиктторувса изѳя ластаѳ. Куим лун да вой водзсасисны. Унаѳс сѳсся дорѳйѳсыс пиѳыс нѳйтѳсны-лѳчкисны орысѳн, а кѳкѳс весиг виисны орчча сиктсаяс жѳ, мудѳнсаяс, кодѳяс и вайѳдѳсны паракодѳн белѳйяссѳ Усть-Вашкаѳыс да асьныс ѳтлаасисны накѳд, мед помавны Сѳвет власѳткѳд.

Та вѳсна ѳнѳдз на оз лѳсявны ѳта-мѳдныскѳд орчча сиктсаяс. Сы вѳсна и ѳти сиктсѳвет улѳ эз кѳсѳыны ѳтлаасьны. Аддзылѳ Марина, кѳдзи сиктса том зонѳяс ѳти гажѳдчан лунѳ сувтѳдѳсны Ёль пос вылѳ Мудѳныс вѳѳм гѳсьтѳс, ас кодѳныс жѳ бурлакѳс, да ки-кокѳдыс босѳтѳмѳн куимѳыс шыбитѳсны пос вылас мышнас. Шыбитасны и шуѳны: «Тайѳ Петырѳс виѳмысь!», «Тайѳ Иванѳс виѳмысь!», «Тайѳ йѳзсѳ орысалѳмысь!» И мунѳсны том йѳз, гѳсьтѳс пос вылас колисны. А сѳйѳ куйлѳ да ымзѳ сѳмын. Ас йѳз сѳсся лѳччѳдѳсны пыжѳ да кылѳдѳсны гортас. Кулѳма ѳд. Со кѳдзи водзѳс мынтѳсны ай-мамныс вѳсна пияныс уна во мысти нин. Морт сѳѳлѳм чорѳд. А тыш-косѳыд нѳшта на чорзѳѳдѳ.

Скод вылѳ сѳки Конан Иллясѳ йѳзыс шѳтѳс рынышѳ кольтаѳн моз. Весиг Марин дорѳ пѳлатѳс кайисны ѳти-мѳд. Йѳзыс гѳис-пуис, бытѳѳ мазѳ позѳын. Медся гора кѳла вѳлѳ Маринлѳн батыс.

— Ме кѳкнан кокнам сулала Сѳвет власѳт дор, кѳкнан ки-нам гѳлѳсуѳта сы дор и колхоз вѳсна. Но ачѳм сѳтчѳ юр ог сѳй. И мѳс ни вѳв ог сет! И точка, — кронштадтса вѳвлѳм матрос Конан Илля пасѳталѳма весиг сѳѳда-еджѳда визѳа матрос дѳрѳмсѳ пинжак улас, мед тыдаланаджѳк. — Ме ошка мудѳнса войтырѳс, кодѳяс ѳтпырѳн ставѳн пырисны колхозѳ. Мед и мѳян оз кольчыны, но ми Аннушкѳд пельпом-пельпомѳ гѳрам и кѳдзам на мунѳмѳс, кодѳс юкис мѳянлы Сѳвет власѳт. Да и батылы на отсалам видз-мусѳ пелегуйтны. Сѳдз ѳд, айѳ? — юалѳ водз чунѳнас батыс вылѳ ин-дѳмѳн, кодѳ пукалѳ инпѳлын, да сѳмын нырыс тыдалѳ занавес сайѳсыс.

Илля Конан, кодлѳн вѳлѳ аслас мельнича да, видз-мунас пѳшти эз и вѳдитчѳв, сѳмын юрнас довкнитѳс. Этша сѳрниа вѳлѳ Илля Конан да сѳѳкѳдджѳк пѳля. Кор 1921 воѳн Сѳвет власѳт и сылы юкис мутор да видз, куим нылыслѳ тшѳтш и, сѳйѳ бѳрдѳс му дорас, бѳрдѳс и медводдза ид кольта гѳрддзигѳн. Сѳйѳ таѳдз мельнича помсѳыс и олѳс, додѳ-дадѳ вѳчис на да. Сы вылын и ныла-пиасѳ быдѳтѳс. А кор лоис аслас видз-му, кѳть и бѳрддзылѳс радѳсла, эз жѳ ѳна и донѳяв. Регѳд видз-муѳс вуджис ыджѳд пиѳыс киѳ, кодѳ лѳсьѳдѳс аслѳс семья. Тадзи Конан Иллялѳн и овмѳсыс пасѳкалыштѳс. Гѳтырыслѳ, мѳча Аннушлѳ, казытѳвлѳс и сы йѳлысѳ, мѳй колѳ мельничасѳ на ас киас шамыртны. Кольѳм вося ыджѳд ваѳн на, кор кылѳдѳс ва кутѳдсѳ, сиктсаѳс чукѳстѳс отсавны: «Оз ло мельнича, тусѳнас ковмас гѳтшкѳны». Повзѳѳдлѳс. А батыс рамѳник, кѳвзысѳ писѳ, тѳлкаѳн лыддѳѳ.

Дорѳис скѳд вылас Конан Илляѳс и сиктса священник, ѳтеч Николай, сиктын зѳв пыдѳи пуктана морт.

— Видз-му кооператив котыртѳм йѳлысѳ ме и ачѳм вѳжѳн нин тѳждѳся, — панѳс сѳрнисѳ поп. — Эгѳ на вунѳдѳй, кѳдзи лои панасыс ТОЗ-лы. Еринѳса Управа ѳтсѳгѳн...

— Эз нин вөв Управаыс! — серөктіс кодкө. Но батюшко быттьө эз и кывлы, водзө сёрнитіс: ...ме вайөді сиктө варган машина, ытшкан вөла машина, вейлка... Гөльдзык йөз унджыкыс вартісны өтвылысь, а Илля Конанович батыскөд, Конан Ильичкөд, асьныс. Чайта, отсалас кө Сөвет власьт, татшөм зумыд овмөсьясыс, кызди налөн, сиктын содас на. Оз мөй тайөс көсийны большевикъяс? Сідзи тай газетас гижөма: «Обогащайтесь!»

Но тайөс эз ошкы ачыс Калининыс. Ми пө, кызди төлка мортөс да бур көзяинөс, вермам вөзйыны Илля Конановичөс колхозөн юралысьө весиг, көсьянный кө ті. Но эз көсьы ачыс Конан Илляыс. Эг пө ме сы вөсна воюйт, мед сийөсө пырны.

Колхозсө сэки эськө котыртісны. Мырдөн сорөн унджык овмөссө, өти вөла тэ, көть вита, өти свертөкө гижисны. А тулыснас нин, гөра-көдза водзвылын, унаөн и бөр петны көсийсны: өтутвөм скөтыс тшыгьялө, турун ылыс видзьяс вылысь вайөдтөм лои, муяс вылө куйөд петкөдтөм, көйдыс оз тырмы, асьныс жө и дзебасын видзисны. Татшөм жө собранньө вылын голянысө доймытөдз песісны, мед сетасны бөр вөв-мөснысө. Но суйин кө юртө лэчкө, өшав нин.

Эз лэдзны уджавны ас овмөсөн и Конан Иллялы айыскөд. Вөвлөм гөрд партизанөс кулакалісны, мырддисны эз сөмын вөв-мөссө, но и көрөмина-керкасө тшөтш. Ыдждыд вежөсас колхоз правленньө вуджис, а асьныс гөзъя да Марин нывныс пывсянас овмөдчисны. Илля Конанөс вөтлісны жө керкасыс, ясли ковмөма колхозлы да, но мельничасө колисны. Сэтчө и овмөдчисны нывъясыскөд гөзъя.

Вөтлісны дас өшиня керкасыс и сиктса батюшкоөс. Пывсянас жө овмөдчис ас котырнас. Вичко сиптісны, жыннйяньяссө му вылө шыбитісны, сюр моз чурвидзысь крестсө юр вывсьыс сідз жө. А регыд поп-батюшкоөс пуксьөдісны тэльөгө да кык милиционер костын кытчөкө нуөдісны. А кытчө, некоді оз төд.

Коркө-некоркө и Конан Илля лөсьөдчис эновтны чужан сиктсө. Кутшөмкө суд шуөма, мед сийө некор нин сэсся эз тувчыв ас сиктас ни весиг коми му вылө. Мый вөчан, быдлаын йөз олөны, и сийө овмөдчас, абу китөм-коктөм. Чукөртіс медколана көлуйтор да и лэччөдаліс ю дөрөсө. Неважөн пес пур кылөдіс. Сэтчө и вөчис пөвъясысь чомтор, мед лэб улын кывтны, кытчөдз ваыс кылөдас. Ю дөрө йөз чукөртчис, эз ков жыннйянөн чукөстны, көмтөм кокаяс и ситанөдзныс чөръя көтіяса йөз, уска-тошка и зырымбедьыс. Батюшкоөс тадзи эз колявны. Пукалөны нин мамыскөд Марин чом водзас, кытчө эжа лэптөма батыслөн, да сы вылө бипуртор пестөма, мед «Сурянин» паракод моз ылысянь тыдовтчис улысладор сиктсаяслы, мед кывтны лов кыпөдөмөн. Весиг со и «кромка» гудөкыс чомйын. Некор шөгө эз усьлы Мариналөн айыс... коді пөрччө нин вөлі вадорса тувйысь пур кутысь гезсө. И сэки горөдчис мамыс: «Ог! Ог!! О-ог!!» — сывйыштіс нывсө да чеччис ськөд тшөтш пурсьыс изъя ластва вылас. Йөзыс ойкнитісны жө, ызгыны пондісны. А Конан Илля лөдіс нин чомсьыс гөтырыслысь да нылыслысь көлуйсө му вылө. Лэччис пур вывсьыс, топыда сывъяліс, окаліс гөтырсө и нывсө да и шуис: «Гашкө, тадз и колө. Виччысьөй юөр. Сэтчө и локтанныд». И кывтіс. Ылөдз на тшынарас пурйыс, весиг мег саяс нин вөр пу костөдыс. И вошис батыс, кыла юөр ни письмө. «Гашкө, и ваас шыбитчис» — сёрнитісны йөзыс.

А вояс мысти коркө, Мариналөн нин морөсыс төдчыны пондіс,

ар дас куима кымын нин вöлі, сэтшöмтор лоис, мойдын да вö-
тын татшöмторйыс сöмын вермас лоны. Вуджисны найö пыжөн
Пеклакöд мöдлапöв прöсьтö оз вотны. Пеклаыс век зільö ныр
увсьыс гырысджык тусьяссö куравны, да Марина и саймовтчис
сыысь, весиг и видчыштис на: «Гöгнад али муй сибдін ме дорö?
Озаиныс ота». Бытшкис, тыдалö, кылыс. Торъялісны. Вотчö сідз
Марина, нунгö-ссылö вомгорулас, ки пом дозйыс тырны нин
пондіс, кисьтыны колö мышкас öшалысь сюмöд чипышö. Лэптысис,
мед лэдзны чипышсö, и... кынмис: неылын пукаліс морт да, ка-
житчис, бöрдис. Видзöдлас юланьыс, а сиктыс татысянь буретш
ки пыдöс вылын моз гöвкъялö, и тупкас ки пыдöсьяснас чужöмсö.
«Шыш», повзис ныв. Сэки тай Коми му кузяыд унаөн кысянькö
шöйтисны. Гусьясьоны и, мырдöналöмаöсь на пö кодöскö и, кывсис.
Кызди наысь он пов көмтöм кока нылук, вöрын на нöшта. Марина
чайтис, эз казав сійöс «шышyd», бергöдчис да көсийс пышйы-
ны, но кокыс крукачис му вылын вальмасьысь ниа чалльö да
пластькысис озъя турун пöвстас, пидзöссö ёна дойдис, да весиг
синмыс пемдыліс. Оз тыра чуманыс кымсис, вотöсыс киссис, көть
дзик сы вöсна бöрддзы. Но сэки шыасис мортыд комиён:

— Эн пов, оз тусьöй, ме абу шыш...

Мариналөн абу на вунöма пельсыс батыслөн сёрни горыс да
и «Оз тусыс». Сійö нöшта на ёна повзис: «Вöрсаыс! Айöлөн сёрни
горөн шыасис». Чеччыны көсийс, котöртны, но сой пöлыс сибдис
шоныд да крепыд кабыр улö.

— Айö-ö-ö!!! — мый вынсьыс горöдчис Марина, быттö корис
отсöг вылö пуяс сайсьыс батысö, шашаритис синъяссö сьöд уска-
тошка чужöмалөн синъяс вылас и тшöкмуніс. — Айö... абу-ö тэ?..

— Ме, оз тусьö Маринö, ме... — топöдис сывъяс, окаліс да окаліс.
Ачыс сыркъялö-бöрдö...

Олöмыс тай мойдысь на мойд, вöтысь на вöт. Кужисны мöй
мöвпыштлыны ая-ныла, мед паныдасыны тані, кыті оз зэв тшöкыда
и ветлысь-мунысьыс вуджрав. А со сывъясьоны да окасьоны,
сералöны да бöрдöны.

— Ме видзöді да видзöді Ёльдін вылö... Быттö сой пöлöй сэтчö
кольöма, сьöлöм джынйöй тшöтш. Но ог лысьт вуджны. Оз позь
меным. Кутасны, пуксьöдасны. А сэтшöм мустöм тюрмаыс, оз
тусьöй менам... Кардoryн менö пуксьöдлісны... Оз позь меным
карын овны... Оз позь и Коми му вылын... Овмöдчи Вожгöрö. Ме
сэні тiянöс виччыся. Пуксьöй пыжö да кывтöй. Некутшöм сиктö
эн сувтлöй. Вожгöрас юаланнyd Поташов Капитонöс. Ме лоа сы
ордын... Но, оз тусьöй, сьöлав көть пöляв, а меным колö тэрмасьны.
Мамыд кындзи мед некоді эз тöд ме йылысь. Гöгөрвоин? Дзик
некодi, — нöштаысь на сывъяліс нывсö да содтіс: — Калинин
Мишсö асьсö пуксьöдöмаöсь, асьсö. Мый вöчсьö му вылас... А тэ
чöв ов. Быд чаль-увйыс пуыслөн синма да пеля...

Кор нин саяліс батыс «синма-пеля» пуяс костас, Маринылы
вильöн жынгис пеляс, сійö абу öтнас на костын. Синнас артйис
гöгöрсö, но Пеклаыс некөн эз тыдав, сідзкö, эз аддзыв. Но вотчан
ёртыс вöлöма сюсджык. Мыйөн воис пыж дорö, көн Пекла сійöс
виччысис нин, пыр и шедіс налькйö.

— Кöдкöд сывъясин? Шöвк тупыльö пуксян ачyd. Шышгьяскöд
тöдчан... Менö на пелегуйтан зонъясысь... Ачyd... Меысь дзебсин
да... — Пекла лэпталіс нин бöжсö сиктса зонъяс водзын, со и
чайтöма, «гусьясьö» Мариныс. Эз и тöдлы, разьсис вомыс, вись-
тавны ковмис батыс йылысь.

— Ин ылөдчы! — сөмын и шуис Пекла. И найö вуджисны гортаныс öта-мөдды кыв шутöг: öтикыс асьсö видіс вом каличсö личөдөмысь, мөдыс кывлөм гусятор йывсьыс мөвпалөмысь.

Кор Марина висьталіс мамыслы батыскөд аддзысьлөм йылысь, мамыс ньöти эз чуймы:

— Ме век сійöс виччыся. Со и воис, — шуыштіс да сійö жö войнас лөсьөдчис ас пыжөн кывтны ва бөр. Быттö тывъясьны мөдөдчöны мама-ныла. Сөвтисны пыжö тыв да нöшта мыйкö пась-тасянтор да вомö сюянтор, туйыс öд кузь на, верст сёысь унджык.

— Ва бөр и чаг кывтас, — эскис аслас шудлы Мариналөн мамыс. Пернапас чөвтис, Енлы кевмысис... Но вичкотöг Енмыд эз нин вермы отсавны. Пыисдінын и кутісны пыжаөс. Көть и кывтісны ю мөдлапөвтіыс, найöс вомөналіс пыжа, а сэні милиция...

Ээ öд сідз-тадз шу Конан Илля: «Быд пу чаллыс-увйыс öні синма-пеля». Мамсö сэсся эз и лэдзны, Човйö нуисны. Сідз и быдмис пöль-пöчыс дорын Илля Марин. Но йöзыс быттö эз и казьялыны тайöс. Видз выв дзоридзьяс вивті краля бобулөн лэбаліс пöль-пöчысөн лелькуйтанторйыс. Йöзыс нель класс помалөм бöрын вöv бөж сыналісны, гөр-агас öтвыв кыскалісны, лесопунктлы вөр петкөдісны, пурйөн кывтісны, а Марина сизим класс помаліс да колхозлөн скөт картаын йöv арталысьөн лоис. Еджыд халата ветлөдлө, быттö «Аптекаысь» пельшерича. Лысьөм мыгöрыс көрт тув быттö, ветлан ногысыс — дзодзөг, чужөмбаныс — вый тупыль, син-пельыс грекө вöйтысьлөн. Быд рыт клубын грекөвöйтчö. Зонъяс көть юрнысö воштасны. А Пиля Пиль да Габö Гаврей ки шучкөмаөсь: кодныс пөкөритасны сьөлөмсö Илля Мариныслысь. Вина ящикысь. Пиля Пильыс, көть и мутшак кодь, а йөктігас, сывъялас да, киясыс шоныдөсь, небыдөсь. Габö Гаврейыслөн мө-дарö, ачыс косіник да виньгыр, а жмитас — ва пычкас. Но и юрыс чиганлөн кодь чикыля юрсиа.

Эз кө кывлы Марин йөзсянь налысь йөйталөмсö, оз тöд, кодсö и бөрйис на эськө аслыс верөспу вылө. Но заклад вартөмныс дзикөдз дөзмөдіс оз тусь кодь нылөс. А сэн на и сэтшөмтор лоис, мыйысь сьөд саөн тырис сьөлөмыс Илля Маринлөн. Спеттак ворсісны клубын. Маринлы сетісны ворсны пöчöс. Ёна и сералісны сы вылын видзөдысьясыс. Аскинас воис клубö, а Пиля Пиль и шуö:

— Марин Пöч воис!

И Габö Гаврейыс сэн жö:

— Кыдзи узьсис Марин Пöчлөн?

Эз и казьялы Илля Марина, кыдзи дас квайт арöснас лоис Марин Пöчөн. Ёртъясыс бöрын и шыжөсь ныраяс, и сюра-тошкаяс вунөдісны, кутшөм арлыда Илля Мариныс, ставлы сійö лои Марин Пöчөн. И медся мусаясыс, кодъяс сибдылісны нин сылөн сьөлөм бердö, лоины мустөмөсь. А мыйөн воис сиктö выль учитель Василий Павлович, Илля Марин крукаліс сійöс сой крукө да и тывъяліс карса зонмөс. Галстука да клөш гача, колошиа камаша, одеколон дукөн öвтысь учитель и ачыс эз төдды, кыдзи шедіс юмов йöла лэчкө. Марина ачыс и нуөдіс учительöс сельсөветö...

Сывъясьөмөн да окасьөмөн пондісны овны том гозъя. Карса мортыд көть ки вылас гычөдас акань кодь мича том гөтырсö, кодлөн айыслысь мырддьөм ыджыд көрөминаысь öти жыр сельсөвет сетіс учительлы. А көн ем, сэн и сунис...

Долыда овмөдчылісны гозъя. Проклятöй Гитлер шудсö нятшкис. Нуисны Василий Павловичöс, да и воши кытчөкө. Письмөыс öтик

и воліс, Вёлёгдаысь. А сэсся вошис. Быд шог юёрыс сиктё воё: өти доймёма, мёд усьёма, коймёд ачыс нин чотыктё-локтё кок пёла... А Василей Павлович йылысь сёмын и юёртисны: вошис. А кодкё нин сёрни лэдзёма: кисё пё лэптёма да өні немечыслы служитё. Коді нё эськё талы эскас, мед Василей Павлович, челядьёс велёдысь, клубын лекция лыддысь вёрёг позйын шонтысьё. Но эскы кётъ эн, а Марин Пёчёс армееч-дөваён оз лыддыны, не-кутшём отсёг оз сетны, кётъ нёнъпом кага быдтё, батыс мунём бёрын на и чужис код. Пиук. Батыс моз жё коркё, гашкё, и служивёй жё лоас. А сійёс өд колё быдтыны на. Пёль-пёчыс өдйё и сетисны ловнысё Енлы, тшыгъявны пондिसны да, няньыс ыб вылас кык во дорся кынмис. Яслисё сиптисны колхозысь. Быть өд моз-дорад кыскав. Отув двoryн кор лысьтысис, сэн кётъ на шоныд, вёлі кытчё и пуксьөддыны лысьтысигас. А вештисны сэтысь да, гёрын кётъ сю вундыны, век кё аскөдыд, шондја кётъ зэра луныс...

Коркё өд джагаліс жё тай Гитлерыс. Аддзысис и Василей Павловичыс. Пленын вёлёма, коньёрушко. Воис — өдва пушкё. Войбыд кашкё-кызё, узыны оз лэдз. Ки пёлыс плетёон өшалё. Пленас, шахтаын уджөдөмаөсь да, война помас нин лоёма не-минучаыс, буждөма шахтаныс, бомбитөмаөсь да. Мездөмаөсь өдва ловъясё пранцузъяс. Абу пондөмаөсь дзикөдз бурдөднысё и миян асланым, гортас ыстөмаөсь. Бур на, Воркутаё абу нуөмаөсь, кызди мукөдсё...

Унмовсьліс-ё Марин Пёч, вётөн-ё воліс вунөдлём нин кадас, мөвпнас-ё косаліс кольём олөмас, но кор кыліс кильчө өдзёс көрт кольчалён гольснитём шыыс, быттё паляліс унмысь, восьтис синтяссё. Ывласянь өшиньясөд саяккыс югыд. Сідзкё, абу на дыр шонтөма мышсё, абу на став кузь олөмыс саякмунөма куньса син саяс. Но мед, Ен отсөгөн ставыс кольёма. Ов да выв. Еджыд нянь чирйы көза йөлад, да и пөт...

Воссис өдзёс. Тагёс вомён воськовтис Габё Гаврей Второй. Дөра пеля шапкаа, водзвывтёис дөмаса купайкаа, пась морёса, сьөд гөна куш яйыс тыдалё, сьөд ус улас пиньясыс жерөсь...

«Кристөсё Енмё, кыськё тай петлан, кольёма жё кёйдыс батыс, — быттё медводдзаысь аддзас, дивуйтчис Марин Пёч. — Оз, тыдалё, сідз-тадзысь шуны Габё Гаврей Второйён».

Марин Пёчлөн синьясыс и водзё вылө тупкыссьылісны важсё казытылан руясөн, но пырысьыс коксё джодждөраё зырыштігмоз мыжаліс олөма аньёс:

— Кильчө ыбөсыд өти дзир вылын өшалё, Марин Пёч. Лө-сьөда... Доз джынйысь.

— Ме эськё пөч, но, бажукё, тэ ыбөс он на вөч, — төдө кер-калөн месань, кыті-мый дзуртё да кытчө-кор ки колё тшукөддыны, а сэн на и велөдөны, кызди-мый овны сылы. — Медводз ассьыд горттө төд, кыті еджыд, кыті сьөд. Велөдысь лоёма. Доз джын... Тэысь, Гаврө, и мөдар югыдас он мын. — Видзөдө, кызди сылөн медбур отсасысьыс век на зыртө коксё джодждөраё, быттё ыджыд няйтысь пырис, мыжаліс жё: — Педз сэн, педз... Али озьдорас ог лэдз? — кётъ и видчис Марин Пёч, но кылыс небыд, быттё меліасьё том морткөд.

— Став могёс иг на пөлышт, а тэ нин щөтясян, — быттё дөзмис Габё Гаврей Второй. — Тадзи оз овны суседьяс. Сусед суседлы — вок да чой, — бара на велөдө олөма аньёс сьөд уска мужик, коды абу на и нелямыныс, гашкё.

— Чойнад эськө чой, но тэ талун ассыйд сөй. — Марин Пөч ропкө паччөрын да оз и көсйи лэччыны, мед юктавы чайон дона гөсътөс, коді неважөн на пилитіс да юкаліс виль төв кежлө став пессө, чипөсө тэчис и, мый вайлісны лесопунктысь.

— Ме абу корысялысь, макар лямпа! — дөзмөмөн лои дона гөсътлы. — Дзурт, колөкө, пач выв чирк, сімөм дзиръя өдзөсыд моз, но лөгөс ин петкөд, Марин Пөч... Мешөк көйдыс вузала, ньөб. — Гаврей пуксис пачдорса лабич вылө, мед эськө эз на лэччы «пач выв чиркыс», оз өд пельпом вылас тальышт, шоныдінас, төдө, и сьөлөмыд шоныдджык, друг да и ньөбас.

— Картопель көйдыс? — кыліс паччөрсянъ серам сора тільснитөм-юалөм. — Кутшөм гуысь нө? — оз мөй төд Марин Пөч, Гаврей Второйлөн картопель гуыс важөн нин тыртөм.

— Зөр сора анькытш, — көть и казяліс баблысь крукыштөмсө вузасысь, эз дөзмы, төдө Марин Пөчөс оз өти во.

— Удждон пыдди сетісны? — бара на китшкигмоз юаліс «пач выв чирк». Төдтөг оз ов, мыйөн мынтысьлөны өні совхозын.

— Дерт нө, макар лямпа. Совхоз кассаын важөн нин төв шутьялө, Марин Пөч. Советскөй овмөслөн медбөръя лолыс руалө, — кыдзи вермис гажаа сөрнитіс көйдыс вузалысь, быттө радіс тайө лов петөмыслы, весиг гидж-гидж серөктыштіс.

— Кула да, тадзи жө шөгө усян? Катша моз на и китш-китш серөктан, Гаврө? — занавес сайсянъ юрсө суйис Марин Пөч, лэччыны нин көсйө, а коксө некытчө пуктыны, Гаврей сэні, домалөм пон кодъ.

— Тэ бара он кув. Кыдзи ме помнита, Марин Пөч, тэ век татшөм вөлін. Пөчөн кө и чужлін-а. Иг на весиг вунөд, кыдзи тэ менө кудзөдін өтчыд. Төв вөлі. Ми ворсім. Лым пиын собалім. Кудзө петны пондіс. А киөй дубалөма көдзыдсысь, гач кизьөс ог вермы пөрччыны. Быть өд бөрд. А тэ локтан кытыськө. «Мыйла нө бөрдан, пиук?» Кудзө, мися, петө... Тэ и разин кизьсө... Юрө висьө, Марин Пөч, ньөб. Ме нин посводзад пырті...

— Мися, кодкө өдзөс саяс сибдіс, оз пыр... Көсьян менө зөрийөн вердны, Гаврө? Мед, кула да, вөлө пөра?

— Көза Розаыд нө шөрт тупыльнас пөтас? — Гаврейлы киас веськалөма кепысь кыан зараллө, пергылялө киас да ошкө: — Этатшөм мича сера кепысьсө став Мозын кузяыс некоді оз куж кыны Марин Пөчысь өтдор. А джодждөраыс... Кокөс чышкыны пола. Көн нө тэ велөдчылін, Марин Пөч?

— Руч позйө веськавлі. А тэ кодъ ручсө, Гаврө, эг и аддзыв на... Батъыд эз вөв татшөм, — пач вылын сартас чукөр дзуртны пондіс, лэччыны көсйө найөс шонтысьыс, юрыс пыдди кокъяссө чургөдіс занавес сайсянъ. — Кеж, бажук, таляла өд... Пуксьөма сэтчө, пурсысь пон. — Марин Пөч йөткыштіс кок пөвнас «пурсысь понйөс» юрөдыс. Гаврей чеччис, сетіс лэччыны месаньыслы, пуксис пызан сайө да кисьтіс көдзалөм чайсө Пөшта Надьөөн кольөм чашкаө.

— Кодкө тай абу-ө волөма нин меөдз? Чай юөмныд.

— Көдзыдсө мыйла сырған? — Марин Пөч ас мортлы моз зургыштіс юр бөрас килутшинас Гаврейлы да чуткис электрочайниксө.

— Пөсьыд тай, юр веськөданаыд, абу да... Ньөб, Марин Пөч. Көзаыдлы вердан.

— Көзалы и корөсьыс тырмас.

— Тулыс восьлалө. Он аддзы? Зөр сора анькытш көдзан, балясөс лөсьөдан...

— Верма кө эськө өшинюлөс пелегуйтны.

— Гөра, Марин Пөч, садита картупельтө... Босыт сөмын көйдыс мешөкөс.

— Гашкө, бара гусялін да?

— Со, Ен Мамыс календарас. Регыд Ыджыд Лун... Пернапас чөвта... Ей-богу... Абу гусялөм, — Габө Гаврей Второй көть кок улас шыбитчас Марин Пөчлы. Мый он и вөч, кор юрыд потө-висьö некымын лун чөж «карасинасьöмысь».

— Да гөгөрво жө тэ, бажук, — жалыс петө Марин Пөчлөн лямбөм Гаврей дорө. — Ог вермы ме... Юала выль управлысь, збыль кө удждон пыдди...

— Он босыт, вай доз джын... удждыв, — управөдз кө воас Марин Пөч, Гаврейлы пом воас. — Ачыд мыжа, Марин Пөч. Мыйла деньгасө сетін?

— Пес юкалін да, пилитін да, кыдзи нө, бажук...

— Удждыв, мыйкө бара вөча, мутө гөра...

— Кор гөран...

— Водзвыв өні мынтысьöны, Марин Пөч... Войтышт.

— Абу, бажук, абу.

— Талун жө пенсия лун! Аддзылі өд, пыраліс Пөшта Надьöйс... Көть «пакет» вылө.

— Бара выль вина?

— Спирт. Öшинь мыскалан зельö. «Блеск» шусьö. Пакетын вузалöны, оз сулеяын. Посёлокө вайöмаось. Кызь шайт и эм.

— Ог, бажук, ог. Мамыд кулігас нырам тшупис: «Гаврей пиöлы — көпейка джын».

— А батьöс тай бурөн казътывлан век. Батьö вöсна көть... — Габө Гаврей Второй оз вермы дзайгыны водзö да жмоткысис пидзöс вылас Марин Пөч водзö, коді буретш локтö вöлі инпöвсянь шаньга тыра киясөн, мырддис öти кисö шаньга тыра тасьтисыс да матөдіс вом дорас. Киясыс тарзисны, быттö ёна кынмöмаось, а парьясыс косось, потласьöм кеняось.

— Петук юр вундін али муй? — водзö на көсийс шмонитыштны Марин Пөч, но видзөдіс сьöд уска верстьö мужик вылө, кодлөн нориник сьöд-мутов синьясыс вöліны сэтшöм қоранаось... эз сьлөн кодьöсь, коді татшöм жö сьöд ускаыс коркө зэ-эв нин важөн гильöдліс сылысь сьöлөмсö. Гильöдліс и бытшлавліс. Олөмыд тай ворсöдчö мянөн: талун окасям, аски кокасям...

Кодкө бара зур-зур вөчис кильчö өдзöсö. Шуда талун керкаыс Марин Пөчлөн. Но кильчö өдзöс кольча шыыс повзьöдіс Гаврейöс. Сійö эновтис Марин Пөчлысь кисö, чеччис кок вылас, мый вөчны, оз тöд, көсийс паччөрö кавшасьны, но эновтчис.

— Дзев менö, Марин Пөч... Тайö управ... — эз виччысь, кор сылы индасны, кытчö дзевсьыны, ачыс пырис гөбөчö.

«Полысь тай ручыд. Абу айыс кодь», — и кутшöмкө здукөн вөтын моз воссьыліс син водзас ылө кольöм серпастор. Вöлі тайö война помассьöм бöрас нин коркө, керкаыс нин налөн челядьөн вöлі тыр. Куим-ö, нель вöлі?... Со тадзи жö кодкө пемыдын нин ёна гольöдчис кильчö өдзöсö. Василей Павловичыс вöлі больничайн куйлө. Висьны висис, а кынöмсö бабалысь тятюкъясөн тыртны выныс вöлі. Волас гортас больничайсь, рушкуодас гөтырсö и бөр больницаö. Тöвнас паччöрын на буглясьö, а кыдзи тулыс, кикокыс вошö дзикөдз. Йöзыс чери кыйöны, койт вылө ветлöны, а вöвлөм учитель важ Иван дурак моз паччөр личкө либö больница койка...

Марин Пöч водöма нин вöлі, кор кыліс кильчö öдзöсö көрт кольчалысь кольскöмсö. «Гашкö, ачыс воис?» Сэтчö и йылöмыс садьмисны жырйын, кытчö вöлі лöсьöдöма налы пöлать. Ноксьö йылöмыскöд, а кильчö öдзöсö быттö пес чуркаөн пондiсны жын-гыны. А ныв-пиыс сёйны корöны, йöвтор сöмын и юыштiсны водiгас. А ичöтлы на и нёнъ колö. Кöть шöри асьтö поткöд. Да и кынöмсö асьыс нюкыр жö кыскö, нянь чирык на эз воы вомас талун. Вежон чöж эз пöжасьлы да. Павкнитiс пельпом вылас кышантор да кöдзыд посводзас көмтöм и петiс.

— Кутшöм некрещенöй нö? Али тэ, Василей? — чайтiс, ва воссъйтöдзыс, мед туйыс лöö на, лэдзисны больничасьыс.

— Тэнад Василей, мед эськö важөн нин öкöлей! — кыліс тöдса ай лов серам сора гор. — Крепыда узян, Марин Пöч. Али ин тöд? Сöвет власътöс тöдны он көсйы?

— Коркö тай эськö тöдліс да, — кывлысис мöд мужичöй, яр-скöб кыла, вöсниджык кыла, но абу сьöлöм дойдана.

Марин Пöч, дерт, тöдiс кыкнаннысö. Но, лёк нога казътылісны Василей Павловичсö да, пыр и чорзис сьöлöмыс важ тöдсаяс вылас.

— Кынöмныд сюмалö али тувныд сулалö? — юалис видчанаа.

— Гражданка Кочева, кывнад печласьны оз ков, понимашли. Ме — райуполномоченнöй, а орччөн — сельсöветысь...

— Эг на öд вунöд Пиля Пильöс да Габö Гаврейöс... Пырöй, мый сэсся... Оз мöй гусясысьяс да кырсалысьяс вой шöрын шöйтны? — юалигмоз лэдзис керкаас войся гöсьгъясöс Марин Пöч.

— Вой шöрыс ылын на, сöмын на дас час, — вочавидзис рай-уполномоченнöй Пиля Пиль да ыджыд воськолөн келiс джодж кузяыс Ен пельöс улöдз, көн сулалiс пызан, шлапнитiс сэтчö кучик папкасö киняувсьыс да пуксис дзуртысь пу диван вылö дона гöсьтөн быттö. Габö Гаврей кольччис öдзöс дорас, быттö полiс, пышгъяс керка месаньыс, пуксис жö пач дор лабичö, тыдалö, ёна нин мудзöмаöсь ыджыд уджысь.

— Айныд гортас? — юалис райуполномоченнöй.

— Больничайн, — вочавидзис Марин Пöч.

— Вöйютны дыш вöлі, немечлы уджалiс, öнi сійöс сöветскöй врачьяс бурдöдöны, сöветскöй деньга вылö. Мудер тай учи-тельыд! — Габö Гаврей, кодi ачыс воис морöс тырыс зия-зёля-кылысь медальясөн да пыр жö пуксис сельсöветö секретаравны, медводдза лунсянныс жö пондiс кодйыны гу вöвлöм учительлы, кодi, кызди чайтiс, мырддiс сылысь медся донаторсö. Щötясисны том дырйиныс, абу вермöма бурöдны и биа тыш-косъыс, кытчö мунлісны öтлаын, шедлісны немечлы биа-пöсь кытшö öтлаын, но сылы Ен сетiс петны тайö кытшсьыс, да чайтліс, усис учительыс вөрöг пуляысь, а воис гортас, да сійö, вöлöм, паччöрын вальмасьö, больничаясöд шöйтö, немеч ордын вöйнасö кольöма да. Кызд сэсся он дöзмы, кор, аддзан Маринасö да, сьöлöмыд век на горшöдзыд кайлас. Колö сiдзи тайö гозгъясö пыдзыртны, мед сынöдыс эз ло лаовнысö. Тадзи мөвпыштiс Габö Гаврей, кор торкис сійöс ачыс Маринаыс:

— Айыд аслад из вöв пленас важ германскöяс? Увтан сэнi лёк пон моз. Яндзимтö воштiн...

— Вомтö каличав, Марин Пöч, а то...

— Тэныд — пöч, а меным көть сизим тятей на вöч, — эз каличав вомсö Габö Гаврейлөн коркöя сьöлöм косътысьыс, кодi кокни да бур олöм корсис, учитель сайö мича чужöмсö дзебис, көсйис кукла моз овны, а со олöмыс кызди на ворсöдчö: керка

тыр челядь, верөссö школаысь бөр вöтлісны, век больничаян да, сэн на и мамыс тюрмаысь öдвa лолыс воис, öні на со паччöрас кылö-кашкö.

— Тэ, Кочева, тöда, кывнад ёсь, понимашли, — пöрччыліс кучик картузсö Пиля Пиль, коркöя мöд вöвлöм «сьöлöм косьтысь» томиник Мариналөн, öні райуполномоченнöй, локтöма жö пычкыны вöвлöм мусуксö.

— Тані абу рытпук, мед вой шöрнас пырны, — вомаліс райуполномоченнöйöс Марин Пöч.

— Ми — йöз государственнöй, понимашли, и ми ог вермöй, ог эштöй быд ордö волены лун югыдөн... Ми — йöз государственнöйöс, — нöштаысь тöдчöдіс Пиля Пиль.

— Абу синтöм, аддза, кöмыд дзуртö, пасьыд лöсталö, картузыд — командир, да и ставыс. А вöйнасö öд тэ, Пиля Пиль, миянöс лачкöмөн помалін, пöрöк тшын дуксö ин кывлы... — югнитіс аньлөн юрын серпас: найö, куим ань, гөрöны вöлөн. Мудзисны вöвъясыс, верднысö öд войнас сöмын челядь важ иддза му вылас видзöны вöвъяссö, турун сі абу сетны, он шу нин — зөр. Ас мудзöм йывсьыд он на и казътыв, кор вöлыд оз гөр, усьö гежым вылас. Гöрысь аньяс тадзи шойччисны разялöм гөръяс дорын, а кыскö воис колхоз пред Пиля Пиль (вайöдісны райкарсянь вомöд кежлö), верзьöмөн вöв вылын, киас орыс, кыдзи тай войкнитас мыш кузяныс орыснас, öтчыд дай мöдысь на: уджавны пö колö, оз куйлыны! — горзö. А öні со бара локтöма. Кылыс быттö и мавтö выя бордөн, а вöсни орысөн кучкö мыш кузяыд. Марин Пöч важөн нин гөгөрвоис, мыйла воисны сы дорö важся «мусукъясыс». Ни сиктсöвет, ни колхоз правленнöй эз вермыны пычкыны сылысь госзаёмö ни öти ур. Со и ыстісны найöс, оз-ö чукты топыд сьöлöм каличыс лэчыд кыла Марин Пöчлөн да сы кодъ жö и мукöд гöрысь-кöдзысьлөн, верöса кöть верöстöм аньяслөн, кодъяс дорисны жö эськö ыджыд Победасö, оборона фондас сетісны став няньсö, мый босьтлісны колхоз му вылысь, медбөръя пасьсö вылыссыныс кулисны да сетісны, гын сапöг и ной кепысь и медбөръя көпейкасö на. А войнаыс помассис, да бара на кытчöкö деньга колö сетны. А кытысь нö сійö? Чунь помсьыд он нёняв.

— Тэ мыйла он вештысь госзаёмысь? — быттö лыддис мөвпъяссö анылысь, юаліс райуполномоченнöй.

— Коді гижис, мед сійö и вештас, — раминика вочавидзис Марин Пöч.

— Но кырымпасыс тэнад? — Пиля Пиль восьтіс папкасö да перйис сэтысь кабала лист.

— Менам. Мырдөн тшöктісны да.

— Миян сэтчöдз абу делö, кыдзи тэ кырымасин, понимашли. А кырымасин — закон. Закон торкöмысь пуксьöдöны Човйö. Кöть дас шайт, а колö вештыны, Марина Ильинишна, — ним-вичаліс Пиля Пиль коркöя окавлöм, но öні на сэтшöм жö гөрд вом доръяса аньöс аслас небыдик кывъяснас, кодъяс петісны ёна нин чорзьöм морöс кудсянь.

— Деньгаыд абу чаг, он лöсав черөн... Кöть эськö и черыс на öшйö ки поам да, — Марин Пöч дözмыліс эськö войся гöсьтъяс вылö, но ньöжйöникөн усыпань вылö усис, кылаліс горшас сибдылöм дуллыс. Гашкö, сійö бурöдіс, Пиля Пильыс эз горзы, кыдзи таöдз волысьяс, кöть и повзьöдіс жö Човйö пуксьöдöмөн, но коді öні полö Човйысь, гашкö, дас дöва-ань ветлісны нин сэтчö вер-

•
ёсьясёсён вёйюйтёгкостё, бёдён дзоньвидзаён бёр воисны, мамсё кё абу лыддыны, кодё ылі Войвылын кёрт туй нюждёма.

— Сідзкё, он кёсйы, Марина Ильинишна? — Пиля Пиль тотштотш вёчис чорыд гыжъя чуньяснас пызанё, быттьё барабанё кучкаліс. Сувтліс, воськовтліс кётшасёдз, мыйкё вашкёдчисны Габё Гаврейкёд, бёр локтіс да пуксис важинас, бара гыжъяснас ворсыштёс пызан пёвйё, кён эз вёв ни клеёнка, ни дёра, да быттьё зэв шогситыр шуис: — Изьвинит, Марина Ильинишна, но миянлы быть ковмас вёчны опись тیان гортса кёлуйы. Сельсёвет вузалас, и ті мынтанныд государстволы уджйёзсё. Сельсёвет, давай... — Пиля Пильлён синъясыс велалёсны дзузган би улас да пондёсны аддзыны газетён кышём стёнысь ёшлём фотокарточкаяс, енко джаджйын Ен ёбразъяс пыдди сулалысь Ыджыд Вождыслён отувъя портретыс, занавестём инпёлын ас вёчём комод, сы вылын лимень тасьтё, кыгысь чурвидзисны пу пань помъяс, пачводзын ыджыдкодъ сёд чугун, сйёс стёрёжитёс укват, пач сётанланьыс, пельёсас нин, ыргён кёш кодъ мыссян доз, сы улын пес пекыль-джек вылын лимень лёкань. Югыд вежёсё пыран неуна восьса ёдзёссянь кылісны посни войтырлён нюрвана шыяс.

— Вузалёй бара, — торкис видзёдёмсё райуполномочённойлысь тайё озырлунсё кутысьлён кывъясыс. — Мыйкё сюрё кё, дерт. Но мёнам, честнёя кё шуны, ёти укват и коли сёмын дзоньыс. А чугунёй, быттьё тёдіс, вузаласны да, воддза лунё на потёс. Кар-тупельё путёг коли весиг. А мый сёсся... — кодкё бёрддзис ёдзёс сайын, сы вылё горёдчисны, но бёрдысьыс гораджыка на авёстіс. Марин Пёч босьтёс дзоньвидза укватсё да нуд помнас зутш-нитёс ёдзёсё. — Ланьтанныд, он сэн?! — горёдчис. — А то ёд вузаласны! — и друг быттьё паляліс унмысь-вётысь, чужёмыс ёзйис кутшёмкё гажтём гажён, чатёртёс юрсё, мыччис водзлань тыра йёла морёссё, видзёдліс сюсь синъяснас кыкнанныс вылё, кодъяс локтёмаёсь корны сылысь сйёс, мый сылён абу, да быттьё став сёлёмсянныс шуис: — Энё чайтёй, уполномочённой ёртъяс, мый ми сэтшём нин гольёсь. Выйым миян, мыйён мынтысьны гос-заёмысь. Со, видзёдёй! — и восьтё ёдзёссё, кён жива-жава кылісны ныв-пиыс. Пёлать вывсянь мыськытём сёркниясён югнитёсны вильыд юръяс, нель-ё-вит. — Йылём мында найё миян. Ньёбёй, вузала ётикёс. Бёрийёй. Гижёй... Мынтысям. Ми абу корысялысьяс.

— Йёймис бабаыс! Таысь ёд судитасны! — сиптёс ёдзёссё Габё Гаврей, кодё сёмын на кёсйис пырны сэтчё, мед гижавны еджыд кабала вылё сёд олёмсё Марин Пёчлысь.

— Судитёй, колёкё, пуксьёдёй... Тё — власьтыс. Мё сёмын на и иг воы сэтчё. Дак инё мый, ньёбанныд, он? Ныв кётъ зон!.. Марин Пёч весиг сералёс, а кык мужик, власьт кутысьяс, эз тёдны, мый вёчны, помавны-ё эмбур гижалёмсё, пышйыны-ё татысь Ен му грекысь. — А он кё — со Ен пельёсас Лениныс да Сталиныс, а со и петан ыбёсыс! А то!.. — пужём сёлёма ань ырыштчис укватнас.

Крапнитчис керка ёдзёс. Гиля-голякыліс кильчё ёдзёсысь сёкыд кёрт кольчаыс...

Ставыс тайё дзирдён моз сьавкнитёс-мунёс Марин Пёчлён юрын, кодлёнкё ёнё керкаё пыригкостё. Вёлёмкё, абу некутшём управляющёй, кодысь повзис да дзебсис Габё Гаврей Второйыс, а медся матыса кыв вежысь ёртыс, Пекла чойыс. Быттьё гажёдчыны петёма, важся кашемир шаль павкнитёма юр вылас, плис

пальтоасьома, кокас джуджыд бора сапөг, көть ачыс крукыльтчома мегыр моз, беддясьома. Эз на пöдлассы борвывтис öдзöсыс, а видчыны нин пондiс:

— Марин чой, мый нö тайö?.. Чайтi, игнасьомыд, а гурйив воссис сод ыбöсыд, да тöкөтö иг ныртшуксы. Но, белакö-саö... — Пекла, тыдалö, и збыль нырнас люкалöма нин посводзсö, пырис да пыркöдчыны пондiс, водзвывсö морöссияныс да кок улöдзыс öшöдчöм кок кунтэйöдзыс ки пыдöснас ниртö. — Мый нин карлан-олан? Тöда, белакöсаö, ки вежинь он пукав. Гөгөр дзим да дзурк. Пестö юкалöма-тэчöма чипасö, туйтö чышкöма-нюлöма... Эн жö öд ачыл пестö? Кодi нö? Гашкö, бара эсийö Гаврей Второйыс да? — Пеклалөн вомыс тырöма шуавтöм кывъясөн, оз лэдз и вочавидзны, лöдö и лöдö вомсыс. — Меся, инлы, кыла вөлөсьтö петала Марин чоям. Пызаныс сылөн век дась. Со тай бара нин чаюйтöма кодкөдкө. — Лөнис жö сэсса, пуксис пызан саяс да.

Марин Пöчлөн талун шуда керкаыс, гөсьт бöрся гөсьт, пинь саяд дыр он видз кывтö.

— Ола-выла, сёя сола и сыла. Вомö на эськö путшкö, но лысьомöй ёна жö нин рутшкö, нылö-вöсьö Пеклö.

— Дзуртысь-вутшкысьыд сира мыр на. Ме вот кула регыд. Эстi ёнтö, эстi лöмитö, ки-кок усьны пондiсны. Кодi и дзебысь лоас. Кулан паськөмсö дасьтi нин эськö да. Горт пöвсö на колö посёлөксыс вайöдны. Сидз, белакöсаö. — Пекла сидзи норасис, быттö нин и збыль кулан кадыс воöма.

— Кор да кытысь нö удитiн куравны кулан висьöмсö, нылö-вöсьö? Төнлун на вöли тувсов кань моз бöжыл тiрзё-а, быд гача вылö синмыд чашкалö. Ме тэысь пöрысь да ог няргы-а.

— Пöрысь да вöрысь.

— Быть öд вöрысь, мынöмыд кө агас-гöрысь. Чотысь көбыла-ös оз нин доддявны и куйöд кыскыны. Шом он көт, а кынöмыд пöt. Тöv чужъялам, а выя нök панялам.

— Зэв нин тэ, Марин чой, талун выя кыла. Пензиятö содтiсны да? Меным тай зэв уна содтöмаöсь-а, — ошйысьыштiс Пекла.

— Содтöмаöсь? Ме тай нö иг и казавлы, нылö-вöсьö. Ылöдчан кө-а? — Марин Пöч тöдiс, «выя кылаыс» — ачыс Пеклаыс, неуна ошйысьыштнытö ичötсяныыс велалöма.

— Тэ абу кудри юрсиа зон, мед ылöдны. Сё ей-богу... Менам öд медальяс... кыдзи нö... Со весиг Ен Мамыслы пернапас чöвта, он кө эскы. Ошйысьны и локтi. Нэмтö сiт зыртiн да, мös бöжтö мыськин-чышкин да, чайтiн, медся озырнас лоан, а на вот, нютшалiсны, пев пом петкөдлiсны. — Пекла быттö и зырсигомоз сёрнитö, но кывъясас оз тöдчы омöльтöмыс, шыясыс весиг жали-танаöсь. Тадзи нин велалöмаöсь öта-мöдныскöд сёрнитны: видöмөн ошкöны, ошкөмөн видöны. Сёрнитiгкостiыс көдзыд чай кисьтiс чашкаö да юыштiс, вомыс, тыдалö, косьмис больгöмсыс. И сэнi жö мыжалiс керка месаньсö: — Ыджыл гөсьтя локтiс, а тшайыл йизьöма. Көн нö пым шангыыл? Чериняныыл? Лавкаас тай вузалiсны скумбриясö... Ме на вина доз кыски-а. — Питшөгсыс перйис тыра сулея. — «Зарни Ёль» шусьö. Абу, дерт, Ёльса ва кодь выныс-а. Көсий эськö «Олөм вын» ньöбны, но кык пöv дона...

— Уна содтiсны, шуан, пенсиятö да...

— Но öд эз жö сы мында... Көн нö вомö сюанторйыл, Марин чойö? Али нинөм талун ин пöжав-пу?

— Вина дорад на курчанторйыл öкмас инпöлысь Ен отсөгөн,

ин бѳрд, нылѳ-вѳсьѳ, — Марин Пѳч кѳсийс на пычкыны Пекла вомысь, уна-ѳ збыль вылас содѳс пенсияыс, ассьыс тай эз и ка-зьявлы весиг лыддигас, кѳть и шуис Пѳшта Надѳѳыс, содѳма пѳ, но сѳки мыччысис гѳбѳчысь Габѳ Гаврей Второй, гусьѳникѳн матѳдчис орчѳн пукалысьяс дорѳ, сывйыштѳс кыкнаннысѳ да Пек-лалы пеляс вашкѳдѳс:

— Век томман, Пекла баб?

Пеклаѳс бытѳѳ токѳн чуткисны. Сылѳн и вомыс восьса коли, мыйкѳ кѳсийс шуны да, киясыс шевгысьѳмѳн кынмисны. Но сѳн жѳ ѳдѳйѳ и шоналѳс олѳма ань, айулов ѳд кывлысис, а вунас мѳй мамыслѳн унаысь кодѳ шулѳмыс: «Енѳжын — шондѳ, а му вы-лын — мужик». Ай ловыд тай олѳмад и сьѳлѳм дойдысьыс, и лов пальѳдысьыс. Кымын мужичѳйлысь кисѳ тѳдлѳс ас нѳмнас Пекла, малавлѳсны и дойдлѳсны, небыдѳсь и чорыдѳсь вѳвлѳны, а тайѳ со, кодѳ тай сывѳялѳ ѳнѳ, пым руѳн весиг сотѳ.

— Олысыыс али кодѳ? — ачыс малыштѳс «олысыыслысь» кисѳ пельпом вывсьыс, юрсѳ лѳптѳс. — Но, еджыд синмаѳ, абу-ѳ тайѳ Гаврей? Пывсьѳднытѳ ѳд ковмас. Этадзи повзьѳдчан. Стѳрѳникѳ пѳртан... Кор нѳ пырин? Иг тай и казьявлы. — Пекла весиг том-мыны пондѳс, видзѳдѳс вильыд чужѳма том мортыс вылѳ да. Весиг, сувтѳс да, кѳтшасын сулалысь лимень лызь беддѳыс кодѳ лоѳма ачыс веськыд, бытѳѳ эз и пыр тайѳ бедьнас джоджѳ мытшсьѳмѳн, кашемир шалыс гылалѳс пельпомѳяс вылас, бытѳѳ петкѳдлѳсны том ай ловлы, абу на весиг дзормѳма юрсиыс, кѳть тайѳ юрсиыс нин дзоридзалѳс химиякѳд ѳртасьѳм бѳрын.

— Эн повззы, Пекла баб, тайѳ збыль ме — Габѳ Гаврей Второй, сиктса уджтѳмалысь герой, кыдзи шуѳ Марина Ильиничнаыс.

— Бабѳн менѳ шуѳ, еджыд синмаыд. Мариныс мѳлѳйчча лоѳма, нимѳн-вичѳн сѳйѳс, а ме — баб. Сѳйѳ ѳд пѳрысь меысь. — Пекла баб клѳп-клоп вѳчис ки пыдѳснас Гаврейлы восьса морѳсас. — Эт-татшѳм казак-бурлак... Бура бур уж... Том кѳбыла эськѳ тѳныд, том кѳбыла...

— Ми Марин Пѳчкѳд лѳсялам. Кытысь томсѳ босьган? Томыс карѳ пышѳйѳ, посѳлокѳ. Тѳ коддѳѳмыс со и кольѳны сѳмын. Ми Марин Пѳчкѳд и... — Гаврей Второйлѳн синѳясыс эськѳ сибдѳмаѳсь нин пызан вылын сулалысь тыра дозлѳн еджыд юрыс вылѳ, но абу ѳмѳй прамѳй морт сѳйѳ, оз мѳй коркѳ сиктын медтыдаланаыс вѳвлы, кутчысьны оз тырмы сямыс. Синмыс сѳн, а вомыс мѳдлаын.

— Марин Пѳчлѳн крѳватыс век шоныд, со и пырсьѳ...

— Коркѳ эськѳ ачым на кутлѳ тѳ вылѳ надей, — видзѳдѳ Пекла баб том морт вылѳ, а синмыс кѳнкѳ ылын-ылын, важ кольѳм олѳмас... Этатшѳм жѳ льѳм тусь синѳяса, гильѳдчысь уска...

— Кутѳн надей, да вѳлѳма дед Падей, — воштѳс Пеклалысь аддзыланторсѳ Марин Пѳч.

— Эн пов, Пекла баб, аддзам и тѳныд кок шонтысьѳс... мед этайѳ вѳлѳ-а, — оз вермы сѳсся кутчысьны Гаврей Второй да тшап-кѳ сулеясѳ гонь помѳдыс.

— Выргы, выргы, некрещѳнѳй, быгзьѳд вомтѳ, вузавлы сям-тѳ, — Марин Пѳч яндысьѳ нин. — Кывнад и кужан сѳмын удж песны, герой.

— А ми и киѳн на кужам. Сѳдз ѳд, Пекла баб? — Гаврей Второй ѳдѳйѳ восьтѳ дозсѳ, но чашкаясѳ оз кисьтав. — Марин Пѳч, а кѳнѳсь нѳ кока румкаясѳ? Крустальыд? Фарфорыд? Эзысь паньыд? Дона гѳсьтъяс воѳмаѳсь. Пенсия содѳма. Ыджыд Лунсьыд ыджыд лун, а сылѳн кока румкаыс абу пызан вылын. — Гаврей ютѳгыс нин

коддзёма, кучкёма юрас вина йылысь мөвпыс, вочакыв оз виччысь, сьылö нин:

**Вина ю, вина ю, вина ю да кодав.
Вина юа, чөсмася да Маринакөд вода...**

Марин Пөч быттö эз и кывлы Гаврейыслысь сьылөмсö, броткö вомгорулас: «Кока румка ковмөма, крусталь, парпор... Аддзыліс-ö коркö Габö рöдыс парпорсö да крустальсö...» Гаврейлөн көть и сьылö вомыс, пельыс чош и воча кылыс дась:

— Ми тай гортын век дона госьтъяслы кока румкаын вина, фарфорын чай...

— Тöкарит! — дöзмискодь Марин Пöч. — Изö сэн. Гашкö, зарни паньон на шома шьдтö панялан? Босьтчин, так кисьтав стöканас.

— Стöканö кö, и стöканö. Миянлы нö мый, мед кисьтны кытчöкö-а. Позьö и стöканö, абу кö кока румкаыд, — Гаврей кисьталö винасö Марин Пöчөн вайöм стöканъясö. — Мыйöн нö абу хрусталь. Пыр тыдалö, — кучкыштö стöкан дорас ичöt паньон. — Со, звöныс быттö вичкоын...

— Пеж кывъя тэ, Гаврö. Ачыд он тöд, мый больган, — Марин Пöч ваялö пызан вылö капуста и, тшак и, черинянь и нöшта мукöдтор сёян-юанысь. — Ыджыд Лун кö, и Ыджыд Лун. Ен му грек... Кык вежон на сыöдз эськö, да мый сэсся. Водз гөтрасьомысь да водз нөбөдчöмысь тай, шулöны, оз каитчыны. Ми сідз жö, водзджык и Ыджыд Лунсö пасъям.

— Кывийö менам эськö пеж, но ме сійöс мöдкöд ог веж... Шуи-ö, Марин Пöч? Тэысь на бура да ясыда. А шуан — пеж... Пежъялö кö, то сыла, госа, бур, сідзкö, пötöса. Тадзи батъяс сёрнитлісны... Гашкö, на вöсна и юам! — Гаврей вешталіс öтар-мөдарас тыра стöканъяссö, ачыс лоис бабъяс шöрын, лэптис да кымис стöкансö вомас. Но быттö винаыс эз тöр горшас, тшöкмуніс, кызны пондіс. — Мышкам, мышкам кучкөй... — кык баб пондісны клопöдны Гаврейлы мышкас. Сійö ышловзис, шедіс лолыс: — Жаль лои винаыс кодлыкö... Гашкö, и аслым. Юан — и абу. Жаль, дерт.

— Некодлы тэнö веськыд туй вылö сувтöдны, Гаврö, бажукö, — Марин Пöч малыштис Гаврейöс чукая юрсиа юрöдыс. — Медбөръя ковёрсö пö мамыдлысь вузалöмыд.

— Вузалі. А мый ме сійөн вöча? Сы пыдди Жуковöс öшöді, маршалсö. Орден-медальыс морöс тырыс, быттö кольчуга. Весиг Сталинысь абу полöма мортыс. Со коді öні менö видзö.

— Сійö, дерт, велöдас тэнö, кодкöд колö тышкасьны. — Пеклалы жаль жö Гаврейыс, но ачыс кö тешитчö, сылы позьö жö. — Кыдзи луддзас кулакыд, Жуковыдкöд и косясь. Агейыд öні абу, некод вылын кулактö пазöдлыны.

— Сійöс и сулаліс, ёма рöд. Моздорас нёньпом кага, а сійö посёлокö пышйö... зырсыны, кырсаьны. Тайö мөй мам? Гөтыр?! — кыпöдö горсö Гаврей Второй, горшыс нин гөрддзасьёма, оз тай бөрддзы-а.

— Уджыс сэні сюрис да. Краж оз чеглав, мый абу овны.

— Мунін кö ачыд посёлокас, бажук, ставыс на, гашкö, лад-мис-лөсяліс. Ті öд томöсь на... Мусукасьтöгыд, ой, ой, кыдзи абу йомкыд том дырйиыд...

— Некытчö! Весиг кок пöлөн, — оз сетчы бабъяслы Гаврей. — Ас му вылын, ас сиктын, ас йöз костын...

— Агейыд нö абу аслад, пиыд да?

— Писö код тöдас, но Агейыс абу миян. Куйöд дукуыс сылысь муссö бергöдö. Велöдлі, велöдлі... — Гаврейлы зэв на и жаль, гөтырыс

●

посёлокө муніс да, писё тшөтш нуис да, но ай-мам керкасё оз кёсйы кольны. Гётырыс на воывліс гортас шойччан лунъясё, но бөръя кадё эз нин тыдавлы сиктын, Гаврей оз жё мун. Сідз со и олоны. Гаврей став уджсё нин сиктысь видліс ас ки-кокнас да юрнас, воліс управөдз. Но вөтлісны управсьыс, да быттё киясыс личалісны, совхозас оз кёсйы уджавны ни трактор вылын, ни скөт дорын, кор нинөм оз мынтыны пөшти, оз мун и лесопунктё, көн бухгалтералё гётырыс, да уджыд, дерт, вичмис на эськё сылы.

— А воис Агейыд сиктё да из удит сельпоас бугалтер пызан саяс пуксьыны, рушкуалін сійөс. Чайтін, лөсьыд кө син-пельыс, и лов пытшкёсыс юмов, — пондіс видчыны Марин Пөч. — Гача на воис дай. Быттё пөрчөдны некоді оз вермы... Ен му грек. Мусукасьны он кужой. Аддзылі өд, кызди пывсянө пыртлін. Сэні, дерт, шоныд. Ачыс пөрччис гачсё али тэ?..

— А ті кызди мусукасинныд, Марин Пөч? — юалис Гаврей, да Марин Пөч весиг джөмдіс, кылыс вошис. — А тэ, Пекла баб? Нэмтё өти чунь олан. Тятей ни ветей, кысук ни мусук... Век на видзан нывбуртё дзоньон? Али кыз?

Пекла баб весиг шемөсмис, синмыс пемдыліс. «Оз-ө көть мыйкё төд айыскөд коркё мусукасьөмсё? Эз-ө көть Мариныс гутөд олан бансё? А мый эськё и шуас өні пиыс, казъывны кө сылы». Пекла баблөн весиг серамыс петіс, кор таdzi мөвпыштіс. Абу кө сылөн тятей ни ветей, монастырын эз жё ов.

— Маринё чойё, вунөдін-ө, кор тайё керкаад ме лавөшникалі?

— Розя юрам мыйкё эськё кольөма жё да. Ме өд ачым идраси да мыйкё и аддзылі жё, нылө-вөсьё. Тэныд и овны сэки вөлі: няйт ни бус, вомад небыд кус, кияс абу гөжөсь, пусы ни пөжась. — Марин Пөч видзөдлө Гаврей вылө, малыштё пельпо-мөдыс. — Этатшөмыскөд кузь бөжасин... А менам уджыс синмөд петө. Йылөмлы кыдъя жытейөн йөв чашка, со и пөтөсь. А тэ юмов көлачөн вөлі тшаюйтан Гаврей коддьөмыскөд...

Мыйкё на эськё водзё лыддьөдліс Марин Пөчыс, но Пекла баб вөтын моз нин оліс. Мөвпгяснас лавкаас нин вуджис. Ачыс пөсь шобді нянь тупөсь кодъ, нюмъялысь пиньясыс, сакарысь, лавка прилавөк вылас югыд самөварысь көлача чай юө. А Марин Пөч джодж мыскё да сылан кодъ сёрни горнас лайкөдө-боргө, мыйкё век висьталө и висьталө... Юбка бөждорсё коскөдзыс лэпталөма, сартас кодъ вөсни кокъясас киссьөм көті шой, өдва и өшйө кокас. Пуджөм сойясыс лөз визяөсь, сөнгъясыс эрдө петөны, зэлөдчылас да. Помаліс Марин Пөч уджсё ки-коклысь и вомыслысь, өдзөс вугйө нин кутчысис, мед петны, Пекла и чукөстіс:

— Чайсё көть юышт, белакөсаө... сакар и көлач на со.

— Вира синмөн өд видзөдлас Габё Гаврейыс. Воөма пө вөрсьыс да. Пуктісны дворё ыджыдавны, да син ни пель оз куньлы. Камандир, да и ставыс, век быттё вөйна вылын на. Кыв шуан паныд, трудоднейтө чинтас. — Марин Пөчлы эськё сакара чайыс да юмов көлачаыс абу жё вомсьыс петмөн, но пыксьё на, кызди велөдлісны ай-мамыс, пөль-пөчыс: куимысь кө оз корны, йөз пызан сайё ин пуксьы, кутшөм көть абу рөдвуж ордын тэ. Со и виччысьё, кор Пеклаыс мөдысь да коймөдысьсё чукөстас.

— Лок ю, лок... Кисьті нин со... Абу и яндзим Гаврейыслы, — югыд самөварыс моз жё дзирдалө чужөмбаныс лавөшниклөн. — Горшыд өд косьмытөг эз ов. Ю, меся.

— Кок пыдөсас сылөн яндзимыс, — Марин Пөч матөдчө при-

лавок дорё. — Юышта инёсь, зэв кө нин көсьян. — Он ю да, гашкё на, и лёкодчас. Позьё мой лёкодны, кодсянь оз-оз да и чегся-юксяс нянь пырык коркё йылёмыслы. — Бур съёлёма тэ, Пеклө-восьё.

— Ен джаджъяд көть ин пукты, — гидз-гидз сероктыштё Пекла.

— А тшайсё, тшайсё кисьтёма... нылө-восьё, сирва. А дукуыс... М-м... Слёна пачкасьыс?

— Сэтысь, Марин чой, сэтысь. — Пеклалы съёлём ногниыс, кор кодкё сы водзын нювсьыштё, көть и медматыс мортис.

— Дерт, абу од аслад... — Марин Пөч шуис и көть бөр босьтас кывсё, эз-ө көть дойд чойон шуысьсё. — А унджык кө сёян-юан, уджйёза кө лоан, нылө-восьё? — көлачсё оз лысьт курччыны Марин Пөч, сакар торсё нюлыштны.

— Ин пов, белакёсаё, — сералё нин долыдлаыс Пекла. — Сэн косьмёма, сэн виялёма, сэн шыр гурскёма... Кыдз нё сытөг? Да тэ ин пов... Босьт зептад гоз көлач йылёмыдлы, — но мёдыс оз босьт, да ачыс суйё сылы халат зептас кык көлач. — Ме од гөгрөс да выя, мойдса көвдум кодъ, — гидз-гидз сероктыштас Пекла. — Човсьыс ылө оз гөгыльтны.

Чов кывйыс Марин Пөчлысь муссё зыртё, эз на важөн и мамыс сэтысь во. Нулисны гортсьыс вира-яя том мөлейччаён, воис нитшсялём куйлысь кондаён. Бурда на, бурда на, шуё, а ачыс зятъыс моз паччөр да кровать личкё да Марина нылыслы содтөд ноксьом вөчө. Бур көть на, потанын куйлыськөдыс шогсё пальөд-лас ассъыс. Со мыйысь «Чов» кылыс тертукөн зыртё пытшкөссё Марин Пөчлысь. Но Пеклаёс оз лёкод, мөдарё, бурөдө:

— Быд кыв көла дозйё ин тэч, нылө-восьё. Көть и шуи, мед эськё он жё вомдзась. Ен мед видзас. Көлачтё ог босьт, грек... Ленин-Сталин водзас. — Вождьяслён портрета вежөсас и вөлі буретш лавкаыс сэки, асьныс бара вылыс судтаас овмөдчылісны. — Бур тшайсьыд аттьё! Сакарсьыд да, — бөр ректіс зепсьыс көлачсё прилавөк ылө. — Ин вывті лышкыдась. Вом-пельыд мед эз жё ныжмы-а. Ен моздорынджык ов. — Марин Пөчлы эськё аслыс колёма лоны учительнас верөсыс пыдди, но кысь босьтан.

— Ен моздорын-ө, көрта өшинь сайын-ө, но көнкө нин лоам сэтөн, кытчө нуөдасны Ленин-Сталиныс. — Пекла оз шогсьы. Сылөн батъ ни мам эз кольны, батыс эз во зимөгөританінысь, а мамыс гөранінысь локтігөн юас дурзянысь көдзыд ва, сюрвисьом босьтас да и эновтас өття нылөс таладор югыдас. Пеклаёс детдомө йөртісны ас сиктас. Сизим классё помаліс, да ФЗО-ө нуисны Микуньё, маслөнщиккө велөдісны паровоз дорё. Но пышйис сэтысь гортас. Пондас тай няйт да дука паськөмөн лунтыръясөн уявны паровоз улын. Воис куш да көдзыд гортас да пачсё ломтөм пыдди йөз сарайын узис. Пиля Пиль пыртөдіс. Сельповын предаліс сійё сэки, райкарас мунөм водзвылын. Сійё и иналіс лавөшникас. Оз мой куш тшөтінад тшөлкөдчыны, велөдчигас арифметикасьыд «4» да «5» век вөлі. Сідз и сибдіс көлача-сакара тшай дорё. Весиг некутшөм курсъяс эз ковмыны, мед «быдтыны квайтөд чуньсё». Тшөтіөн літш-лотш, өтарө-мөдарө, чинтас-содтас, ньобасысь оз и төдлы, кыдзи сылөн көшельысь рубыд веськалас лавөшник зептө.

Мөвпъяссё Пеклалысь торкис кильчө өдзөслөн көрт кольча шыыс. Марин Пөч тэрмасис петны. Сылы паныд пырис Габө Гаврей. Сувтісны ныр-нырө. Марин Пөч көсйис кежны, но мёдыс

●
эз лэдз, перйис зепсыс эзысь «трофей»-часі, видзёдліс да яр-
скёбакодъ шуис:

— За опоздание петнадцать минут тэ лоан штрапуйтёма вит
трудодней, — Габё Гаврей век на вёлі салдат фуражкаа, галипе
гача да салдат шинельсьыс вурём шушуна, коть вёйна помас-
сьёмсяньыс колис нин пёшти дас во, ачыс удитіс нин и сикт-
сёветын власьт кутны, и ёні сё Мётёпё Гаврейён нин ыдждёдлө-
ны мукёдыс.

— Талялам мёс сіт, нажөвитам мёд вит, — Марин Пёч веш-
тіс вына кинас Гаврейёс туй вывсьыс да чувкнитіс-петіс ёдзё-
сёд.

— Ёна тай полёны МТФ завсьыд дояркаясыд, — гир-гир
серөктыштіс Пекла. А Гаврей тэрыба игналіс ёдзёссё куричын
ёшалысь ас дорём кыз каличён да быттьё нинём эз и вёв, пёш-
ти котөрөн локтіс сералысь лавёшник дорё да прилавөк вомёныс
и кутёдіс.

— Фёклаёй-свёклаёй тэ менам, юмов паренчаёй, — пондіс
сывъявны сьыліёдыс, кёсйис окавны вом дорсё, но артмис ока-
лөмыс сёмын бан боксё. — Сэтшёма гаж бырис... А чайыд пёсь
на? — чеччыштёмён пуксис прилавөк вылө зад джыннас, кисьтіс
Марин Пёчён кольём чашкаё чай да зэв нориника, быттьё кань
нявёстіс, шуыштіс-юалис: — А гашкё, сизим грамм?.. Шондіёй тэ
менама.

— Марпида-царевнаыд кё вожа синнас аддзылас, петкөдлас
тэныд «шонді».

— Мыйлакё тай вильыд кымөстё важён нин ин мыччывылы?
Кытчө нё саймовтчылін, кутшөм юбка улө? — быттьё и оз тёд
Пекла, көн та дырасё дзебсясис Габё Гаврейыс.

— Ёмасьыс пышйылі. Вөр-ваын шөйті. Сөстөм сынөднас пальёді
усьём лолөс, кизьөрті сук дьөгөтьё пөрөм вирөс. — Габё Гаврей
ырситыштіс спирт сора чайсё, малыштіс морөссё, дөрөм кизьяссё
пөрччаліс, ышловзис да водз чуньнас индіс вывлань, көн ёти
жырйын вёлі и колхоз правленнё. — Лэбөдны ставсё, МТФ-сё и
колхозсё! Вөр-ваас колө туп пырны, мед ин и петав эськө сэтысь.
Сэтшөм сэні лөсьыд да кокни...

— Мыйлакё тай локтөмыд жө. Ме эськө иг лок сэтшөм
райысь, — Пекла төдіс: ветліс кё тайё «казақыс» вөр-ваё, мыйкө
и вайис. Медсясё манитіс Пеклаёс чими, чиг яйыс и пөкйыс.
Ставсё кё пыртіс гортас, Марпида-царевнаыс, кыдзи гөтырсё
шуёны сиктын нимыс вөсна, дерт, оз чуктөд нин некодлы.
Пыралан кё, тэнсьыд жө треска бөжтө, мый төрыт вузалін, пы-
зан вылас катас. Колө Гаврейыслысь пычкыны, оз-ё гусьён Ёма-
сьыс, кыдзи ачыс шуё гөтырсё, вомө воштыв. А гашкё на, и дзе-
басаинё ачыс дзумгис локтігас да сэтысь тшепыштас «парен-
чаыслы». Кытысянь и матөдчыны, мед эз жө чайт «мусуқыс»,
пычкө пө, корысялө. — Йёлын купайтчыны дөзмін, ваё пыралін? —
сюри сёрни панасыс Пеклалы. — Гашкө, и нима чери крукасыс
крука нырнас?

— Вайышті, ог соссьы, — Гаврей исөдывліс чими пөкөн Пек-
лаёс, нинём чегсьыны. И эз сөмын Гаврей... Но пөк ковмис
Пеклалы ёні, кор Гаврей ошйысис нин, вом ваыс сөдзё.

— Видзөдлыны коть эськө. Кутшөм и рөмыс, вунөді, — вор-
сөдчытөг нё кыдзи, сытөг он пыр йөз гөбөчө, кор сійөс видзө-
стөрөжитө Марпида-царевна-Ёма.

А Габё Гаврейлы Пекла-паренчаыс колө. Но та вылө колө

прилавок вуджны, а пыраныс со кытён, бокин, лэдзан китё, гашкё, и кодзалас «шондйыс». Гаврей пыксыштис кинас прилавок вылө да чечыштис прилавок сайё, кутыштис коскёдыс лавёшникёс, окыштис, өні нин — небыд парьяссё.

— Со кызди ме чөсмөда тэнсыд вомтё... паренчайё тэ менам.

— А ме гөрд чери вөталі, пөка...

— Лоас и чери, лоас и пөк... сёлөм косьтысь... — Габё Гаврей том уж моз зыртчө водзнас и бөрнас пось да небыд яя ныв бердын, мед эськё сійё ас мозыс жё ярмис да сетчис сылы уна кывтөг да вынтөг, но мөдыс кын мыр моз сулаліс да сөмын вашьяліс. Гаврей оз төд, кызд и кутчысьны аслыс, мед зз жё мырдөналөм ло. — Да гөгөрво тэ, Ёмаыс ичөт Гаврёыскөд талун гортынёсь. Аски.

— Аски кё, и аски... Ме ог тэрмась.

— Но вай өні... игана өд...

— Ог. Кор ваян...

— Выкоднөй аски, гортын жё...

— Менам өдзёсыс гортын восьса.

— Кильчөыд видзөдө миян өшиньё, гач сылы гугөн.

— Карта ыбөсөд.

— Куканьё пасьтасьла?

— Тэ и сідз кукань. Төрыт на морёс тырыд медальён — герой! А гөтырсыд полан Гитлерсыыс ёнджыка. Он, тыдалё, радейт Марпида-царевнатё.

— Радейт... Ёмасё...

— Юртё ин вошты ме понда. Ме тэныд гөтырө ог суйсьы. Меным тай и өтнамлы зэв бура овсьё... Да мый нё тэ вөчан, Гаврё? — казьяліс лавёшник, кызди «нёбасьсысыс» сөвтё зепсё кооперативлөн көлачөн мынтысьтөг.

— Жаль лои өти көлачыд? Коркё тай... — эз помав, дөзмис весиг вузасысьлөн «казакыс».

— Но, еджыд синмаё, сепыс джын зепталіс, а шуё, өти пё. Корин кё, өд сеттөг иг ов. А тэ кузь киясян. Явита кё? Абу өд аслам? Пуксьөдасны на во-мөд кежлө сельполысь төвар гусялөмысь. — Пекла оз эськё лөкысь, но янөдө жё «мусуксё», өд йөзлысь босьтны юавтөг — медся ыджыд грекыс коми мортыдлөн.

— Вөлі сельполөн, лоис миян. Быттё ме ачым абу тайё кооперативыслөн шлен, нинөм ог төд, мый сэтысь шыр сөйё, мый нөшта кодкё. А пукавны көнкё, Пеклуша, рөссияса мортёс велөдны оз ков. Асьныс Ленин-Сталиныс пукавлөмаёсь тырмымөн, да и йөзсё велөдөны сідз овны. Ми көрт решёткаысь ог полөй, ми — асьным көртысь дөрөмаёсь, — и сідзи топөдіс көрт кияснас Пеклаёс, мый сійё весиг ойкнитіс, да и водтөдіс джоджас, көн кок ув дөра пыдди вөлі вольсалөма некымын тыртөм мешөк, небыдджык. Пеклалысь эськё орөдіс гач көвсё, оз пөрччы ачыс да, көть эз и пыксыы ёна, но асьыс кульны эз удит, кодкё зэв гораа зымөдчыны пондіс кильчө өдзөсё, клёнөдчыны көрт кольчана.

— Гач тэнө гугөн! — ызөмтіс Габё Гаврей. — Мамтё шогөдысьяс! — көть бөрддзас «казак». — Уси өд... уси...

Пекла, коді, мыніс да, оз төд, мый и вөчны, радлыны-ё, ымыны-ё Гаврей моз, өдйөджык талис кок улас орөм вөня гачсё, перйис кокъяссыс да чужйыштис сійёс прилавок улө. Гачасис и Гаврей. А өдзөсын век зымгисны.

— Тайё, дерт, менам Ёмаыс! Абу кё ачыс сюраыс, — кок пөв

•
вылас чеччаліс гачасьысь Гаврей. — Дзеб менё, Пекла, виас ёд, тэнё и менё...

— Но, еджыд синмаё... Менё нё мыйысь? Мырдёналан да?

— А ревизор кё?... Милиция кё?..

— Пыр гёбёчас. Да мед шыр моз сэні, коть аскиёдз. — Пекла пыркёдчыштіс да петіс восьтыны ёдзёс, а Габё Гаврей исковтіс гёбёчө.

А ёдзёсё лёзёдчысьыс вёлёма райуполномоченной...Пиля Пиль. Абу зэв виччысяна гёсьт, но ас морт, кадён-кадён усьлё сик-тё аслас ыджыд могъясён, кежавлё и Пекла дорё, гортас и лав-каё.

— Ме эськё сиптыся нин, — томанён киас паныдаліс Пекла ылыс гёсьтёс. — Но лок ли, мый ли, ззв кё нин колё. — Пеклалы, сиктса дзик ёти лавкаын вузасьысьлы, и войнас чеччывны ковмылас шоныд крөватьсьыс, кор кодыкё, туй выв мортлы, «шонтысьны» ковмылас. — Вьль юёръяс районуьс вайинныд, Филимоныч?

— Райё кокниджык пырны Ёльдинса лавкаысь, — эз воча-видз Пеклалён юалём вылё райуполномоченной, сёрни горыс видчана. — Изёймытёдз сулалі. Тэ мый, узин прилавёк вылад? Табак тшынон мыйлакё өвтё и. Кодкё, гашкё, эм да? Сы вёсна эн восьт?

— Квартал пом. Отчётъяс. Быть сэсся, — колё ёд кызкё дорйыны асьтё. — И ёзтысьлыны ковмылас, шог пальёдігмоз. Мужик руён тай быттьё өвтё табак тшыныс... Кутшөм нин миян мужикъяс эськё да, гач нимсё оз сулавны. А нырысид тэнад, Филимоныч, вөралан пон кодь.

— Табак — яд, Фёкла Матвеевна. Куим грамм никотин вёлёс чергёдө. Думыштлы, — Пиля Пиль видзёдө гёгрёс да вильыд чужёмбана лавёшник вылё да пыр коть эськё сюяс гегдём кияссё сылы питшөгас, но Пекла казяліс нин Пиля Пильлысь тшыгъялём синъяссё да уйкнитіс-пырис прилавёк сайё, сэтысянь нин во-чавидзис:

— Мед вёв и думайтё, сылён юрыс ыджыд. Мый ньёбан, уполномоченной ёрт?

— Штоп эськё... Лы-вемёдз пырис вой тёлыс, понимашли.

— Спирт? Водка? Али гёрдёс велалін райкарас?

— Спирт, эм кё.

— Гашкё, тшайён?

— Огё портитёй добрасё. — Пиля Пиль юис сё грамм спирт, каркнитіс да нюкйис кучик пальто сос помсё, коть нянь тор и калбас тор нин вёліны лэптёмаёсь прилавёк вылё туй выв йёзёс гёгөрвоысь вузасьысьлён. — Добра-а.. Со мыйысь колё сетны Ленинской премиясё, понимашли. Кок чуньёдз малыштіс.

— Ичёт Пилятё и? — гидз-гидз серөктыштіс Пекла.

— К-кутшөм ичёт Пиля йылысь тэ? — эз гёгөрво Пиля Пиль шмонь руё воысь Пеклаёс, но сійё ёдйё и гёгөрвоёдіс:

— Коді кынмис жё, кёнкё... тятей* караныд.

Дёзмыны-ё, серавны-ё тшөтш Пиля Пильлы, ачыс оз тёд, дёз-мёмыс кынмёмсьыс эз на коль, гажмытёдзыс эз на ло ёти штоп-сьыд. Но сёрни горыс меліджык лоис:

— Кывийыд тэнад, Фёкла Матвеевна — лэчыд коса пурт, от-чыдысьён кодзан.

* Тятей — кага (*угорск. гуал.*).

- Вомыд тай, шулёны, каличтём, кывйыд — лытём...
- Тэ мый, кынёмассин? Тятей тай висьталан. Эн жё од меысь? — шмонь руо жё пырөдчө Пиля Пиль.
- Ме нё абу баба, тэ ногөн?
- Баба, абу баба... Менам жё гөтыр. Семья. А кывсяс кө райкомөдз? — пыр жё и пондiс вошны шмонитан руыс, ачыс кисьтiс стөкан джын спиртсө да кисьтiс паськыд вомас, öнi нин нянь торйөн чөсмөдiс курдём кывсө.
- Тэнад на сөмын кыкөнөсь. А генсекыс мый шуис: куим ныла-пия колө быд семьялы.
- Семья... Тэ мөй семья менам?
- А ме ог и көсий. Вая кагасө да тэныд и сета. Быдтанныд өд, гөтырыд пö некөн оз уджав. — Пекла дзикөдз ышмис, гильөдö кытiкө, ворсөдö «войся каньөс», көсий нөштаысь аддзыны, кыдзи тiрзёны сы водзын найö, сөмын казътив кынёмассьём йылысь, а сэки, кынём вылын куйлигас, геройяс. Оз, оз нин кынёмассы Пекла. Сибдылис öтчид көйдыс, вöли сэтшөмтор, кор тай сөмын на воис гортас да Пиля Пильыс пыртлис сараяс. Но эз висьтав. Мынтысис да... дзикөдз мынтысис. Кынёмсьыс ловъя ловсö бось-тысьыс шуис: «Вермас лоны, тайö тэнад медводдза и медбөръя». Сидз и лоис. Оз сибды öнi некодлөн көйдысыс. Нинём и повны. Сы вöсна и «войся каньяссьыд» эдзык повны кут. Мед воласны. Мунасны, и бара öтнас. Вöля öтнадтö: лэбав көть уяв, вир-яйыд лебзё, а юбка бөжыд век кос, некодi оз кутöд ни, оз шу ни, мыйла шыдыд дуб, мыйла рокыд сола...
- Пасибö бур юöрысь... шонтөмысь и... — дзикөдз раммис Пиля Пиль. Пеклаыс и збыль кажитчис кызёмаөн важся дорысь, мыч-чысьём кынөмыс пальто кизьяссö көть орөдас. — Но, ме тэрмасы... Ми аддзысьлам на. — Көсийс нин мөдöдчыны, босьтiс киас портфельсö, но лавöшник косөдiс:
- Та вöсна и пыралiн, полномочной өрт? Сизим граммла? А кодi мынтысяс?
- Абу ме полномочной посол, Феклуша, — Пиля Пиль бөр пуктiс портфельсö прилавök вылö. — Упол-но-моченной ме, — дöзмөмпырысь нин тöдчөдiс. Талун сийö, тыдалö, көсийс зэв кокниа, важся моз жö, босьтны Пеклаöс, но важ тöдсаыслөн, мыйлакö, ёсьмөма пиньясыс. Абу жö öд йöй райуполномоченнойыс, мед эз гөгөрво сы вылын ворсөдчөмсö. Но мыйла? А збыль кө рушкуа? Да сысянь кө? Колö, дерт, паныдасьлыны на. Мыйöнкö эськө мөд могөн на пырис татчö, но... Торкис мөвгъяссö Феклушаыс:
- Прөстит инөсь. Пряной посола селөдка да мочёной яблök эм жö лавкаын да некодi оз ньöб, — дзикөдз вельмөма лавöшникыс райуполномоченной водзын.
- Выйөн, тыдалö, пötөсь... — И клоп! кучкис аслыс плешкас Пиля Пиль. — Вый! — Горөдчис. Вый налог кузя пырис татчö, а пондiс сэн тшөкөлдывайтны этайö краляыс, да дзикөдз вунiс. — Фёкла Матвеевна, — сёрни горсö кыпөдөмөн, мед төдчис, райуполномоченной юасьö, а оз Пиля Пиль мусукыс, — уна-ö сдайтiсны сиктсаыс лавкаö вый госналог? — перйис портфельсьыс кабала-тор да пондiс видзөдны сы вылö.
- Чöv олöны, полномочной өрт, — быттё эз и кывлы сёрни шыыслысь вежсьёмсö вузасысь. — Грамм на из сдайтны. Легöта виччысьöны.
- Кутшөм-сэтшөм нөшта легöта, понимашли?
- Оз пö ло сэсса налогоыс, некутшөм.

— Оз ло налог? Мый вылын нӧ овны пондас государствоыс? Карса мортыс? Тэ думыштлін, дерёвня?

— Кремляс уна старик пукалӧ, мед думайтӧны... — кӧсйис на эськӧ мыйкӧ нӧшта содтыны сэтшӧмӧс, мед ӧдйӧджык мунас талун Пиля Пильыс, но сійӧ суйис кисьыс кабаласӧ Пеклалы ныр улас, сійӧс ошкана кывъясӧн на мавтыштӧс:

— А тэ ӧд быттьӧ ваӧ видзӧдан, Феклуша. Мыйысь ме тэнӧ и радейта. Сюсь тэ морт. Кисьтышт нӧшта сизим грамм, — но кабаласӧ Пеклалы киас эз сет, лыдды пӧ сӧмын, юыштӧс спиртсӧ, Пекла кисьтӧс да, и мыйкӧ быттьӧ зэв гусяттор, вашкӧдіс пеляс: — Думайтӧны ӧд, понимашли. Партия да правительство век думайтӧны миян йылысь. Со тай кабалаыс: вый пыдди позьӧ сдایتны лук, понимашли. Гӧгӧрвоин, дерёвня?

— Мыйкӧ, пелям дзингис да, иг и гӧгрӧсты, Пилимоныч. Мый тэ висьталін? — Пекла и збыль эз кӧсйы гӧгӧрвоны райуполномоченнойӧс, коддзис пӧ да сӧрӧ мыйкӧ: вый пыдди лук. Али шмонь руӧ жӧ пырис? Но Пиля Пиль, кӧть и збыль гажмискодъ, кывъясыс эз сэтшӧм ярскӧбӧсь лоны, кызди водзджыксӧ, но эз на сӧй кыв помъяссӧ, шуаліс:

— Кодлӧн абу мӧс, понимашли... Кодлӧн абу мӧс, — гораджыка нин мӧдысь шуис райуполномоченной, — позьӧ сдایتны вый поставка пыдди лук. Сдایتны сельпоӧ... вый налог пыдди. Со кызди думайтӧны Кремльын. А тэ шуан... понимашли...

— Ме тай сійӧ и шуа эськӧ да... — бара на оз кӧсйы гӧгӧрвоны сельпо лавкаса вузасысь. — Шмонитан кӧ-а... Кызди нӧ вый пыдди... лук? Гашкӧ, нӧк? — Пекла и збыль чайтӧ, Пиля Пильыс, сылӧн ворсӧдчӧмӧ пырис да, шӧтӧ ӧні сылы кӧдзыд рынышас ульсю кольтаӧн, кызди важӧн шулісны, кор бӧбйӧдлысьӧс асьсӧ бӧбйӧдлыны пондӧны. — Кодъяс нӧ тадзисӧ думайтӧны?

— Миян партия да правительство... дорогая... До... дона-ӧ миян килограмм лукыс?

— Ветымын ур.

Уполномоченной вештӧс ас дорас вузасысьлысь тшӧтӧсӧ, тшилк-тшолк вӧчис да шуис:

— Нель кило вый пыдди — дас кӧкъямыс кило лук. Ставыс ӧкмыс шайт. Сетны деньгаӧн. Квитанция мед вӧлі. Заготконтора бӧрыннас вештыяс. Со тадзи, Фӧкла Матвеевна... А тэ шуан, понимашли. — Пиля Пиль нӧшта кисьтыштӧс спиртсӧ да кымис стӧкансӧ вомас.

— Деньгаӧн? — бара на оз эскы вузасысь. Некор на татшӧмыс эз вӧвлы, мед налог мынтысьлы деньга мынтӧсны налогоысь. Налог эм налог, поставка. Мынтысь государстволы, мый тэ сылӧн муяс вылын быдтан нянь и турун, вердан скӧтӧс, асьтӧ и семьятӧ. — Ог эскы, кӧть кымӧсам швачкы, Филимонович.

— Партиялы да правительстволы он эскы? Сӧветскӧй власьтылы он эскы? Миян генсеклы он эскы? Да таысь тэнӧ пуксьӧдны колӧ! — Эз, эз повзӧд, кӧть и гораммыштӧс голяныс, весиг нюм-пошмуніс, мыйкӧ серам кодъ гиж-гиж дзуркнитӧс вом каличсыс Пиля Пильлӧн. — На, лыдды кабаласӧ, понимашли. — Сетӧс кабаласӧ Пеклалы киас. Сӧрни сямыс дзикӧдз нин небзьӧма, лоӧма мелі, ачыс пырӧ прилавӧк сайӧ, кор Пекла лыддӧ кабаласӧ, вомгорулас нунгигтыр матӧдчӧ да мышсянныс кутӧдӧ аньӧс, сылӧмсӧ горӧдӧ: «Сердце красавицы, склонно к измене и к перемене, как ветер мая...» Пеклаыс быттьӧ оз и казав сійӧс, да пондӧ пӧрччыны сылысь пальто кизьяссӧ, суйӧ кияссӧ морӧсас.

— Тэ нё мый, Филимоныч?.. — оз тѳд, мый и вѳчны, Пекла. А Габѳ Гаврейыс кѳ эз дзебсьы гѳбѳчас, видзѳдчѳ кѳ пач костсянныс? И тайѳс оз позь лѳкѳдны, пурсьыс пон кодь ѳд, он тѳдлы, кор и курччас. — Пекла сывйыштѳс Пиля Пильѳс сьылѳѳдыс да пеляс вашкѳдѳс: «Гортѳ мун, Лимончик. Томаныс ключтѳм. А танѳ — ог...» Да гораа нин юалѳс: ставыс, Филимоныч? Мѳдыс пыралѳй!

Но Филимонычлѳн вирыс бура нин сорассѳма спиртѳн да оз кывзыс, сылы быть колѳ водтѳдны «мусук Пекласѳ» джоджас, кьдзи сѳйѳ коркѳ вѳчлѳс нин ѳтчьд. Но мѳдыс пыксѳ, винѳв лѳѳма, нетшкысѳ. Дыркодь тадзи вермасисны чѳла, но аньлы быть сѳсся ковмис кывлысѳны:

— Оз позь... Оз позь, мися!

— П-позь-ѳ... Райуполномоченнѳйлы быдтор позьѳ... — Пиля Пиль ѳш кодь ѳн, личкис Пеклаѳс джоджѳ. Но сѳки гѳбѳчыс петѳс Габѳ Гаврей, радейтчѳсьяс эз и казявны прилавѳк сайсян, матѳдчис ѳдзѳс дорѳ, петѳс да мѳдарсянныс нин пондѳс игѳдчыны. Вѳлис паялыштѳс райуполномоченнѳй. Чеччыны ѳд ковмис, эновтчыны сетчытѳм Пеклаыс. Петѳс прилавѳк сайыс. Сулалѳ, пиньнас гитшкѳ, синнас сѳйѳ Пеклаѳс. Чѳв олѳны. Коркѳ и Габѳ Гаврей пырис. Быттьѳ нинѳм оз тѳд. Артист жѳ эськѳ да, кужѳ асьсѳ кутны, но ныр-вомыс люкасьыс ѳшлѳн кодь жѳ да, кхы, кхы! кызѳктыштѳс, ѳдзѳс дорас и сувтѳс.

— Танѳ тай ьджьд гѳсьт вѳлѳма... райуполномоченнѳй ѳрт... Видза олан, Филимоныч!.. Тѳ, гашкѳ, государственнѳй делѳясѳн, а ме... ме эськѳ куритчанла да...

— Олан-вылан, командир, — сѳмын и шуис томдырся ѳртыс, кѳсѳ мыччис, но эз топѳд, сѳмын сюйыштѳс Гаврейлы шамырас.

— Тѳныд «Беломор» али «Север», Гаврил Гаврилович? — гажаа юалѳс вузасьыс.

— «Север» эськѳ да... — падмис Габѳ Гаврей, зепсьыс деньга пондѳс корсьны, но сѳнѳ сѳмын кѳлачьяс. — Но, гач тѳнѳ гутѳн, вунѳма босьтны сѳѳрсьым... Уджѳѳзавлы, Фѳкла Матвеевна.

— Уджѳѳзѳн оз позь, Гаврил Гаврилович, ачыд тѳдан. Ме честнѳй сѳветскѳй вузасьыс, отличник торговли... — мый сѳсся коли шуны Пеклалы, этатшѳм вабергачас веськалѳс да. Ассьыд кѳ пѳрт увтѳ пестыны кужан, куж и кусѳдны.

— Прѳститѳй, сѳдзкѳ, манѳтѳ... — Габѳ Гаврей сѳтчѳдз шѳйѳ-вошѳма, мый вѳчны, оз тѳд. Сѳмын на здук сайын збыль вѳлѳ танѳ командирѳн, а тѳдлытѳг лоис коклябѳр нюлыс пон кодьѳн, мед кѳть чужъясны, он лѳгась. Сѳтчѳ на и Марин Пѳч пырис, коколюкаыс пѳ татчѳ кольѳма, а сылѳн дзик ѳти сѳмын нѳль пач вылѳ. Сувтѳс коколюканас пач дорѳ пищаля стѳрѳж моз.

— Марин Пѳч, удждыв руб. Куритчанла пыри, а... зептын шыр чуалѳ, — быть ѳд шыѳдчы, мый сѳсся вѳчан, кѳть и тѳдѳс, оз сет.

— Ог тѳд, кодѳ кьтѳн чуалѳ, но менам зептѳ шырыс оз жѳ рубѳн сѳтав, Гаврѳ. — Марин Пѳч кужѳ мыйѳн тупкыны мѳдлыс вомсѳ. Сѳйѳ важѳн нин кьлѳ вѳлѳ ковтѳм ноксьѳмъяссѳ вылыс судтасянныс, да пузис жѳ вирыс, лѳччыны ковмис.

Гаврей гар бѳжѳн пырис Пекла дорѳ да лѳв бѳжѳн ковмис петны, пурѳм пон моз. Но он тѳд мортыд, кор Енмыс тѳнѳ малыштас, а кор кок йывсьыд пѳрѳдас, кѳн лѳбалѳ тѳнад медьджьд андельд, кѳть тѳ и ачыд Гавриил. Петѳгас и кьлѳс ассьыс нимсѳ:

— Гаврил! Виччысьлы, — чукѳстѳс бѳрвывсянныс Пиля Пиль. — Менам тѳкѳд сѳрни эм, — и найѳ петѳсны кькѳн, ѳтлаын... Мый

сёрнитісны сэки «своякъяс», Пекла и онёдз оз тёд. Но казятём эз ов, другён вежсис Габё Гаврейыслён олёмыс да... Колхозён юравны пондіс. Но сэки, кор лавкаас колины Марин чойыскёд кыкён, Пекла мёдысь на бура лыддис райуполномоченнойён сётём кабаласё да и юалис Марин Пёчлысь:

— Вый воттё мынтін нин?

— Вёлі кё вый, шырёс иг кый,— аслыс моз и вочавидзис Марин Пёч лёсьёдлана кывъяснас.

— Сярукыд оз нин лысьты?

— Сяурёдыс оз киссьы дзоль-дзоль, а вёраас чупыс сёмын нель. А вомыс менам сизим. Кытчё тувъялім, сэтчё и сидзим. Кодёс нё эськё пайкны, нылё-восьё? Мамёс али Василей Павловичё?

— Василейыд нё?..

— Укудуй душу... Усис кё война вылас мукёд моз, гашкё и, кокниджык оні вёлі меным. А то... парализуйтіс нин, а Енмыс оз босьт. Изьнитайтчис сы вылын да, енкоысь образъяссё петкөдіс да. Сталинсё нин Ленин дорсьыс торйөдісны, а ми век на Ленин-Сталин вылё юрбитам. Гашкё и, Ленинсё на, воас кад да, мавзолейсьыс морт моз дзебасны. Олёмыс тай вежсьё и вежсьё. Кулакалёмаось тай, быттьөкё, ай-мамёс дзик пустаысь-а. Эта керка понда, ёна мырсьёмаось да. Кристоссё мёдысь виисны. Вермасны и Ленинсё мёдысь. И мянёс на кулакавны. Важыс мёд пөв волё олёмас. Сідз пё Библияас гижёма. Озырыслы пё и зарни зэр киссьё, а кто был ничем, сідз и коляс ничем... А ми Енсё вунөдім. Со и водзёс ыстё Ыджыд Енмыс, Сааопыс. Мамё нё мортёс виис, Човъяс нуисны? Василей Павловичё нё ачыс Гитлерыс дорё муніс? Контузитчёма да. Садыми пё, гөгөр тасматём ёртъясёй, командирьясыс и. Гашкё, сярс салдат отпырысьён эз жё кинысё лэптыны? Миян отнас мыжа... О, Енмөй-господьёй! — Марин Пёч оз бөрд. Сэтчөдз нин чорзьёма сёлёмыс, синваыс косьмёма синмас. — Вёлі кё өд, мамё татшөм из жё ло... Ме шуа, батёс. Кытчөкё сідз и сгинитіс.

— Да ин чегсьы тэ, Маринё-чойё татшөма, — Пекла кокньөдны көсьё аслас олёмас, поэё шуны, медматыс мортсё. — Тэнад мөй отнад... Айыд бөрын тай нөшта на өкмысёс нуисны комын көкъямысөдас. Вунөдін, белакөсаё? Коді нё бөр воис?

— Вунас, дерт, сёлөмад кё вирён гижёма. Ставныс на син водзынөсь быттьө,— пондіс лыддьөдыны чуньяссё куснялөмөн:

— Паш Микөл да Паш Педёр вокъяс, Микулай, Ёльöksан... — колхозысь пё петны көсьёмаось, да дзик сы вөсна. — Иван Стёпа, Иван Педёр, Гөлей Паня, Думнэй Вань Тимей... Коді нё өкмысөдыс?

— Томан Сенькасё вунөдін, айыдысь бур ёртсё? Кыкён пё век вөралөмаось и. — Пекла эз жё на вунөд тайё кадсё и йөзсё. Найё өд Маринкөд вөліны сэки челядьдыр кадсё вуджана метын кымын, отлаын тайё верстьё йөзыскөд видз вылын куртісны-чөвтисны зорөд да и горт гөгөрныс оти олөмөн олісны.

— Пөлинё, Пеклө-восьё... Тэнад юрид абу на розя. Сэтшөм статьясь, зумыдось, серам сораось вөліны...

— Война вылас кё усисны да эз вөвны найё статьясь да серам сораось? Кымынөн жё... Гөлей Косьтаыс...

— Жөникпутё, дерт, ин вунөд,— крукыштіс Марин Пёч.

— Гашкё и... Воис кё, сылөн лои да... А сылөн өд кык вок на, Платон дай Василь... Ойя жё да ойя...

— Сень Миша, — бара пондіс куснявны чуньяссö кисьыс Марин Пöч. — Кузьма Петыр... Кузьма Ганя воыскöд...

— Петыр Вась Петя Ёгор воыскöд, — тшöтш кусняліс чуньяссö Пекла. — Ганöv Петя, Закарöv Митя, Закарöv Коля...

— Вась Иван, Тимей Ванька...

— Томан Сень Илля... Томан Сень Валя...

— Паня Микöл Öней, Паня Микöл Вадим...

— Зимöгöрыс öд из жö во... Кызьöн лоины.

— А миян воис да... Ловъя али муй? Ас коддиö жö кын сьö-лöма.

— Ин шу, ин шу, белакöсаö... Ныла-пиатö тай дорис на. Мый сэсся тэныд колö... Кöсьтаö кö воис... мед кöть китöм-коктöм, куклаöс моз пуксьöдi эськö öшинь дорö, мед видзöдчö, а ме сы вылö... — эз и тöдлы Пекла, кызди синваыс исковтiс ныр бердтiыс вомöдзыс, нюлыштiс кывнас сола кодь васö, чышкыштiс чышъян помнас син доръяссö да и шуис «кын сьöлöмаыслы»:

— Тэ öд лук уна вöдитiн. Вашка рöдысь бабыд вöли, лук да капуста рöдмöдiс. Лукöн поэьö öнi вый воттö вежны.

— Кодi и ньöбас, выйым эськö да, — син доръяссö жö чышкаліс партук помнас Марин Пöч. Сыöдз эз на во Пекла шуöмыслöн гөрöдыс.

— Ме ньöба... — и висьталiс лавöшник райуполномоченнойöн вайöм герба кабала йылысь.

— Но менам — мös, — эз гөгөрво Марин Пöч, мый кöсьö Пеклаыс, ньöбны-ö сöмын, вот-налогсö-ö тшöтш мынтыны.

— Лöсьöдчам, ин пов, Марин чой. Гижам: сталинскöй мös. Абу мöй рöдвужъяс. Тэнад пöльыд менам ыджыд мамы воча чоя-вокаясöн вöлöмаöсь. Он мöй тöд? — гидз-гидз серöктiс нин, сöмын на кöть и синваасис-а.

— Матын тай на эськö рöдыс да, — нюмыс петiс и Марин Пöчлөн. — Меся нин век менö чоялан, — быттö эз и вöвлы важ шогас усьлöмыс некоднанныслөн, синъясныс югзисны, чужöмбанъясныс виляммисны виргöрда.

— Рытсö ин виччысь, öнi жö мед öти кокыд тан, мöдыд сэн. Безменыд выйым? Гортад и артав-весит, — тшöктöмөн тшöктiс Пекла чойыс.

Марин Пöч сулыштiс на, лукйысьыштiс мөвпнас сьöлöм-лолас, эскыны-ö Пеклаыслы, сөрö-ö сийö, ворсöдчö-ö сыкöд, али збыль висьталö. «А, мый эн ло, таысь оз на пуксьöдны», тэрмасис петны и бара жö Габö Гаврейыскöд люкасис. «Кырös пон моз век баба юбка горулö нырсö сюйö. Пекласö торкö и, гöтырсö шогöдö и. Ёрöм акань жö эськö да, вирösь кукань», — ас кежас видчис пырысь вылö, но нинöм эз шу. Крапмунiс öдзöс, а Гаврей шайпай сулалö.

— Пöсь ваөн али муй киськалін Марин Пöчсö? — юалис Пеклалысь. — Тököтьö из шенышт.

— Павловичыс кок йылö сувтöма, вина сулея ньöбис, оз-ö бурджыка мусукав, — жерьялö Пекла, дульсö песö.

— Тэ, Фёкла-свёкла, сакар пиньнад ин ошйысь, сiдз нин юмов, — Габö Гаврейлысь чужöмсö быттö пыдзыртöма, синъясыс ортсö петöны. — И мыйла тi татшöм гажаöсь? Он и усьлöй шогö? А менам Ёмаыс сöмын сьöласьö да пöлясьö, кыв йылас сöмын лешак да дявöl, вирök да варök. Сьöлöмыс кö нин сьвинечысь-а. Кыздз сэсся тэ дорö оз кыскы... Рубсö из и сет. Мый сэсся сыкöд вöчны... Дойдан — пуксьöдасны...

— А выйым Марпидаыдлөн рубыс? — чепöльтö сьölöмсö Габö Гаврейлысь Пекла.

— Ведра чери вузалис...

— И из сет?!

— А менам и збыль, табакö бырöма, — дзикöдз коньöрö лэдз-чысис Габö Гаврей. — Сет öти пачка водзöсөн.

— «Беломор» али «Север»?

— «Беломор» ли, мый ли.

— «Север» тырмис öнтайджык, öнi нин «Беломор» ковмöма. Сюсь öд... Мый нö Пиля Пильыс пеляд шöпкис?

— Нинöм вильсö... Ме моз жö корысялö, — нюмдыштис. — Тэ дорö каттысьсö... Эн сетчы тэ сылы... Муса тэ меным, Фёкла.

— Муса, а мустö зыртö.

Габö Гаврей оз гөгөрво Пеклаös: кор сийö шмонитö, кор оз. Пöсь вирыс пуö том анялөн, дерт, но мыйла нö дульыслы пуны.

Эз удит помавны тешитчöмсö Пекла, грима-грöмаөн, уши-пушиөн пырис лавкаö Марин Пöч, шмотнитис пельпом вывсьыс прилавок вылö лук тыра мешöк да ёна и пушиктис на.

— Пызь мешöкъяс рективли паракод баржаысь, а элатшöм сьöкыдыс быттö из и вöвлы. Оз öд прöста шуны: «Лук мешöк — сит мешöк». Тадз со и гөгтö вөрзёдан.

— Лук вузалан, Марин Пöч? — пыр и крукасис Габö Гаврей. — А вузасьöм вылö колана кабала выйым? Он и пов штрапысь? Арестуйтöмысь? Райуполномоченной сиктын. Кывлiн? Пильö Пиль...

Пекла кыскыштö асланыс Гаврейös морöсас тшапасьöмөн да век на быттö полiгтырйи, гусьөн шöпкöдö пеляс: «Печата кабала выйым: вый вот мынтыны позьö лукөн».

— Збыль? — Габö Гаврей öдйö гөгөрвоис ставсö, мый вöчсьö син водзас да зырöдлiс нин эськö öдзöслань, но эз пет, бөр матöдчис прилавöк дорö, тяпнитис кывнас да шогакодь шуыштис:

— Менам и лукыс — абу дукуыс... гаг сёйис таво...

А Пекла да Марин Пöч ноксьöны лук мешöкөн, мöд пöв ар-талöны сьöкыдлунсö, пунктöны мешöксö ыджыд вески вылö. Стöч вöлöма дас көкъямыс кило.

— Бур, — шуö лавöшнича, гижö квитанция. — Кырымась, Марин чой. Со тэныд öкмыс шайт... Мыйкö ньöбан, гашкö, йылöмыдлы?

— Эн тэрмась, Марина... — öк, кутшöм важөн нин тадзи эз шыасьлы Габö Гаврей коркö мусмылöм сылы аныс дорö. — Нинöм эн ньöб, Марина. А тайö деньгатö удждыв меным.

Эз на удитны чуймыны аныс, а сийö нин мырддис öкмыс шайтсö.

— Йöймис Гаврейыс! Мый тэкöд?! — горöдiсны öтвыв.

— Мича аныс, энö пузьöй... Чöв олыштöй... Некытчö ме ог пышйы, некытчö деньганыд оз вош. Пöжалуйста, дона лавöшнича, вай меным дас көкъямыс кило лук, со тэныд öкмыс шайт...

— Но... — көсйис на пыксьыны лавöшник, но Габö Гаврей оз лэдз сылы и вомсö восьтны.

— Миян сöветскöй торговля... Кöть и кооператив... Ме пайын жö сэнi... Менам эм право ньöбны... Пöжалуйста, Фёкла Матвеевна...

— Марпида-царевнаыдлы козин?..

— Вербованнойяслы посёлокö?..

Но Габö Гаврейös быттö вежöма.

— Дона аныс, энö торкöй мича синъястö сьöд синваөн, энö

бырөдөй мыла горъястө рака моз кравзөмөн. Аски өд на сывны, гашкө, ковмас. Абу өд ме шпана кутшөмкө. Оз вош деньганыд... — Гаврей ачыс пырө прилавөк сайө, петкөдө лук мешөксө эрдө. — Тані дас көкъямыс килограмм? Со тэныд өкмыс шайт. Ми тэкөд рөштшөтын: тэ вузалін, ме ньоби. А өні ме кыдзи налог-поставка честнөя мынтысь нель кило вый пыдди сдайта тэныд дас көкъямыс кило лук. Веситам? Тэ гижан квитанция и сетан меным өкмыс шайтсө бөр. А ме — Мариналы...

— Тэныд сөмын министрөн лоны, Гаврө, — сөмын и шуис Пекла.

— Сюсь, кок йывсьыд он усь, — шуыштіс и Марин Пөч. — Тадз кө өд и мукөдыс вермасны...

Со кытөн петіс Габө Гаврейлөн серамыс! Сэтшөм долыдөн сійө важөн нин эз вөвлы.

— А ме мый шулі, гач тэнө гугөн? Гашкө, та вөсна и юам?... — Габө Гаврей весиг окыштө Пеклаөс йөз дырйиыс. А сійө дыр оз мөвпав, перйө сулея, кытысь юөма нин джынсө...

Тадзи со өти лунө өтчыд олігөн некутшөм мытшөдтөг Ёльдин сиктыс ставнас мынтысис вый пөставка-налог-вотысь.

Мөвпнас-ө косавліс ловъя вөтас Пекла баб, подөн-ө ветліс, вомнас-ө гильөдіс важсө Марин Пөчкөд өтлаын, но паляліс Гаврей Второйлөн горөдөмысь:

— Пекла баб! Да тэ өд менам рөдвуж! Батькөд мусукасьлөмыд... Ньоб көйдыс мешөкөс...

— Лук мешөк? — юалис Пекла баб.

— Кутшөм лук? Мый тэ. Анькытш сора зөр, мися тай.

— Мый тай совхозас төрыт вайисны? Гөра-көдза кежлас? Удитін нин тшапкыны? Но и Гаврей... — ошкө-ө, видө-ө, он төд Пекла бабөс. Сылөн кыв-ворыс век быттө кык пыдөса.

— Пыр и — тшапкин... — льөбсө нюжөдліс Гаврей Второй, юр бөрсө гыжйыштис, быттө корсис сэтысь, мый шуны водзө. — Со ті кутшөмөсь... Некодлы оз ков да. Ректөмаөсь складө, а сэні томаныс абу. Со и кыскө, кодлы абу дыш. Да и мыйла сійө совхозыслы? Киссьөм рөзвальө и турун оз тэчны. Банкрот совхозным. Лыддылінныд газетсьыс? Юкны пондасны му-видзсө быд морт вылө, мыйөн воас. Кыдзи важөн олөмаөсь, пондам овны: быдөн ачыс аслыс. Он көдз аслыд, тшыглы кулан. Колө аския лунас видзөдны, Пекла баб. Босьт көйдыссө, — кылыс тай вөрө Гаврейлөн, кор көсйө, व्या бордөн малалө и.

— Кытчө нө ме көдза, Гаврейө-бажукө, өшинь ув йөрам?

— Меся тай, совхозысь юкам. Быдөнлөн сэні аслас пай. Фермеравны пондан, гач тэнө гугөн, — оз сетчы Гаврей.

— А ме өд и, Гаврө пиө, совхозас иг лыддыссьы. Менам и пайыс сэні абу.

— Ай-мамыдлөн из вөв али муй? Колхозас из пыравны?

— Матьвей керасыс нө? Изъя-изъяыс? Пала вывтасыс? Из вөв... Из өд корысялөмөн пөткөдчыны.

— Ме нө мый шуа? Сійөс и босьтан бөр. Марин Пөчкөд өтлаын котыртанныд ферма...

— Дультө ин сьөдөд, Гаврө, сөкатө-пиө, — суйсьө сөрнийө Марин Пөч. — Ачыд кө эськө кутчысьлін му воропас ас вөлясьыд.

— Аддзи кө эськө му воропсө, Марин Пөч, ме эськө сэки...

— Юсьылі... — крукалө том мортөс Пекла баб.

— Тіян юрын, бабьяс, сөмын юөм да кодалөм, — парскис муссө

Гаврей Второйлысь Пекла баблөн кылыс.— А ме өд техникум помавлі. Видз-му овмөс кыпөдны локлі аслам сиктө, весиг управө пуктылісны...

— Да өдйө и кулыштисны сэтысь.— Марин Пөч оз кытшылясь, веськыда шуас.— Горшыд висьө, а ситаныд лісьө. Быд трактористыскөд пуксян юны...

— Трактористыс нө абу морт? — дөзмө нин вөвлөм управ.

— Сійөтө морт да тэнө морт подувсьыс пөрөдіс. Но мыйла тэ сідзисө юан, сөкатө Гаврө? Кодкөд сюрө. Позьө мөй управлы юны конюккөд да унмовсьны на вөв кок улас? Но мыйла тэ татшөм? — дерт, эз өтчыдысь нин тадзисө юавлы Марин Пөч том мортлысь, коді вөлі сылы ас кодьөн нин, но мөдыс сөмын öлыштчывліс: «Ставөн юоны, ме нө рыжөй?» А талун Гаврей Второй воссис.

— Да, юа... А мыйла юа? Гөтыр вөсна, дерт... Пилитіс, пилитіс да и орөдіс... Пывсяныд пө саөсь, туалетыд көдзыд... Чунь гыжсө быдтө, тар гыж быттө... мавтө дука лакөн... любө аслыс. Вом доръяссө краситө... Кодлы?.. Куйөд дукусь нырсө тупкө, а вый да яй мед вөлі пызан вылын... Ме и лөсышти бан бокас. А сылы эз кажитчы, посөлокө пышйис... хохолөс пө аддзөма нин, коді оз ю... питшөгас кисьталө винасө.— Гаврей Второй чөв уси, виччысьө, мый шуасны та вылө бабъяс.

— Пышгъяс, дерт, тэ моз төв чужъявны оз понды. Сітан увсьыс улөссө чужйисны жө да. Көн нө сельпо контораыс? Тпруч! Абу. Киссис. Сыліс... Выль купеч воис сиктө, а сылы булгаALTER оз ков, сійө ачыс кужө тшөті мольтө вештавны сэтчө-татчө, квайтөд чуньтөг абу жө чужлөма... — Марин Пөчөс көть он дугөд, сэтчөдз луддзөма вомыс.— А тэныд сөмын вина, век ыджыд чина. Төв чужъяв, горш пожъяв, паччөр йиртысь төрөкан лыдды...

— Временнө, Марин Пөч, временнө... — дорйысьө, кыдз вермө, бабъяслөн усыкөдчөмысь Гаврей Второй.— Абу уджыс совхозас да. Власьтыс тайөс гөгөрвоө. Деньгатор на сетө и... Этша, дерт, но нянь вылө... А ті важас век оланныд. Онө гөгөрвоөй талунъя олөмсө... Татшөмыс өтнам али мый? Воас кад — лоас удж. Лоас удж — ми пуджам сойяс. Ми — гөрысь-көдзысьяс. Ми — му пыкысьяс. Ми... — Гаврейлөн оз сөмын вомыс уджав, киас нин бара сулея, да кисьталө стөканъясө.

— Вина сысьялысьяс... — помалө Гаврей пыдди Пекла баб. Но тайө Гаврей Второйөс ньөти оз торк вина кисьталөмысь ни вомсө быгзьөдөмысь.

— Абу на сэтшөм ыджыд чина, мед эг ю вина, — Габө Гаврей Второй быттө мыйкө выльтор восьтіс, «эврика» пыдди горөдчис:

— Макар лампа! Шуи-ө, Марин Пөч? Шуи-ө? Рифмаөн и стөча!

— Шуин, вомад рок пуин, бажук,— Марин Пөчлы оз ков горөдчыны быд рифма аддзөм бөрын, сылы найө асьныс пырасны вомас корсьтөг да төдлытөг.— Кытшиль тай вомныс чина войтырыслөн, пеляныс кисьтасны винасө... — Водзө на көсйис мыйкө висьтавны, но кодкө пондіс лөзөдчыны кильчө өдзөсө. Повзьөмөн чеччис пызан сайысь Гаврей Второй.

— Тайө нин управ... Виас өд менө! Марин пөч, гашкө, гөбөчад пыра? — оз виччысь, мый шуас керка месаньыс, петалө посводзө, пыртө тыра мешөк да кыскө сійөс инпөлө, кытөн гөбөчө пыран розыс.

— Төдө кань, кодлысь гуис нөкъя нянь,— Марин Пөч чеччө жө.— Коді сэнi оз куж калябичсө көвторнас кыскыштны асланьыс,

код али муй? — унаён волёны Марин Пёч ордё сиктсаыс и посёлоксаыс. Но тайё и збыль кодкё дыр сэні ноксьё. Марин Пёч восьтыштис керка өдзёссё да горөдчигмоз шуис: — Абу игана да! Мый лөзөдчан?! Пыр колөкө... — и бөр сиптис.

Регыд мысти пырис олөма морт, ай лов. Абу ыджыд тушаа, но кызиник рушкау, вильыд чужөма, вылысас дубитөм пась, юр вылас сьөд гөна шапка дженьыд гөна дона зверь куысь. Тайё коркөя вөвлөм райуполномоченной Филимон Филимонович, сиктса ног кө, Пиля Пиль. Важөн нин эз чөвтлы чужан сиктас коксё да кыткө-мыйкө вунөма нин, дерт, тыдалө. А гашкө и, сідз на куражитчө, көсийө кажитчыны сэтшөмөн, быттьө вунөма важыс, сиктсаыс.

— Чолөм-здорово, мича аныас! — тагөс дорсянь нин видзаасис пырысь. Аддзё тыра пызансё да оз жө кутчысь, шуө: — Чай с сакаром!

— Сакаром-то сакаром да верман на кольны и пайтөм Макаром, — Марин Пёчлы тайё пырысь мортыс, коркө том дырийыс зэв на и мусмылөмыс, важөнкодь нин гутөн бергөдчис да өні, кыз шуласны, «хуже татарина». Кор сөмын и воөма карсьыс? И мый сылы колө? Век на из пөт йөз вирнас али муй? Со тай кутшөм гадь быдтөма, кизыс орө пальтосыс.

— Мый татшөм лөг, Марина Ильинишна? — Пиля Пильлөн небыдик мыла горыс век на, он көсий да, малалөмөн малалө сьөлөмтө. Но Марин Пёчлөн бурасян ладыс быттьө вошөма.

— Плешкө туөма йөг, со и лөг.

— Коді важсё оз вунөд, сійөс и выльыс дойдас, — век на пөрччысьтөг сулалө пырысь, но морт нога дорйө асьсө быттьөкө кутшөмкө мыжысь.

— Тэ кө лежнөг, ме и петшөр, — оз сетчы и Марин Пёч.

— Эг өд вунөд укваттө. А ме өд сэки дорйи тэнө. Киритөді заёмысь, понимашли.

— Пони Маш ли, ыджыд Маш ли, но мый донөдөм көртөн дзужгөма, он кирит... сьөлөм дорсьыд.

— А вый пыдди лукыд?.. Тайё өд ме жө... Менам идеяыс, понимашли. А тэнад эськө и мөс вөлі да — абу мөй ас йөз. А тэ син гутнад век видзөдан, вомсьыд би петө. — Пиля Пиль зіліс сёрнитны меліа, но асьсө дорйөмөн. — Вөлі сэтшөм кад. Вөліны чорыд законъяс, вөлі чорыд власьт. Мый вөчан, олөмсьыс он кеж. Ми өд мый, пешкаяс, винтикъяс. Мый тшөктасны, сійөс и вөчам, — юасьтөг-висьтасьтөг пөрччис шапкасө, өшөдіс көтшас тувйө да матөдчис өшинь дорө, эз пуксьы. — Виль власьт воис. Виль йөз. Малалөны али мый?

— Пенсия абу дас көкъямыс шайт, кызди колхозысь, — ырызысис Марин Пёч, эз на вунөд мамыслысь пенсиясө.

— А өні тэ озыр? «Виль роч»?

— Коми-ө, роч, а оз вөтлыны гортысь прочь. Няйт лоям, еджыд нянь сёям.

— Виль власьт выйөн на мавтө еджыд няньсө... Эз вөвны ни МММ-яс, ни ваучеръяс, ни...

— Ни заёмъяс, ни пөставкаяс, ни налогъяс... О, Господь... Ставсө оборона фондө! Ставсө! Яндзимтө тупкыны нинөмөн, а медбөрьятө сет... Война помасис. Чайтём, нянь курччам вом тырөн, а тэ турунөс, турунөс сарайысь петкөдін... Пывсян корөсьөс и. Лун и вой... лун и вой мырсян-нөйтчан. А тэнө пычкөны, пычкөны ковтөм чирейөс моз...

— А мусукасьны эг и дугдылй. Любовь вöлі. Ныла-пияос быдтїм ассыным. Олім...

— Олім — быдöнысь полім.

— Но коддыкö на и колім...

— Дугдöй нин пурсьынытö, пельöй сьöдасис, — дöзмис кывзыны щöтясьöмнысö Пекла баб. — Чирейыд пычкыссис — и абу. Любывыд любитыштїс и вошис. А ми колим на. Пуксьы, Пилимон Пилимонович, — босьтїс ас киас керкаса месаньлысь нимсö Пекла баб. — Важ солаыд тай, кыз шулöны, оз юктав. Мыйыс оз вöвлы да... А тэ любовтö, Пилимоныч, он и вунöдды, кöть и карын олан нин нэмтö. Но талун, другö, тэ ас чös туй вывсьыд бокö кежин, — Пекла баб весиг нюмсераджык лоис, Пиля Пильыс пырис да. — Мыйла важсö казътывны? Мыйла щöтясьны? Кывным на со дулльын пессьö, ог мöй вермöй ловнымös шоммöдыштны? Верман на и налькйö шедны.

Но гösт эз тырвйö гөгөрво шома кывъяссö Пеклалысь, норасьны пондїс аслас олöм-вылöм вылö.

— Мый кöть эн шуй, бабъяс, а мужик мортыдды öтка олöмыд курыд. Сирва синваön кöть бöрд мукöддырйиыс, понимашли.

— Бабъяс пö... — Пекла баблы быттö чуткисны бокас, чеччыштїс весиг, сувтїс, видзöддїс асьсö рөмпöштан пыр. — Бурлак лоöма, еджыд синмаö! Энөвтöм гöтыръясыд нö зарава синваön мыссьöны? Ог быттö и тöдöй. Йылöмыд и?

— Вöлі, понимашли, вöлі сэтшöмтор, ог соссьы. Но бабатö гезйön он кут. А көн мам, сэн и ныла-пия, йылöм, кызди тэ шуан. Татшöм миян законыс да. А со öнї став грексьыс и сулала сїсь мыр моз ытшкөм видз вылын, — кулитыштö асьсö Пиля Пиль.

— Абу на эськö сїсь мыр да, — Пекла баб синнас на сёяс татшöм «мыртö». Думнас весиг завидь босьтö, мыйла эз сы ордö, а Маринö пырис Пиля Пильыс, весиг мөвпыштлїс на: «Гортын кö вöлі, эз-ö ме ордö эськö пыр?» Но мый лоöма — лоöма нин, колö кызкö öти гы вылö воöдчыны ставлы, öти ладö. — Доналöм бан бокъяс вылад кöть кольк на пражит. Плешкыд дзимбырөн зыр-тöм ыргөн самöвар кодь на, — кöть эськö малыштас югъялысь плешсö гösтлысь Пекла баб, но яндысьö Марин чойсьыс.

— Да и тэ, Фёкла Батьковна, абу шуй кушман кодь. Оз тусь на быттö, понимашли, — ошкыштö коркöя мусукасьысьыс Пеклаос. А кодды абу выя бордөн мавтöм кодь ошкыштöмыд. Но мудер бабös он на кый.

— Со öд, со öд, еджыд синмаыд... Марин чоям пырис, а ме дорö каттьысьö. Каттьысь, каттьысь, орчöн со пуксьы дай, — вешйыштїс диван кузяыс да кыскыштїс сос пöлöдыс гösтös пуксьöдны орчöн. Мöдыс, дерт, пуксис, корöны кö. — Марин-ыслөн выйым нин кок шонтысьыс, — водзö шоммöдчö Пекла баб. — Сёрмыштін сёкыр вöраснад. Кынöмыс висьмис да, сарайö петїс-а...

— Меся нин, куим стöкан, — сёрнитö Пекла бабкöд Пиля Пиль. — А кыкөнöсь пукалöны, — син бöжнас кыйöдчö Марин Пöч бöрся, тöдö жö олöма морт, шуас кö керка месаньыс: «Пет, весась!» водзсасьны он понды, сы вöсна и кöсйö эськö пырны Пеклалөн кыв-ворö, шмонитанджык ладö. — Гашкö, меся, менö виччысьöны да, кывлїсны да, воöма пö важъя тöдсаным. — Но ни Марин Пöч, ни Пекла баб тайös быттö эз и кывлыны, пель пырныс лэдзисны. Но и сетчыны мужик морт, ас сиктса, важся тöдса, эз жö кöсйы, сусед на öд весиг, öшиньянь тыдалö ай керкаыс. — Ыджыд Луныс

водзын на, а ті асывсянь румкаасянный. Мыйся гажысь нө? Позьё кө, дерт, эрдөдны.

— Ки шучким. — Пеклалён сетөма кылыслы вөля, лэдзөма домйысь ворсысь кычанос. — Габё Гаврей корасыны локтөма Марин чойё вылө. Со и... А мый, оз позь, гашкө, юны да, корасигөн?

— Габё Гаврей? — синъяссө весиг паськөдіс Пиля Пиль, синкымъяссө лэптис, кымөсыс чукрассис гудок мек моз. — Но сійө жө... понимашли... кызди ме кывлі... абу ловъя... тюрьмаын, понимашли...

— Човйын босьтөмаось ловсө, — ас ногыс веськөдіс мортос Пекла баб. — Предсыс тай, мыйлакө, нулісны. Из лөсяв кодакодкөдкө да...

«Эз лөсяв кодкөд кө да» «Эз лөсяв кодкөд кө да» «Эз лөсяв кодкөдкө да» — пондіс жынгыны вөвлөм райуполномоченнойлөн юрас Пеклалён бөръя кывъясыс. «...кодкөдкө да...» Синъяссө весиг куньліс Пиля Пиль. И пемыдсыс быттё воссыліс югыдө өдзөс...

Сэк жө и Пекла баблөн синъяс водзын воссисны серпасъяс, кытыськө ылысь коркө аддзылөм ли, вөвлөм ли...

Пызан сайын пукалө Габё Гаврей. Сійө съод уска, ус помъясыс гаровтчөмаось вывлань, быттё нюмъялөны. Гаврей съода-еджыда визя дөрөма, вылыс кизыс кизявтөг, важмыштөм нин ной пинжакыс восьса жө, кокъясас кирза сапөг, мыйкө гижө. Сэсса чатөртө улөс юрланьыс чукуля съод юрсиа юрсө, быттё йиртсыс мыйкө лыддьө, да аслыс моз вомгорулас лыддьөдлө:

— Лун вит-квайт виччысьлас на. Мый көть мед сэн сөрөны агрономъяс... гутъяс... лөдзьяс... вир юысьяс... паразитъяс... партия зарадитысьяс... Дас вөв — гөрны. Сы мында жө агсасыны. Көдзан машинаө гоз көбыла... Сёкыр-мокыр... Миян эськө кымын вөв ставыс? — тотшкөдө пызанө карандашөн, юалө гораа:

— Фёкла Матвеевна! Миян колхозын ставыс кымын вөв?

Фёкла Матвеевна тайө ставсө аддзө да кылө орчча жырсянь восьса өдзөсөд. Кор Габё Гаврейөс «бөрийсны» колхоз правлениелөн юралысьө, сійө регыд мысти нин вайөдіс ас дорас Фёкла-свёклас. «Тэ кужан тшөті мольнас ворсны, а ме жебджык сэті», — асьсө коньөртис виль пред. Көть мөдыс и пыксыліс на, еджыд нянь дорысь пө да кыдья рок дөрө ог жө мун. Но мусукасьомыд тай и борд быдтылас и бордтө чегъявлас. Колхоз правление шуис: индыны тшөтөвөдөн. Коді лысытас шуны мөд ног, сиктса олысь кө сійө, ёльдинса кө. Сійө кадсянь найө век өтлаынсьө.

— Фёкла Матвеевна! — оз весиг бергөдчы жырлань, а мөдысь нин горөдчө юралысь. — Тэ он кыв?!

— Рытнас вөлі Феклуша, асыв воис, Матвеевна, — быйк петө жырийысь киас кабалаөн тшөтөвөд. — Мый тэкөд, Гаврей?

— Удж вылын өні. И тэ менө Гаврейөн ин шу. Тані ме тэныд Гаврил Гаврилович. Чайта, гөгөрвоин, Фёкла Матвеевна?

— Некод абу да, Гаврө.

— И стеныс пеля.

— И пач костыс?

— Меся тай, гөгөрвоин-ө? — дөзмымөн лои колхоз предлы.

— Гөгрөсті, Гаврил Гаврилович... Ме көсии юавны, мися, мөдасу ті кытчө пестө керавны мунанныд, Гавр...илө Гавриловичө? Ставөн тай көсийоны пескө петавны Егорей лунөдзыс, сэсса и вильөн гөр сатшкыны.

— Лун вож ягө кө-а? Сэтчө тай кольөм во карлім.

— А мыйкөйд сэн жө лоо, Марпидайд?

— Көн нө сылы лоны. Гаврей Второйис жебджык на лысьома, быть Ёмасо уджодны. А мыйла тэ юасян?

— Гашкө, мися, помечө менө босьтлан да?

— Помечө? Коді нө водзөссө мынтас?

— Ачыл.

— М-ме? Колхоз пред? Тэныд?...

— Тэ — пред, ме — тшөтөвөд, позьо шуны, главбух. Вунөді мөй нульастө содтавны да чинтавны?

— Тэ вай ин пырөдчы, кытчө оз ков, пучей моз. Колхоз — сийө колхоз. А пес — ассым пөрт ув песантор.

— Колхозлөн и пөртыс абу? Но, еджыд синмао! Контора, скөт карта, рынышгяс, клуб, ясли... кымын пач? Содтөд кө предлы сыв дас да главбухлы сыв сизим. Коді лыддяс?

— А ревкомиссия? Пырнёвыс?

— Позьо и сылы сыв вит, вомсө тшимөдны.

— Тэнö эськө странаас сьом кутысь министрнас пуктыны, Феклуша. Юрыд тэнад — банк, вем пыддиыс сө шайтаясөн тыртөма, — Габө Гаврей кутлө Фёкла Матвеевнаос мышсяньыс. — А нёнъясид... сьом тыра кольтаяс быттё, — ыджыда ышловзё. — Феклуша, Феклуша... И мыйла тэ он көсйы лоны меным законнөйөн? А? Косьтан тэ менө. Кос сартасөс моз чеган... — ывласянь, кылө, кодкө кильчө вылө кайис, да Гаврил Гаврилович, Хрущев нима колхозса юралысь, бөр пуксис пызан сайө, сідз эз и төдмав кольөм здукө, кымын вөв сылөн колхозын.

Пырысьыс вөломө райуполномоченной Филимон Филимонович. Сийө кучик кодь дзирдалысь плаща, кучик сапөга, юрас кучик шляпа, киас сэтшөм жө сьод кучикысь портфель. Чужөмыс мудзөм, но абу нор. Мөд киас весиг кутө веж юра лымдзоридзлысь не-кымын юр. Татшөмыс зэв уна вөлі петөма кильчө пом эжа вылө.

— Бур лун, ас йөз! — чолөмасис пыригас. — Ва-ажөн нин эг вөвлы ас сиктын. Гаж бырис, — киасис юралыськөд, мыччис виж юра дзоридз юксө тшөтөвөдды, коді век на сулаліс, виччысис, коді пырас, предлөн пызан дорын. — Гажа да мича тулысөн, Фёкла Матвеевна! Тайө тэныд... Кывлі, кывлі, зарни садөкө йөртөма тэнö, вөльнөй лэбачөс, этайө фараоныс, — довкнитіс юрнас пызан сайын пукалысьлань. — Но нинөм, нинөм... Медъя...

— Аттьө, Филимоныч, — Пекла вежыньтліс бекъяссө, төд пө, дона гөсьт, мый збыль вылас сылөн «зарни садөкас» дзебөма, пыраліс аслас жырьө, пуктіс китыр дзоридзсө пызан вылын сулалысь стеклө банкаө да вегляситыр жө и петіс бөр, мед дона гөсьтыс эз вөтчы сы бөрся Гаврейыс син водзын. — Виль юөръяс вайин райкарысь?

— Но... Вайи... — Дышакодь, быттё эз көсйы, вочавидзис райуполномоченной. Сийө аддзыліс, нин, кызди сывкнитлісны гымтөг чардөн синъясыс Гаврейыслөн, кор мыччис дзоридзсө тшөтөвөдыс-лы. «Кык ай ош өти гуө оз төрны», — мөвпыштіс, но асьсө кутіс, эз лэдз төдчыны Пиля Пиль, мый вежыс сылөн петө жө этайө куканясьлытөм ялавичыс вылө. Кыв-мөдөн вежсис колхозса юралыськөд, а сэсса юаліс: — Көні тіян вит вося планныд?

— Кутшөм вит вося план? — Юаліс жө воча колхоз пред да весиг ачыс повзис аслас юалөмысь, өдйө и нюмтөвтіс: — А-а, вит вося планыс... — но райуполномоченной кыйис нин колхоз предөс.

— Кыдзи кутшөм? Ми, меным чайтсьө, олам планөвой социалистической государствовын, Гаврил Гаврилович. Во джын

сайын на օтувъя собрание вылын примитім, кырымалім... Вунօ-дінныд? — Пиля Пиль эз кыпօд голян горсօ, но тօдчօдіс, мый кывъяснас нырсօ тільօ юралысьлысь. Но юралысь быттօ эз гօгօрво сійօс велօдысьօс, тшօктіс тшօтօвօдыслы:

— Фёкла Матвеевна, сет райуполномоченнойыслы вит вося плансօ. — Сылօн эм морт, кодлօн кийн став колана кабалаыс, кыдзи вօлі коркօ сылօн аслас, ротаса писарлօн армияын служиті-гօн, мед, колօкօ, корсяс, оз кօ тօд, кытчօ лои дзумгօма-дзёбօма сійօ ыджыдсьыс-ыджыд книгасօ, кытчօ районса тօдысь войтыр тэчалօмаօсь визьօн-визьօн уна чипыръяс, мый мында быттօкօ колօ быдтыны-лелькуйтны Ёльдин сиктса войтырлы нянь, картопель, яй, вый, йօв да сідз водзօ, но колхозса юралысьяслы таօдз ки ни син оз волю, налы некор ноксьыны ковтօм лыдпасъясօн, мый вермасны, сійօс и вօчасны, мый оз вермыны, государство отсалас, пырасны уджйօзօ, во помас киритасны бօр, чипыръясыс колօны сօмын районса юралысьяслы, мед юօртны вылынджык юралысьяслы: «План вевтыртօма!» да босытны таысь некымын тօлысья удждон премия. Колхозъясын век чинօ и чинօ вօчօмторйыс, а сводкаясын содօ и содօ лыдпаслօн ыдждаыс. Налы колօ, асьныс мед и вօчօны плансօ, кыдзи налы колօ. Тадзи мօвпалօ Хрущев нима колхозօн веськօдлысь и тօдօ, оз сօмын сійօ тадзи мօвпав.

— Кыдзи пуктылінныд, сідз и куйлօ, иг на вօрзёдлօ, — шуօ нин тайօс райуполномоченнойылы, мед оз велօд, кутшօм государствоын ми олам. Плансօ колхоз правлениеօн да օтувъя собраниеօн примитօм бօрын тайօ нин мօдысь локтօма вежлавны чипыръяссօ, а мый на и водзօ лоас. — Тіян колօ, ті и вежлалօй.

— Ог вежлалօй кыдзи сюрօ, а вօчам коррективъяс партия пленумлօн индօдъяс серти.

— Колօ кօ и — колօ. Ми нօ паныд али муй? Партия тօдօ, мый вօчны. Коррективъяс кօ и коррективъяс.

Бօръя кылыс, тыдалօ, дзик сідзи, кыдзи сійօс шуис Пиля Пильыс, да сылы тайօ парскис.

— Нерсьօмыд օд кыв йылад нерօд лэдзас, юралысь, верман и кывтօг кольны.

— Мый тэ, Филимоныч, эг жօ нерсьы, кыдз позьօ. Миян батъяс օти гумлаын вартлісны. Ми օд, сиктсаяс, ас кылօн да ас юрօн эськօ олам, — кыдз вермис, дорйысис Габօ Гаврей.

— Сійօ и лօкыс, мый ас юрօн, понимашли. Ас юрօн овны օні оз позь, Гаврил Гаврилович, юртօм верман кольны... Менам пельօ шօпнитісны нин: аски пес керавны кօсьянныд петны став сиктօн. А ме со вайи телефонограмма. Чошкօд пельястօ и эн шу, мый эн кывлы. — Райуполномоченной перйис портфельсьыс кабалатор да гораа лыддис: «Аски петны гօрны-кօдзны. Коді оз пет, мыждыны прокурорօн. Рытнас-асывнас юօртны, уна-օ гօрօма. Райком, райисполком». Со тадзи, Гаврил Гаврилович.

— Му вылас на куйлօ лым, Филимоныч.

— Кирза вывті... кирза вывті, юралысь. Мый шуօ миян Генеральной секретарь? Кօдзны кирза вылօ, тоись, лым сора му вылօ, понимашли. Тօдօны велօдчօм йօз, понимашли, кыдзи да мый... рок панявны. Генсек нэмсօ видз-муօн вօдитчօ. Тэ сыысь унджык тօдан? Кирза сօмын калитօ кօйдыссօ, юралысь... понимашли... А-лым...

Мый татчօ шуны? Шуан, кывтօ орօдасны, он шу, сьօлօмыд кынмօ, оз сօмын кօйдысыс му вылас. Лым вылօ кօдзны ид. А кыдзи гօран, кор му вылас вօлыс вօйօ кынмօдзыс. Тракторыс

Ёльдінодз эз на во, кор на и воас. Дерт, Гаврей и ачыс лыддыліс газетысь Генсеклысь речсё, быд газетын сёмын сійос и йёзёдоны. Но од сійо Украиналы, Кубаньлы, кён лымйыс неуна и усьло сёмын, кён паськыд муяс. А миян? Кык метра судта лымйыс сылас да, май джынйын на увтасінъясын, кыдзи Ёльдінын, му вылас чож уялө. Да и кыдзи нө позё откодявны Кубань да Коми му? Вөчоны тай сідз. Война кадас тай шуөмабсь Ылі Войвывкөд откодялом районнымөс «Мөд Украинаөн», воддза кык вонас бур нянь воөма да, весиг шобді. Став Войвыв содтөдьяссө йёзыслысь киритөмабсь, сакар-чайтөг кольөмабсь вөрөгөс нөйтсыяслысь ай-мамсө да йылөмсө. Асьныс райкомсаяс еджыд нянь мутшкисны, а сиктса йёз, колхозын нөйтчысьяс, пөжалөны нянь, кытчө кыдя ид пызыкөд соралөма косьтөм нитш да кач, да турун. Пөжалөны жөчысь вөчөм рачын. Но пөжасыс рачсьыс оз усь, да сэсь и куралөны паньөн. И тадзи вөлі нелямын сизимөд во помөдз. Но и сэки на быд колхозник эз вермы нёбны няньсө лавкасьыс, көть эз нин ло карточкаыс. Деньгаөн колхоз эз на мынтысь уджалысьыслы, мынтысис кө мыйөнкө.

Война помасьөм бөрас нин волас Ёльдіно видз-му овмөс министрыс Сыктывкарысь, татчөс морт жө, сылы и козыналасны некымын татшөм рач сиктсаясыс, петкөдды пө тайөс партияөн да правительствоөн веськөдлысьяслы, мед пуктыласны воманыс, оз-ө бөр вештыны районнымөс «Мөд Украинасьыс» асланым Войвылө. Но өнөдз на, тыдалө, наөдз абу волөма тайө козиныс. Век на откодялөны...

Кучкылас юрад мөвп, да быттё вошлан и пызан саяд, кор киад пань кутан. А Габө Гаврей кыин төдлытөг карандашыс чегис. Эз и элөдчыв быттё-а... А Пиля Пиль век на сёрнитіс кутшөмкө коммунистическөй мораль йылысь, дас заповедь йылысь... а помаліс татшөм кывъясөн:

— Он петөй аски гөрны-көдзны — народнөй суд!..

Вөлі и Христослөн дас заповедь, вөлі и «божий суд», но найө эз йөртны мортсө көрта өшинь сайө, өтчыд весиг Яренскысь тупкөмабсь йөртанінсө, некодөс лоө сэні видзны да, а өні сійос и виччысь, кор тэнө дзумгасны иган саяс... Гудрасьөны юрас колхозөн веськөдлысьлөн ковтөм мөвпъяс да вошөны кытчөкө, кор пырө правленнөө Марин Пөч. Сійө, тыдалө, кылөма нин Пиля Пильысь бөрья кывъяссө да пыригмозыс нин и юалө, быттё ассыс:

— Кодөс нин бара судитөны-а? — аддзис райуполномоченнөйөс да гораджыка нин содтіс: — Кыдзи воас Ёльдіно Пиля Пиль, сідз и мортөс нуөны Човйө сиктысь. Суддяөн, тыдалө, служитө сэн райкарас. — Матөдчис пызан дорө да шыөдчис Габө Гаврейлы синмас видзөдөмөн: — Пред, вөв меным колө. Мөдасу лэчигөнным вуж доддьөн көть өти ойпу кыскам өшинюлө. Нинөмөн дзик ломтысьны лои.

— Абу жаль эськө, Марина Ильинишна, но... — довкнитө юр-нас Пиля Пиль вылө, коді кias вит вося план тыра кыз книганас век на сулаліс шкап дорын, кытысь книгасө кыскис ачыс, да өні сюсь синъясөн видзөдіс асьсө сэтшөма мыжалысь ань вылө, кодөс коркө, дерт жө, весиг сьөлөм бердас кутліс, вылө донъявліс сылысь мичлунсө и сямлунсө, коді вөлі өні сійө жө льөм тусь синъяса, но киссьөм коръяса кынмыштөм да сьодасыштөм льөм пуыс кодь, век на стрөнөка вывлань нюжөдчысь, но кынмөм да дзуртысь нин, сёрни горыс оз нин сьыв, а мүдзөм баблөн

быттьö, киргыштö. — Аски гөрны петöны вöвъясыс, — шуис пред.
— Гөрны? Му вылас на вöлыс оз öшйы. Кутшöм йöйыс петас на гөрны? — Марин Пöч быттьö оз нин аддзы Пиля Пильöс.

— Райком тшöктö.

— Райкомас нö мыйöн мöвпалöны? Ленин-Сталинсьыс кöть яндысьöй... Со, тi выlö видзöдöны Ен пельöссянныс.

— Сталин öнi абу нин Сталин, Марин Пöч, — кывлысис Пиля Пиль. — Тэ тайöс тöдан. Мый сийöс казътывны. А тэныд оз ков тадзи сёрнитны районса руководство йылысь, — мыжалiс на.

— А тэ кодi сэтшöмыс, мед менö велöдны? — быттьö дзик тöдтöмлысь юалис Марин Пöч. Мöдыс весиг шöйöвошлис век на мича аньлөн ярскöб кывсьыс, эз виччысь татшöмторсö да.

— Ме — райуполномоченнöй, Марин Пöч...

— Пöчыд тэнад шойнаягын куйlö, мочёнöй ёрт, крестыс пöрöма, век волан-а, кöть выльдiн мед... Да кепысясь, петшöра сэнi.

— Тэ тай абу и вежсьöмыд, Марина Ильинична, — вежис кыв-ворсö райуполномоченнöй. А ме öд коркö тэнö...

— Коркöыс коркаö пöрöма да ва бөр кылалöма.

— Заёмысь киритöдi, вунöдiн?

— Вунöда, кор гу йирас сунöда... А гöра-кöдзаыс абу спет-такасьöм. Дас квайт арöссян пöчö пöртiн менö, Марин Пöч ним ляскин кымöсам. И нэм чöжыд спеттаксян. Йöй Круштовсö кывзан... Медбөръя мöснымöс мырддис, бадь костысь турун сöтны оз позь, государстволөн пö муыс. А ми нö кодлөн? Марс вылысь усим? Генеральнöй секретар — порсь видзысь цар...

— Ланьт, йöй баба! Тюрьма пельöс сiсьтыны кöсьян? Понимашли... — весиг повзис уполномоченнöй, гөгөр видзöдлiс, оз-ö кодкö нöшта кыв да тшöтш и сюркняв налькйö асьсö тшöтш.

— Сiсьта, ковмас кö. Енмыслөн нин миян рöдды сiдз шуöма... Сэтчöдз сiсьта, мед киссяс став Човныд, оз-ö кöть йылöмö кок-ниджыка лолыштны...

— Аддзан, кутшöмöсь öнi йöзыс, а тэ шуан — гөрны-кöдзны, — мыжа морт моз норасис райуполномоченнöйлы колхозөн весь-кöдлысь.

— Предсeдательыс нö абу тэ?! — горсö кыпöдiс райкарсян воём морт. — Абу тэ танi ыджыдаыс? — зутшнитiс килутшнас пызан пöвйö.

— Бөрйылисны эськö да, — быттьö нинöм эз и ло, вочавидзис ньöжйöника колхозса юралысь.

— Партия пуктiс! Пар-ти-я!! — Пиля Пиль сэтшöма горöдчис, кыз книганас пызанö швачнитiс, — мый ас жырсьыс быйс петiс Пекла да чуймöмөн кывзiс танi медводдзаысь на тадзисö горзысь райуполномоченнöйöс. — Бөрйöм — сийö формальность. Кодöс тшöктам, сийöс и бөръясны. Странаөн юрнуöдö партия. Сылысь индöдъяс и колö пöртны олöмö, а оз аслад ыж юрөн овны. Шуöма: план! Колö вöчны план. Шуöма: петны гөрны-кöдзны! Ныртö жугöд, а пет!.. Мед вöли доложитöма с утра! Ме ачым звöнитла райкомас... доложена, кымын га лои гөрöма-кöдзöма. — Пиля Пиль тай кужö жö, вöлөм, ёсь голянсö кыпöдны. Век кань моз быттьö нювсьö, а сэтшöма талун пузис. — Талун жö рытнас чукöртны общöй собранньö. Мед вöли локтöма ставөн! Мед вöли ставыс законнö... — пуксис шкапдорса пызан сайö, көн пукавлывлiс рев-комиссияөн веськöдлысь Пырнёв, да син-пельнас вошис колхозлөн вит вося планö вöчан коррективъясö.

Собрание выlö йöзыс локтісны ставöн, колхозлөн скöт картаын лысьтысьсыяс кындзи, налы некор. Эз и горавны ёна дай. Ки лэптисны öтсöгласöн: «Петны гөрны-көдзны!» Пиля Пиль, коді öтнас и сёрнитіс час чöж кымын, весиг «Ур-ра!» горöдіс. А кор лэччис трибуна вывсьыс йöз дорö, том и олöмаджык дöваяс тша-палісны сійöс да пондісны гычöдны-качайтны, кыдзи ыджыд вермысьöс-ö, нимлун пасйысьöс-ö. Таысь сідзи шызис лолыс, ас сиктсаяслөн тадзи радейтöмсьыс, мый көсйысис пуктыны спирт качайтысь бабаясly. А кор көсйысис, и мужичöйяслөн горшныс косьмис. Сэтчöдз юисны, мый райуполномоченной садьмис мöд асывнас дас часын, көть көсйис вит часөн водзджык. Но и вит часын кө чеччис, эз нин су некодöс сиктас. Нель час асылын нин Ёльдин сиктын киа-кока морт эз вöв, ставөн вöрын пес кералісны, мед төвбыд керканыс вöлі шоныд. Уджавны вермысьысыс коли сöмын öтнас колхоз правлениеса тшöтöвöд-главбух Пекла — Фёкла Матвеевна.

Пиля Пильöс асья чайöн, вина сораöн, дерт, юктöдіс öдва кок йылас дзöрысь Парась баб, код ордын и гужуйтісны дöва чукөркөд войнас. Дöваяс, быттö эз и коддзывны, а Пиля Пильлы сöмын вомас кисталöны да окавлöны. Кор и вöйис пемыдас, оз төд. Садьмис, некод орччөн абу, а öшинь сайын шондіыс енэж шöрöдзыс воөдчö. Петіс ывла выlö — сиктыс быттö кулöма. Локтіс колхоз правлениеö — некоді жö абу. «Ставөн гөрны-көдзны петісны», — гөгөрвоис райуполномоченной да кокни сьölöмөн пуксис водзö «корректируйтны» колхозлысь вит вося план. Важ лыд-пасьяссö выль выlö вежлалöмыс помассис нин, кор пырис правлениеö тшöтöвöд Пекла. Эз төдчы, мый сійö вöлöма муяс вылын: вылысас выль платтö, быттö Май праздник выlö мöдöдчöма, дукиөн öвтö.

— Со тіян вит вося план, Фёкла Матвеевна, — паныдаліс гажаа нюмъялігтыр колхозлөн лыдпасьясөн вöдитчысьöс райуполномоченной Пиля Пиль. — Лои корректируйтöма. Быд чипыр лои содтöма кык пöв, понимашли. Кыдзи корö партия. Колö суöдны да орддьöдны Америкаöс, понимашли. Суöдам и орддьöдам!..

— Суöдам, дерт, Филимоныч, орддьöдам и, — Пекла босьтіс ыджыд книгасö пызан вылысь да дзевис шкапö. — Мед куйлас. Гашкö, тайö чипыръяснас ог на суöдö да, содтавны на ковмас, — ас кежас моз ропкис вомгорулас тшöтöвöд-бухгалтер.

— М-да... — аслыс моз жö быттö тяпнитіс вомнас Пиля Пиль. — Гөра-көдза панöм йылысь сводка, дерт жö, гөтов, Фёкла Матвеевна? — Пиля Пиль видзöдіс Пекла выlö да весиг ас мөвпнас видны пондіс асьсö, мыйла төрыт муніс юны дöваяскöд. А öд вöлі мөвп Пекла дорö, кыдзи коркö. Зэв на тай тыр яя, зумыд...

— Некутшöм сводка абу, полномочной ёрт, — салдат моз тотшöдіс-юөртіс Пекла.

— Кыдзи абу? К-кыдзи а-абу? — вомсö паськөдіс Пиля Пиль. — Тадзи мöй позьö уджавны?

— Гөрны ни көдзны некоді эз пет, Филимон Филимонович, — раминика нин шуис Пекла. Сылы оз позь ыргянитны райуполномоченной водзын, сійöс талун öтнасөн колисны сиктö, дзонь-видза киа-кока мортöс, мед, кыдз вермас, дорйысяс став вöсна райуполномоченной водзын, райком да райисполком водзын.

— Кыдзи эз петны? А собрание?..

— Собрание собраниеөн, а йöзыслы пес колö. Сэсся некор.

— А председателыс көн?

— Вөрө жө кайис.
 — Пищальон?
 — Кажитчө, пищаля вөлі.
 — Дозмөр койт вылө, дерт. И менө колис. Вот сволотаыд!
 Понимашли... Менө, райуполномоченнойос... А гашкө, пескө жө!
 — Кор сэсса каран? Ном ни лөдз өні. Төлыс воас да, он өд
 мам питшөгад шонтысь, — веськыда эз шу, но төдчөдіс жө: көн
 йөзыс, сэн и наөн веськөдлысь.
 — Тайө саботаж! — кырымсө шамыртіс да вывлань лэптіс
 райуполномоченной. — Ме тіян петкөдла пес! — ырыштчис стөнын
 өшалысь телефон дорө, шур-шур бергөдіс звөнок вөчан кутөдсө. —
 Алө! Алө!! — пельын шы ни төв. — Пөшта! — и найө быттө
 вөрынөсь, весиг оз шувгы пеляс провод шыыс.
 — Оз уджав телепөныс. Ваыс таво ыджыд вөлі, телепон
 падөсьясыс пөрласьөмаөсь, проводыс орөма, монтерьяс оз вөчны, —
 кыдзкө өд колө дорйысьны, кольөма кө тэнө дорйысян могысь.
 — И тадзи ті оланьныд? Телефонтөг? Ме тайө сідзи ог коль... —
 оз өд төд райуполномоченной, мый телефон проводсө ачыс кол-
 хоз предыс сикт сайтыс орөдіс луньяс сайын на, мыйөн кывліс
 сійө жө телефоныс пыр райуполномоченнойөн райкарысь петөм
 йылысь. Пөштаса войтырлы оз мөй ков пескыс. Мед и найө
 шойчөдыштасны пельнысө.
 — Тшайөн көть юктөдін кө, Фёкла Матвеевна, — пуксис
 юралысьлөн пызан сайө Пиля Пиль да төрыгья гажьялөмысь
 сьөктөм синьяснас пөрччис Пекла вылысысь дзоридз сера ковта-
 юбкасө...
 — Самөварыс пузигкөсті, гашкө... сизим грамм? Позьө!
 — Райуполномоченнойлы быдтор позьө, понимашли... — оз
 пукавсьы Пиля Пильлы пызан сайын. Сійө чөтчө, матөдчө Пекла
 дорө матөджык. Сибөдас али оз, мөвпалө. — Сідзкө, ми талун
 кыкөн колим сиктас төв чужьявны... Али кытчө вын-эбөснымөс
 миян пөсыштны? А, Феклуша?... Вунөдін, кыдзи ми коркө?... —
 сывйыштө том на аньөс медводз сьыліөдыс, сэсса лэдзө кисө кос-
 көдзыс, уліджык малыштө. — Юмов тэ, Феклуша. Эсійө дзоридзыс
 кодь жө мича дай... вөзйысян нюкыштны, окыштны... сөйны-
 гылыштны дзикөдз. — Ёнакодь жмитлалө аньөс, быдлаөд мала-
 лө да.
 — Филимоныч... Лимоныч... дойдан... лысьөмөс чөгьялан...
 Дугды, мися... Но, югыд синмаө... Сідз со и нагас-босьтас ош
 моз... — ачыс нин сывьялө Филимонычөс Пеклаыс, парьяссө мыгчө
 окыштны вина дукөн на өвтысь вом дорсө.
 — Мусукасьышта-ам... пөттөдз... кыкөн... — вашкө Пеклалы
 пеляс Пиля Пиль, быттө кодкө вермас кывны, шуас кө гораджыка.
 — Сэні, Лимончик... жырьяс... пач костас... нар эм, вольсалөма...
 войся стөрөжлөн. — Пекла кыскө Пиля Пильөс сэтчө, кытөн төрыт
 на собранньө бөрас мусукасисны Габө Гаврейкөд...

Эз, нинөм на эз вунөд Пиля Пиль. Юр вөмыс сьлөн сөстөм
 на, оз жувгы, кыдзи норасьөны тшөтшьясясыс, кодьяс колины на
 таладор югыдас... Габө Гаврейөс, дерт, та бөрын нуисны Чөвійө,
 көн пө и... дзебөмаөсь. Но өд и Гаврей Второйыс дорө сійө ыстыліс
 жө КРУ-ысь комиссияөс, мед бергөдісны сизимысь быд лыдпас-
 чипыр бухгалтериясыс, да и прокурорөс на. Кывліс весиг, батыыс
 туйөд жө исковтөма. Бөр воис али мый? Вунөді өд та йылысь?..
 Социализм — сійө контроль... учөт да контроль. А ми сы йылысь

тшөкыда вунөдлам... Видыштис асьсө ас кежас да кывмөн нин юалис:

— Сійө нө гортас нин? Гаврей Второйс, шуа?

— Му пырыс оз мун, абу зэр, — кокниа гөгөрвоөдс Пекла баб.

— Но өд, понимашли, пиыс кө... Марин Пөчыс сылы пөрыс нин.

— Пөрыс да вөрыс, быдөнлы колыс. Но сөмын Гаврей сылы колө. Сэтшөм пө свадьба зутшнитам... став Ёльдинсө, шуө, усътөдз юктөда... — кытчө нин кыскө Пеклабс гиялыс кылыс, ачыс оз төд, но весиг нюмыс оз пет, лөвтө да. — Гаврейыслы на, шуө, уджтөмалөмсыс бичканторасыс мынтөны деньгаөн и, пензияө на тырмымөн и...

— Кутшөм тиян пенсия, сиктсалөн, мый тэ... — оз төд, эскыны тайө выжывмөм бабыслы, али абу, но оз жө лысыт шуны, сөран пө. Пиля Пиль оз төд налыс пенсиясө али мый... Медся ичөтыс, дерт...

— А тэнад ыджыд пензияыд, Филимоныч? — юалө сэки Пекла, да Филимоныч, көть и ошйысыны дась, но оз жө лысыт восьтны «гостайнасө», мудеритө:

— Государственной служащөй, понимашли, вөлі... Ог шу, ичөт, но абу и медся ыджыд...

— Гашкө, сюрс да?

— Унджык, — нюмыс петө Пиля Пильлөн.

— Гашкө, тэ миллионер да? — ышмис Пекла баб.

— Вөлі... Понимашли... Вөлі миллионерөн, — серам сорөн моз сёрнитө Пиля Пиль, но, төдчө, жалитө. — Синмөй югзыліс, кор книжка вылам уна миллион шайт лоис... Но чинтисны куим ноль и быттө зарни мешөк гусялісны зептыс... дерьмократьяс. Пыдыртны эськө колө...

— Менсым дзебан сьомөс гусялісны жө...

— Дзеблін да? Кыдзи нө аддзисны? Кытчө нө дзеблін сідзисө?

— Сберкассаө, бажук, сберкассаө...

— Со тэ кыдзи. Сійөтө сідз, вошис и менам. Пуктылі и ме МММ-ас некимын миллион... быттө төв бөр койышти. Чубайсыслыс ваучерсө, гашкө, ветымынөс ньөблі, сеті банкө... банкыд и бан-крот! Акциясө менам бара жө тпруч! А тэ шуан, Фёкла Батьковна, миллионер, — ышловзис Пиля Пиль, малыштис абутөм тошсө. — Но олам на. Деньга абу рудзөг — и төлын быдмө. Вын со бырө, вын. Ки-кок жебмө... — норасыны пондіс сиктса бабьяс водзын райкарса олыс да кытікө, тыдалө, гыжйыштіс кывнас и Марин Пөчөс, век на бурасыны оз көсйы сійө.

— Киыд кын, дак и абу вын. А вөлін-ө тэ, Пиля Пиль, вына-эбөса мортөн коркө? Кужлін-ө көть майөг йывдны, коса төчитны, керка пельөс тшупны? Нэмтө сөмын баба бөж ув кыйөдін...

— Не говори, Марина Ильинишна, — рочалис Пиля Пиль, но вуджис жө ас кылас, — абу кө нинөм кужлөма, пенсиясө оз сетны госслужащөйлыс, понимашли... Торъя закон налы, госслужащөй-яслы. Ыджыд пенсия... — мыйкө на нөшта көсйис висьтавын Пиля Пиль, но сэки петіс аслас дзебасыс Габө Гаврей Второй, коді сюся кывзис өнөдз бабьяслыс гөсьткөд сёрнисө. Сувтіс Пиля Пильлы мышкас да и юалис:

— Уна-ө пенсияыс госслужащөйлөн? Висьталөны өтияс, вит сюрс, мөдьяс — дас, а збыльсө... Филимон Филимонович?

Пиля Пиль весиг джөмдыліс, кыліс Гаврейөс да. Но бергөдчис, видзөдліс уска чужөм вылас да быттө эз асьсө Гаврей Второйсө аддзы, а батьсө сылыс: сьодасьом да чукрасьом чужөм баньясыс

пырöмaöсь быттö пиньяс пырыс вомас, кучикыс вильыд, тошкыс сöмын тшöкаас петöма, вежон кымын бриттöм, сьöд синъясыс нюмöны, быттö сералöны сы вылын.

— Тайö — секрет фирмы, — бара рочалис Пиля Пиль. — А тэ кытысь татчö усин, уска тöрöкан?

— Миян фирмаын гусятöръяс абуöсь, сударь. Принятöйö пыри Марина ордö, со и шойччи небыд перина вылын, — Гаврей пырöма жö нин Пеклалöн ворсан руö.

— Принятöйö... Пи вылö кө-а?..

— А тэ батöн көсьян лоны? Пöжалуйста. Ми эськö сэтшöм фирма восьтiм... Сэтшöм фирма. Жаль, миллионыд абу. Морт вöли миллионерöн, гач тэнö гугöн. А сэн кутшöмкö Чубайс — черк куим ноль и миллионер — корысялысь. Ме эськö бöрддзи... А бурджык, босьтi автомат да став чубайссö — тра-та-та-та!.. — быттö лыялö автоматысь Пиля Пильöс.

— Кутшöм тэ чечен вöлöмыд, Габö Гаврей пи, понимашли. Ставсö он лыйлы... — весиг повзис олöма морт сы вылö уськöдчöмысь.

— Чечен... — нерыштiс Габö Гаврей пи. — Сыысь и грабитöны миянöс быд чубайсыс да МММ-ыс, ог дорйысьöй да, полысь баляяс моз сöмын баксам: ме-е! Ставöн кө босьтам кианым автомат... — дзикöдз шызис Гаврей Второй, но сийöс помис Марин Пöч:

— Но, тi , чеченъяс, дугдöй нин воюйтны-косясьны, земляматиыс пöтöма нин вирсьыс. Вешйöй пызан саяс. Пöрччысь и тэ, Филимоныч, ло дона гöсьтöн, пырин кө нин... Вöтлöмыс öд ыджыд на чesьт... — Марин Пöчлөн сьöлöмыс небзыштöма. — Абу и став важыс — гажыс.

Помыс локтан номерын.

□ □ □



«Бордъя» олӧм

ПОЭТ ВАЛЕРИЙ ВЬЮХИНЛЫ — 60 АРӦС

Сійӧ уна гас во лэбаліс бортмеханикӧн «ТУ-134» самолёт вылын миян войвывса енэжті. Ме эг адгзывлы сійӧс лэбалам удж вылас, кӧть, гашкӧ, ӧтлаын лэбавлім Москваӧ либӧ Киевӧ, Ле-нинградӧ либӧ Ригаӧ, Кавказӧ либӧ Крымӧ...

Валерий Николаевичлӧн «Бордъя профессиякӧд» тшӧтш вӧлі и эм «бордъя» мӧд кӧсйӧм да мӧвп — поэзия. Сійӧ — СССР-са гижысьяс Союзас член, Коми комсомол премия лауреат, культураын Коми АССР-са заслуженнӧй уджалысь.

Со и артмӧ: Валерий Вьюхин олӧмӧдыс лэбӧ «кык бордйӧн». Шань сьӧлӧма, бур мывкыда, югыд вежӧра, мелі вигзӧдгласа морт, мыла кывбуръяс тэчысь поэт. Ас кадӧ ме сылы сетлі рекомендация гижысьяслӧн Союзӧ пырӧм могысь. Меным зэв нимкодъ, мый менам олӧмын вӧлі и эм бур сьӧлӧмӧн да вежӧрӧн мичлун чужтысь морт да нэм кежлӧ ёрт.

Ас нимсянь и коми гижысьяс нимсянь пӧся чолӧмала Валерий Николаевичӧс олӧмас тшупӧда пасӧн, сиам кузь нэм, бур шуг.

Альберт Ванеев,

Коми республикаса народнӧй поэт.

Валерий ВЬЮХИН

* * *

Енэж, мый нӧ тэ вашкӧдін меным?
Сэки ёртлы моз эски ме тэд.
И со чукӧстін ас дорад, енэж,
Нэмӧс вильыша коллялі мед.

Воис кад,
Воис виччысян луныс:
Колльӧдіс кӧлӧкӧльчик: динь-динь...
Восьса синъясӧн сэтчӧ ме муні,
Кӧн пропеллерӧн бергаланін.

Эг, эг вунёд ме шептасьысь сюяс,
Видзьяс-ыбъяс эг кедзовтны кут.
Сёмын эски, мый сынёдса туйыс
И крестьянинлы лёсялан шуд.

Сиктын медводз ме,
Кызд коть эн лыдды
Восьті лэбалысь пиянлысь тшөт
Польой пыдди
И усьом бать пыдди,
Ёртъяс пыдди
И сикт пыдди тшөтш.

Кёка вой

Друг чуйман,
Кор сёлёмсыйд кылан,
Зэв чёскыд, дыр виччысян дой:
Зэв лөня, дзик кок чуньяс вылас,
Кор восьлалё тувсовъя вой.

Оз дзуртыштөд потшөс ни дзирья,
И некутшөм кок туй оз коль,
Но кылыштас малязі дзизгём
Да сёльгыны ловзьом сөдз ёль.

Сэк садьмыны лосьөдчө асыв,
Оз вөрзы на веж турун сі,
И ставыс сэк мича да ясид,
Мый луннас оз казавлөй ми.

Веж кызд ловъя паськөмөн вөччас —
Ас вөр-валөн радейтан чой.
Став шаньыс сэк му вылө лэччас,
Лөз Войвылын кор кёка вой.

* * *

Эз дзик ставыс збыльмы,
Дай ставыс оз артмы...
Ме некодос ог мыжав, ог:
Зэв мичаа сьылысь
Да шань асья лэбач
Оз век өшинь дораным лок.

Оз век олём ымравлы
Шоньдөн-лөньон,
А ёнджыка пессывлө лов.
И овлө, мый вунөдлам
Велөдан кывъяс,
Коть вунөдны некыз оз ков.

Ми аслыным асьным
Судья-адвокатъяс,
А корсюрё — стрөг прокурор.
И ошйысьом овлө,
И яндзим тшөтш овлө,
Ми асьнымос донъялам кор.



Дерт, асьнымӧс донъявлам
Огӧ век стӧча,
Та йылысь ог вензыны кут,
Ӧд абу ми йӧйӧсь,
Мед артавын сӧмын,
Мый медвеськыд асланым суд.

Муслун

Да, мусаӧй,
Вот регыд сылас лым,
И тувсов ягыс бара лоас югыд,
И кӧдзыд ёльӧн визув лоас пым,
И челядь тельгӧм гожӧмбыд оз дугдыв.

И юяс ойдӧдасны ветланін,
И орчча кок туйным ва улӧ пырас,
Оз казяв муслун пасъяс миян син —
Став казтыланаторйыс вушъяс-бырас.

Дерт, шылӧдлывлӧ ставсӧ ойдан ва,
Ӧд ытва — сійӧ сы вылӧ и ытва.
И ог мӧй,
Ог мӧй аски выльысь на
Ми тӧдлӧй югыд муслун чужтысь рытьяс?

Оз вашкӧд дона кывъяс тэнад вом?
Он ло ме сывйын, сӧлӧмшӧрӧй менам?
Дерт, муслунлӧн эм панас,
Эм и пом...
Но збыль мӧй миян муслун дженьыд нэма?

Важ фотояс

Медбуръяссӧ, авъясӧ
Война би сотіс,
Сэк чорыд приказ
Чужтіс зэв чорыд кад.
И кык ӧшинь костын
Эм важмӧм нин фото,
И видзӧдӧ ми вылӧ
Усьӧм салдат.

А кадыс пыр лэбӧ,
И олӧмыс помтӧм:
Салдатъяслӧн внукъясныс
Верстьӧӧсь нин.
А усьӧмъяс, найӧ,
Век колясны томӧсь,
И кык ӧшинь костын
Оз куньлыны син.

«А ме аслам олӧмӧн
Кутшӧм дон босьта?» —
Тадз корсюрӧ ас кежысь
Мӧвпавла чӧв,
Ӧд коркӧ и ме лоа
Кык ӧшинь костас,

И видзодны сэсянь
Мед яндзим эз вöv.

Печора

Оз дзескөд на Печораос гранит:
И талапöv, и мөдлапöv — виж лыа.
А пашкыр пожом кыркөтш йылас дзик
Лөз саридзланьö колльөдö веж гыяс.

Ме юсö, гашкö, варччөмөн ог вудж —
Та пасьтаыс вын серти параходлы,
Но любö мем, көть муртса, көть нин сутш
Тан нимкодясьны юлөн паськыд отнас.

Ме юсö татшөм меліөн эг чайт:
И ваыс сөдз, и аддзан ылö-ылö.
Öд буретш тадзи шöйöвошлам тай,
Кор веськавлывлам выставкаяс ылö.

Тан копрасьö со еджыд кока кыз,
И лыска кияс нюжөдöны козьяс.
Куш степын олысь морт кө эськö кыз,
Кыз эськö чуймис тайö серпас водзас?

Дерт, степын олысьлы и ичöt рас,
И сійö кажитчывлö тшем-сук вөрөн.
Дай меным со оз мунсьы некыз тась —
Печора мичлунсö көть босьта сьöрысь.

Мем коркö юыс вöлі муса мөд:
Öд челядьдырся ваяс — чөскыд ваяс,
Но некор татшөм нимкодсьö эг тöд,
Мый юыс татшөм югыз мөвпьяс ваяс,

Мый ыпнитлас на ыльысь сьölөм би,
Мый здук кежлö ме воштыла кыв-ворös,
Кор аддза,
Кыз уна ю шөр ді,
Кыз кагаясöс, лайкөдö Печора.

Вуджөдіс **А.Ванеев.**

Сыктивкар

Тöлын ли, арын ли —
Муса да мича,
Войвывса карös ме
Сьölөмын видза.

Кыаяс петлöны,
Кымын — ог лыдды,
Тані поэтьясös
Пуктöны пыдди.

Сьölөмьяс восьöны,
Нюмьялö ывла,

Коми да роч тани
Ладмисны кывъяс.

Тан өтлаасьоны
Сыктыв да Эжва,
Карыс мем ас öнi,
Ошкана, вежа.

Видзана, колана,
Лов шысö кыла,
Став öнъя олöмнас
Нималö ылöдз.

Сы бöрын

И кокни Пушкин бöрын, и зэв сьöкыд,
Поэзияын туйыс лои юж,
Гиж веськыда, оз судзöд тэнö рöкыс,
Но и эн гиж, поэтöн кö эн чуж.

Эз ёна сод сы кадсянь олан гажыс,
Быд пöлöс пежыс вичмö мем и тэд,
И суклясьöм, и вышитчöм, кызд важöн,
И дась тэ ылö октöм пистолет.

Кык нэм чöж нимсö кыпöдамöй ылö,
Но Пушкин ловъя, орччөн сийö век,
Поэзиясö сьöлöмнаным кылам
И, лыддиг, асьным кыпöдчамöй сэк.

Мед бурыс сысянь помтöг миы чуктö,
Оз Пушкин кув, кöть мыйта кад эз кывт,
И асьнымöс кö век на пыдди пуктам,
Тшöтш сылы колö шуны аттьö кыв.

Тэ йылысь

Быдлаысь тэнö ме кыла,
Аддза сьöлöмөн кöть кысь,
Тэнö уськöдö тöд ылö
Мича кока еджыд кыз.

Тöдан, радейтöмöй ыджыд,
Менам дона, муса, ас,
Асывсяныс жоньяс кытшын
Тэнö ошкö лов пу рас.

Быдлаын тэ том да мича,
Тэнсьыд визувлун он потш,
Керкаын со, кыла, видзö
Тэнсьыд кок шыястö джодж.

Думөн орччөн век, и таысь
Каитчыны ме ог кут,
Ен кö видзас биысь-ваысь,
Тэкöд аддза ассьым шуд.

Вокзал дорын

Чолөм ылы эн вочавидз,
Дорти мунін, эн төд,
Көть и аддзыслам шоча ми,
Думтө торкны эг мөд.

Өні важөн тэ мөд сайын,
Мекөд шудтө эн тэч...
Вөлі тэныд ме төдсаён,
Вөлін мусаён тэ.

Вуджөдіс **В.Тимин.**



Почёт ним

Коми Республикаса Юралысь Юрий Спиридонов шуис сетны республика водзын заслугаясысь, уна вося бур уджысь да Коми Республика котыртөмсянь 80 во тырөмкөд йитöдын почёт нимъяс:

**«Коми Республикаса
народнöй гижысь»**

Нина Никитична Куратовалы — гижысьлы.

**«Коми Республикаса
заслуженнöй уджалысь»**

Елена Васильевна Ветошкиналы — Коми Республикаса гижысь котыр правлениеысь председателы;

Михаил Андреевич Елькины — «Войвыв кодзув» журналысь главнöй редакторлы, поэтлы.

Чолөмалам!



Тыр шуд

— Нянь-солӧн сьӧлӧмтӧ он верд,— дорйӧ асьсӧ мамыс водзын Петра. Семен Палэй, ён, быттьӧ кока карандайс* гӧтшкӧ-пинялӧ ӧтка писӧ:

— Сӧтана лы... Неямын тыртис, а эз убӧлит гӧтрасьны...

— Ӗвсьы...— кинас и кокнас ӧласьӧ Петра, стрӧмнӧй морт. Еджгов юрсиыс гартчикыль, сутуга кодъ чорыд. Некутшӧм сынан оз имит.

...Армия бӧрын варов зонка кайис карӧ, артиставны. Гажтӧм кажитчис чужан сиктыс вӧвлӧм салдатлы... Став дзувкӧс друг-ӓртъясис усйысьӧмны бокӧ перйыны грамӧта.

Уна войтыра карын кыв-вора зон веськаліс клубӧ, завхозавны. Гач тыр любӧ Петралы: быд кутшӧм сьӧд уджсӧ дась мыркны, медтыкӧ петкӧдчывны йӧз водзӧ чиклясьны, карны теш. Рӧкыд вылӧ клубӧ локтіс артист, велӧдчӧм морт да ышӧдіс том войтырӧс ворсны комедь.

Сэксянь и бергӧдчис юр вежӧрыс сиктса мортлӧн, вежсис олан сямыс. Укшалътчис, пыдӧ вӧйисны былькъя синъясыс. Пырджык кутис думыштчывны мыйкӧ...

Сідз тай шуӧма: ӧтпыр олӧмас вӧвлӧ томлуныс, кыдзи ӧтпыр вонас вӧвлӧ гожӧм... Во чӧж дувган-виччысян сійӧс, кыдзи мед-любовнӧй гажӧдчан ӓртӧс, да регыдӧн помасьсӧ, катовмунӧ дженъыд войвывса гожӧмыс... Ывла вылын гунь-гонь. Кузь лун меліа югъялӧ ярыюгыд шоңді. Ымралӧ, кылӧ юмов ма дук. Пельын зінгӧ, немӧймӧ сьӧлӧм... Гӧгӧр ловзьӧ, мичаммӧ. Став ловъя ловйис радлӧ, сьылӧ ас ногӧн кыпыд, шуда сылан. Ставыс чужӧ, сӧвмӧ да шаньмӧ.

Дженъыд войвывса гожӧмыс — ӧтпырысья гожся мойдыс, шудлуныс. Оз прӧста, сідз-тадз, йӧзыс ӧткодявны тайӧ каджоластсӧ том пӧраыскӧд, кор збыльмӧны повтӧм кӧсийӧмъяс, кор помтӧм кажитчӧ олан гажыс...

Вит во артистъяс юкисны шог и гаж ӧтвылысь, панясисны ӧти пӧртийсь. Чунь оз тырмы лыддыны став сиктса клубсӧ, кӧні мойвиис ас вӧчӧм театрлы ворсны, петкӧдлыны комедь-теш.

Нэм кежлӧ йиджис Петралы Коми му пасьтала ветлӧмыс. Оз вун мича сӧстӧм Сыктыв ю вылын ыджыд Койгорт сикт. Быттьӧ шӧттӧм дӧра вольсалӧма — лӧня визувтӧ Изьва, чериа ю. Сэні, сюн сёй берег вылын сулалӧ пу гӧсьтинича. Прамӧ ӧшинь пыр позьӧ видзӧдны, кыдзи багралӧ рыгъя кыаыс. Син водзын сувтӧ серпас: паськыда шевкнитчӧма ю пӧлӧн нэма Чилимдін. Тані, москיאс вывті тшапа котшкӧдӧны кӧлӧшгъясӧн вӧччӧм-баситчӧм статя аняяс. Пыр на нюм сорӧн казътывсьӧ кузьмӧса селитчӧм Кослан сикт. Тувсовъя пӧраӧ тані ковмыліс артистъяслы вуджавны катласъысь пос-плакаяс вывті рабзьӧм йиа Мозын ю вомӧн. Бурӧн казътывсьӧ Эжва йывса уджач войтыр, кодъяс кужӧны и гажӧдчыны. Быдлаын, быд пельӧсын, сьӧлӧмсянь вочаалісны теш

* Карандыс — пельса.

вöчысьясöс. Тöв кöть гожöм, быд пöраö ылыс сиктса клубъясын том артистъясöс пыр виччысис пöсь чай, чöскыд пöжас да помтöм сёрни-басни.

Быттö выль пöв чужис Петра, синмассис. Быттö бордяясис том зон — сэтшöма лэптис, кыпöдис сийöс шудлуныс!

Сьöлөмшөр, донa Коми му! Мыйта озырлуныс да авъялуныс тэнад оласногад... Окота пыр мыйкö вöчны буртор, пуктыны пай, ставыскöд ёртасьны. Роч кöть, коми кöть — ставөн ас войтыр, ставөн öти ыджыд семья. Нöшта ёнджыка мусмисны чужан сикт, горт гөгөр, мулань нёровтчöм кыксё вося вичкö.

Гөгөрвоана, мый бурысь чужö бур, мый югыд кыпыд мөвпъясысь кыптö лов. Кымын шань, ыджыд сьöлöма морт, сымын кокныд сылы венны сьöкыдлунсö, сымын кузь да шуда нэм.

Ыджыд грек

Гожöм шөр. Сиктын чöв-лөнъ. Верстьöяс скөнъ мырсöны видзьяс вылын, дасътöны чöскыд дука кöрым.

Гортас, ен ув пельöсын куйлö, сьöкыда висьöдчö Агей баб. Керка пытшкын — шы ни тöв, сöмын кылö, кыдзи мудзтöг тотшкöдöмунö часi да осьса öшинъ дорын мыйкö мошкоритчö ичöтик нывка.

— Прöстит, Господи,— нораа шыöдчылас пöрысь морт.

— Эн бöрд, Агей бабö,— пыр жö матыстчас внучкаыс, ар сизима, лöзьюгыд синма нывка. Мамыс Настялөн асывводз мунис видз вылö, а нылыслы стрöга накажитис видзöдны бабыс бöрся. А Настялы некутшöм тшöктöм оз ков. Бобув моз сийö лэбалö олан жыръяс кузя: став дозмукъяссö важөн нин мыскалис, джоджсö тшöтш весалис и. Видзчысьöмөн, быттö дзoляник кагаос, сийö лелькуйтö бабсö: пань помысь юмов кисельөн вердыштас, сöстöм рузумторйөн вом дорсö чышкас, юрси пратьсö сынанөн шыльöдас.

— Сёкатö нылö менам,— ошкö внучкасö Агей баб. Нимкодъ пöрысь мортлы — ас пöрöдаö öбичанас мöдöма: уджач, тэрыб кикокa, абу кутшöмкö карса дрöчка кодъ...

— Видзöд, Настук, кутшöм бабыд лоöма. Сувтны ни пуксыны ог вермы. Йöз серам сöмын. А коркö, сёкатö нылö, тэ коддя жö вöли... Мича, визув да шуда нывкаөн... Ставөн вöли ворсöны мекöд, нимкодьясьöны. Локтасны ай-мам гортö удж вылысь, мач моз качöдласны вывланъ: «Ак, кутшöм красатуля туö-быдмö миян»,— шуасны. Нем думайттöг олі... Сöмын öти удж и вöли менам: синтöм пöльöс пывсьыны новлöдлыны. Лэччöда сийöс ю дорö, шоныд пывсянö да сэтчö и коля. «Мун,— шуас пöльö,— тані ме ачым ыджыд. Кималасөн тöдмала, кöні небыд корöсьыс да ва пельсаыс. Мун, котралышт да эн кöть вунöд пöрысь пöльтö...» А меным, йöйлы, любöйс!.. Звирк чеччышта да öпрöметьөн котöрта аслам нывъёртъяс дорö... Уна-ö колö челядь мортлы? Öтчыд сэтшöма ылали ворсiгмоз, мый дзикöдз вунöдi вайöдны синтöм пöльöс бөр, гортö... Гожся рыт пуксьö, луд вылысь локталöны мöсьяс. Сикт кузя слук мöдис: синтöм пöль öтнас мöдöма кытчöкö да музгыльтчöма сөй гуö, ныртшук... «Егена макö, но и нывка жö менам тайö... Пышйöма сы коста кытчöкö дай...» — лёк горшөн горзö гу пытшкысь дедö. Кöтасьöма, вылыс дөрöмыс сөйöссьöма быдсөн. Чорыда ньöръялисны гортын, дыр янöдисны бур йöзыс менö... Öнöдз казътылигөн сьöлөмö курзъылö. Сэтшöм грек лои вöчöма да... Кузь нэмöс быд

ног лои овны, но паметям тайо медся ыджыд грекыс. Простит, покони́к по́льо, простит... Гашкё, та понда и оз босът Енмыс эта дырасо...

— Эн бёрд, Агей бабё,— нёшта топыдджыка ляснитчис Настя бабыс дорас,— ме тэнё ог энот, некор, некор!..

«Енмыс видзис»

Срöду эг кывлы батьянь ёрччан кыв. Сы понда, гашкё, эз сибды ас дорам понъясьо́мыс да. Енмыс видзис... Но öтчыд петис батьöлөн вежыс...

Кöкъямысöд класс помалöм бöрын кодсюрö чöвтчалисны велöдчöмысь. Сэтшöм модаыс вöли. Завидь босьтис менö, мый гажöдчан ёртъяс, тöрытъя школяръяс, пырисны колхозö уджавны, верстьö моз пондिसны нюшкыны табак, бергавны вина дорын. Но медсясö кыскис ас дорас вөр-ва: мыш сайын бовксё пищаль, водзын котöртö гар бöжа Шарик, муна́н, кытчö син судзас...

Сулалис зарни ар. Лэбисны нин дзодзöгъяс лунвылö, кыскисны бöрсяны́с лым... Дыр шöйтi кöджса муяс вывтi. Сьöлөм вылын гажтöм. Ёртъяс но́пъясисны да мунисны ыли Пöгöстö, велöдчыны, дзонь вежон ютш-ютш пукавны партаяс сайын. А ме шыш моз дзебси гортса пывсянö, быттьö кутшöмкö мыж вöчи да колö сайласьны бур войтырысь. Но мед, артала, лун кык-куимсö воштöдчыла син улысь да гашкё небзясны ай-мамлөн сьöлөмныс.

Пывсянын шоньд, горйыс пым, ватор койыштан кö, дзужмунас. Нырö паркйö чöскыд корось дук. Паметьö усис Максим по́ль: тошна́с гильöдчö, швичкöдö менö коросьон да шуалö: «Мун, энот миянöс став лёк-омöлыс...»

Асывнас öдва виччыси, кор ай-мам мунасны удж вылö. Шарик пон, дерт, кольчис кильчö горулö. Öтнас тöдö менсьым дзебсясьомöс, сöмын легöдö бöжнас. Кынöмыд тшöктö, быть лои кайлыны гортö. Кватитi жытей кус да бөр. Но грек вылö, пес чипас дорын паныдасис Марей баб, суседка. Кинас швачкерис да төвзис кытчöкö. Оз прöста сiдз сиктсаяс нимтыны сйöс Тар Марейөн. Видзöдан да пыр лэбö-тэрмасьö, тарьялö.

Прöста олигад öти луныс кык, шуöны. Коркö, рытъя гору́в, пывсянö лэччис мамö. Кыв шутöг сой пöлöд нуöдiс гортö, вердiс-юкталiс. Сэк костi удж вылысь локтiс батьö. Сöмын зыркнитлiс синнас ме вылö. Дыр сэсся сёлöдчис көтшын, мыссян доз дорын. Мамö вешйис пач дорö. Ме пукала шы ни төв, пушикта сöмын. Быттьö первойысь аддзи батьöлысь сөнöд кисö. Ок, чорыд кабырыс, öшкös путкыльтас, колöкö.

— Вай, пасьтась инö да мöдöдчы,— шыöдчис батьö.— Миян семья-рöдын некод на уджысь эз пышъявлы ни эз дзебсясьлы. Велöдчöмыс, öд, пиö, сйö удж жö.

Бöрдöм сорөн петi пызан сайысь. Небыд сьöлöма мамö эськö уськöдчыли́с дорйыны менö. Но сэки батьö камгис кабырна́с пызанас, став дозмук чеччыштiс вывлань. Да мыйкö крапкис-шуис, дойданатор.

Люзь бöжөн мöдöдчи ыли Пöгöстö. Сир пемыд ывлаыс. Шустöм. Быдсяма думыс волiс юрö. Сэтшöм вöли забеднö, мыйла батьö вöтлiс гортысь, вой улö.

А юрын пыр бергалiсны батьöлөн кывъясыс: «Миян семья-рöдын некод уджысь эз пышъявлы...»

Василей

Прөсти ни видза явитчис пася-дукөса поводдя. Митрей дырйи нин дорис юяссө, гөгөр лымъялис. Вплоть матыстчис во пом, медся пемыд да шуштөм вой-лун.

Во джын дөвечалө, пыкө шог Падей Вась, нейджыд тушаа мужичöй. Катерина нылыс вайөдіс батысө карө, ас бердас. Да, тыдалө, став ярлуныс, гажыс стариклөн кольөма чужан сиктас. Вывті забеднө пöрысь мортлы, мый овтөм сулалө карта-керкаыс, пырзис чөс туйыс. Яндзим бур йөз водзын, мый лои эновтөма меддона другсө — гудөксө.

— Но-о, дзикөдз сивöймөмыд, старикө,— друг, кыськө, ен ув пельөссянь кыліс серам сора төдса гөлөс. Падей Вась быдсөн дрөгмуні. Öльöш Татэй, муса гөтырыс, ловъяысь-ловъя пукалө, швыргө чөрсөн... Да гаруснöй чышгьянөн юрсө көрталөма.

— Мый нин дульсмин, Василей? Көні нө «саратовкаыд»? Нокө ворсышт, кыдзи войдөр...

— Эн грекө вöйт. Рытын асья оз сывлыны,— сибдөм гөлөсөн шыасис Падей Вась да куньтыртис син пөвсө: «Выживми тай, вошласны куті али мый?» Сэсся бөр восьтіс да нөшта ёнджыка чуймис. Öльöш Татэй местаын, джек вылын красуйтчө «саратовкаыс» — гудөк кизьясыс дзик быттö кодзувьяс дзирдалöны.

Дзуркнитис пыран-петан өдзөс. Катерина, лөсьыд статья том ныв, матыстчис батыс дінө. Чужөмыс ыпъялө көдзыд вывсьыс:

— Мый нө шогсян? Ворсышт нокө, войдөр моз,— мамыс ногөн шуис сійө да чупкис плешкас.

«Эн грекөвöйт», көсйис вочавидзны Василей да джөмдіс. Гудөк-ёртыс ачыс чеччис сылы морөс вылас, гажтөмтчөм кага моз өшөд-чис сыйлас, пондіс пессыны, быттö ловъя лов...

«Василей, Василей — олан гажöй-нимлунöй...» — ливкнитис Катерина да пась восьтіс горнича өдзөссө. Ёвкнитис сьölөмыс Падей Васьлөн. Югыд жырйын тыр нарөд, ас сиктса йөз. Со, вом тырөн вашгьялө чангылъ ныра Лёнька-Бут; сыысь өтдор некод оз куж пуысь мегыр песөвтны. Дорас пукалө, шпуткө-куритө Василь Педь, медбур пач тэчысь. Сэн жө, кыз ныр-вома Гриш Вань, плешкыс дон-дон, — зарни киа столяр. Воча пукалө, дзор юрөн довки-йөдлө Кириша Дарья — сиктса «төдысь» (чурки-буди, мед он вомдзась). Орчча ськөд биа краля Чапей Маш, син пөвнас быдтор аддзö, сьökыд пельнас ставсө кылө. Уна бур войтыр, ыджыд сьölөма, сылан сям да киподтуя йөз чукөртчөмаөсь, медем чолөмавны ас сиктса нималана мортөс, Падей Васьөс, нимлунөн.

«Кысь сымда чөскыд пөжасыс? Дона гөстясыс сьөрсьыс вайисны, буди...» — эз удит помөдз мөвпыштны Василей, кыдзи югыд шоньгей моз петкөдчис Катерина — вижовгөрд сарапана, жемчут тусь сикөтша, мича гаруснöй чышгьянөн юрсө көрталөма:

«Видза олан, муса зон да, мыйла тэ зэв жугыль...» — вына гөлөсөн горөдіс сійө да бара окыштіс батысө. «Дзик быттö мамыс», — оз төд, бөрдны-ө, серавны-ө Падей Вась. Ловзис сьлөн гудөкыс — тувсов ва моз тыртис-ойдіс патерасө быд пөлөса гласөн... Юрөбтіс сьыланкыв. Ставөн босьтчисны, ладмөдчисны сывны...

Ок, и яр гудөкасьысь вөлі том дырйиыс Падей Вась! Кудраш юра, лэчыд синма — быдлаө тай вевъялө вөлі: зіля уджавны көть, гудөкөн ворсны-няжгыны көть... Кыпыд сьölөма, сөстөм видзөд-ласа,— дзик быттö кага; нимкодъыс оз төр вомас. Мукөддырйиыс

он и гөгөрво сёрнисö, бызгö мыйкö ас костас. Но паськöдас «саратовкасö» — гөгөр югдö, ловзьö!..

— Гажöдчътöгьд олöмьд дуб,— тадзи и шуас вöлі. Со кутшöм авъя морт, Падей Вась: синваыс син дорас, серамыс вом дорас.

«Копач рок»*

Сиктса олöмыс — эштивлытöм удж. Тöв кöть гожöм — быд кадколаст вайö аскöдыс сё сикас нок. Енэжсянь нинöм ачыс оз киссьы. Кысянь кыаöдз сиктса войтыр зильöны му вылын. Сöмын меститчасны, пуктасны капуста, кьдзи сьöрся-бöрся локтö коксян пöра.

Гожся шондйыс пöжö, пычкö ньылöм. Вом пытшкын кос, öдвa пeсласьö кыв. Дорся, кыр горулын, руалö Кепшор ты: нюйтöн тырöма, но пикö воöмысь позьö бузгысьыны ваö, пальöдны юр. Ва веркöсыс шоньд, быттö пывсянын. Пьдöссяньыс кайöны кöдзыд ключьяс.

Лунтыр копрасьöмысь чегö гырк. Сувтлан здук кeжлö, веськöдан кос, öвтыштан плeшкысь ньылöм. Сиктса йöз скöнь пeтöмaöсь муяс вылö. Мый гудйыштан, сийö и кокыштан. Некод весь оз ов.

Паметь вылö усис Öдэй баб: ичöt тушаа, куим кусыньöн ку-сыньтчöма. Эз прöста ас йöзыс шуны сийöс «котей» бабөн, пыр котейтö вöлі да. Пуксьöм мода эз вöв сылөн. Видзöдан да век копырөн-мышкырөн, пыр мыйкö ноксьö. «Пукся кö, став шеваыс кайö»— шуліс Öдэй баб. Пöрысьладор омöльтчис, сідз кымыньöн и усис, уджалігөн...

Ты мöдлапöлын, яг рöчын, дугдывтöг кöкö кöк. Гораа дзизгö, лэбалö ай лöдз. Копач улысь петкöдчылас нидзув, нюгласьö, корсьö сайöд. Быдöнлөн эм аслас удж. Муыс шöвк кодь небыд. Важ чe-рысь бертöм копач ачыс пырö муас, лукöшитö картофeль поз гö-гöрсö.

Гортсаяс казътылöны нюм сорөн: ичötсянь пö уджач вöлін. Лабич увтi уялін на, а куткырвидзан джодж шöрын да мый вынысь нетшлалан вöнь пом, ас думсьыд кöсьян разьны гөрöдсö. Бан бокъ-ясыд польдчöмaöсь, вомсьыд дульва петö. Но няргöм шы он кыв. Коркö сэсся, вояс мысти, тувсовъя пöраö, гöра-кöдзигөн, верстьöяс пуксьöдiсны менö вöв вылö да тшöктiсны агсавны му: трудöдень пö сeтам, колöкö... Помнита, Паспом му — ьджьд, син оз судз. Ок и кывкутана тайö удж — вöв вылын ветлöдлыны кузяла и вомлала, кöрт агасөн сынавны выльысь гөрöм му. Бöрсянь вöтчöны сьöд ракаяс, тыр гөлөсөн кравзöны, тöждьсьöны ме вöсна...

Сöмын на вои арлыдö, мамö мöдöдiс менö мöс видзны. Садь-мöдас асывводз, вердас-юкталас дай и колмьöдас сикт помöдз. Вывтi сьöкьд удж — дöзьöритны сюрукъяссö. Наперво, сюся видзöда, мед эськö эз уськöдчыны нюрö, матшкымö. Киын кута кузь ньөр, но век жö пола люкалöмысь. Кадыс нюжалö, некьдз оз коль. Коркö, рытлань, локтас мамö да отсалас вайöдны умтöдз пötöм мöсьяссö. Кывтöм пемöсьяс гажaa баксöны, руйгöны ньöжйöник гортö.

Помасьлытöм гортгөгöрсa уджыс. Водзысь-водз, пемьдөн на,

* Копач рок — Удораын, Вашка вывса олысьяслөн сёрнисикасын тадзи чолöмалöны удж эштöдöм, мöд ногөн кö, чомөр. Коканасьöм бöрын пуисны да сөйисны копач рок, турун ытшкöм бöрын — коса рок, куртöм бöрын — нарман (куран) рок да с.в.

чечкө мамө да ломзьөдө ыджыд пач. Вочасөн садьмө став керкаыс: карта улын кузя бакөстас мөс, гидын заводитасны шардлыны баяс. Колө көтны нянь шом, лөсьөдны сөян-юан. Жальпырысь мамө чукөстас менө. Ньоти абу окота петны шоныд эшкын пытшкысь, но быть колө мунны ясли-сайдё, мамлөн удж вылө, зыртны лым. Мамөлы некор. Час-мөд, югдытөдз уяла лым пиын, писькөда ордым.

Паметьын ловзьө нөшта өти казътылөм: гожөм шөр, каникул, ёртъяс ставөн купайтчөны Көдж тыын, пөжөны мыш шондi водзын. Меным, дас арөса зонкалы, мамө индiс весавны няйт ва кисьталан гу. Помнита, кызди бөрдөм сорөн новлі-кыскалі ведраөн пеж дука колясьяссө. Юр весьтын югъялө гажа шондi, неылын быйкъялөны, гигзьөны ёртъяс. Дерт, забеднө челядь вежөра мортлы мыркны сьөд удж.

Сө пөв забеднө өні, кор чой горув катовтчис олөмыс. Сөмын өні лои гөгөрвоана, мыйта ёгыс, ковтөмторйыс, дурк мөвпыс позйысьліс юрын. Сөмын Удж мичмөдө, кыпөдө мортлысь лов, сөстөммөдө сьөлөмсө. Сөмын Удж мездө неминуемаясысь, сетө шуд. Абу свет вылас сэтшөм удж, мыйысь эськө ковмис яндысьны, сайласьны.

Архивын

Лун пома лун копырөн-мыкөрөн пукалө тан быд сикас арлыда войтыр, йөршитө важся кад. Кызвыныс — олөма йөз. Завидь босьтө — мудзтөг лун-лун гудйысьны нэмөвөйся газет-журналын. Томъяслөн моз югъялөны синъяс, кылө гора сёрни. Любө и видзөдны...

Гашкө, архивыс сетө пöрысь йөзлы содтөд вын, видзө-кранитө неминуचाысь?.. Сидзкө, колана тайө уджыс, важъя история туялөмыс.

Любөпырысь танi видзаасы нималана краеведкөд, Николай Калининкөд. Кодi оз төд удораса пылысь тыр-бур вежөра гижөдъяссө важдыръя олөм йылысь? Коркө часливитiс воыны сы ордө, гортас. Ёна чуймөдiсны небөгъясөн тырөм йирксө пыкысь джаджъяс; ставыс аслас иналөм местаын — книгаяс, важ кабалаяс. Помасьлытөм удж виччысьө тайө шогө сетчытөм шань мортсө... Быд лун сийө ютш-ютш пукалө архивын важся газетъяс сайын, зiля гижө-пасъялө. Збыль, югыд сям-вежөр кутө мортсө «дом повод» вылын, отсалө венны быд лунъя сьөкыдсө, выль ногөн вежөртны коркөя вөвлөмторсө.

Пиня-гыжъя, шөркост арлыдаяс тожө сирасьөмны татчө. Велөдчөм йөз тэрыба листалөны вижөдөм кабалаяс: кодкө гижө диссертация, кодкө азыма корсьө-туялө ассьыс рөдвуж-котырсө.

Ок и маньлив тайө сьөлөм босьтчөдан уджыс! Кымын во колө мыркны, гумлавны Паметь-юкмөсын, кытчөдз оз кыптыны сьөд пемыд кадысь муса рөдительяс, кытчөдз оз «быдмы» син водзын пашкыр лапъя ордпу... Тшөкыда пыравлөны архивө и студентъяс, лич-лэдз төдтөг куралөны Паметь кудсө, гижөны диплом-удж, тшөтш сибөдчөны важ олөмас.

Босьтны, шуам, «Метрика» небөг. Пыр и шыбитчө синмө — кутшөм мичаа лөсьөдөма, гижөма. Почерк, гижанног серти пө поэзө төдмавын мортлысь обичасө.

Ен-батюшкокөд быд лунъя сёрнитөмыс бурмөдө, сөстөммөдө лов, весалө сьөлөмысь лөг-наянлун, ыкпашитөм. Вөтти, поп-дьяк

●

вөлі медся грамотнөй морт сиктын. Сыысь өтдор грамотаөн вө-
дитчисны сөмын пристав да школаса велөдысь. Но и найө, буретш,
вөліны поп-дьяк котырысь. Ачыс Енмыс шуөма налы нэм чөж
велөдчыны да велөдны сьөд войтырсө.

Важөн вичкоса служитысь вөлі югыд кодзулөн. Сылөн бур-
сиймыс, бур висьталөмыс, Енсянь бур юöрыс отсаліс крестьянинлы
овны Ен серти.

Восьтам тайө вежа небөгсө: мортлөн олөмыс быдсөн петкөд-
чө лист бокъяссиянь. Чужө кага — кутшөм ыджыд шуд семья-
котырын! Сэк жө, ас приходса поп пыртө пузчужөм кагасө, сетө
сылы ним вежа аңдел ним серти да мича шыпасьясөн пасйө тайө
кыпыд лоөмторсө, вөчө ичөтик лөсас ордпуө...

Ыджыд семьяяс вөліны — морт дас и унджык. Пөшти быд во
гозьялөн чужис кага. Но Енмыс сетө — Енмыс и бөр босьтө... Оз
на став дзюлюкъяс сөвмыны, верстяммыны... Сэсса локтө му-
сукасян, гөтрасян пөра. И бара гораа тоньөбтө юргө сикт пасьтала
жыннян, озыра пасьтасьө поп да бур кывйөн славитө, величайтө
том жөник-невестаөс. Сэк жө, дьяк зіля пасйө ведомостын Ен
нимөн венчайтөмсө, өтлаасьөмсө.

Увлань катовтчө олөм... Юасьтөг-висьтасьтөг локтө пөрысьлун.
Кык нэм он ов. Колө и честь төдны, прөстмөдны ен ув пельөссө
том войтырлы... Ыджыд шог-печаль вайөдө семья-котырөс вичкоө.
Бара Ен нимсянь сьылөдө, поминайтө поп покониचाөс, колльөдө
дона мортөс бөрья туйө... Синва сорөн пасйө кыз небөгө ним-
вич, арлыд да кутшөм неминуचाысь петіс ловыс кулөм мортлөн.

Часьё-рөкыс, курыдыс-юмовыс өтлаын восьлалөны, ки киө
кутчысьөмөн. Гашкө, коркө, водзын, бур лөсьыд кадө, вежсяс миян
видзөдлас Енлы эскөм вылө да бур сьөлөма йөз кутасны овны
веськыда, пөся кевмысьны Ен-батюшколы, корны прөща...

Өнія кадө кутөд ни сетөд абу. Мыйкө зэв дона, колантор
вушйөма паметъысь, көдзалөма сьөлөм. Но олөмыс пыр мунө водзө
и водзө да сетө надея бур вылө.

Опонь дядь

ВИСЪТ

Сэн, көні Емва, Туръяса чукульысь петом бёрын лоньё да веськалө, шуйга берегас нель визьон ладаа да мичаа меститчөма менам чужанінöй — Катыдпом грезд. Преданиеяс серти, вöлі сійö и сэки нин, кор Перымса Степан кывтöма Емва кузя ыджыд из вылын.

Нэмъяс нималис грездным повтом вöралысьясөн да чери кы-йысьясөн, вөр лэдзысьясөн да кылöдчысьясөн, мича нывъясьсөн. Важысянь катыдпомсаяс мукöд емвасаыскöд öттшöтш ветлöдлісны «Из сайö» — Сибирö, дона куяса озыр прöмысла, отсасисны и мöскуаса да новгородса военачальникъяслы «Печера», «Югра» да «Самоядь» вылö ветлөмъясын. Тышкасьлісны емвасаяс и Ермак дружинаын. Зыряна-казакъяс овмöдісны тайö мусö, и колисны топонимикаас вуштыны позьтом туй. Войвыв крестьяна тöдісны уджыслысь донсö да сійон отсасисны öта-мöдныслы. А праздникяс дырйи кужисны и шойччыштны, гажöдчыштны.

Чужанінöй нöшта некымын сэтшөм жö грездкöд пырис Туръя вөлөстьö. Шöриннас вöлі Туръя (Турья), көні чужліс Питирим Со-рокин. Катыдпомын чужис да быдмис енбия коми учёнöй финно-угровед — Георгий Афанасьевич Старцев. Медводдза «вөр-ва ве-лöдан» урокъяс босьтис Катыдпомын жö мам кузяыс дед ордас и нималана геолог Василий Михайлович Сеньюков.

Мойдса багатырөн казгыла ме кызбöд вояс помсянныс на Афа-насий Михайлович Щановöс (дедысь воксö), олöма нин, ыджыд, топыд тэчас, ён, дзормысь тошка мужичöйöс.

Медводдза аддзысьлөмсянь пыр и шыбитчö вöлі синмад сылөн мывкыдыс, сямыс, небыд сьölöмыс. Ставлы восьса, сійö некор эз пинясь, ни эз вежöгты, некодлы эз вöч лёксö. Эз куритчы, эз ю. Некор эз скөрмыв и олөм вылас эз норась. Тöдісны сійöс вөлөсть пасьтала и том, и пöрысь Опонь дядьон.

Опонь дядь тöдіс рöдыслысь олөмсö ставнас сизимöд көленаöдз. Арталіс сійöс Петр Первыйлөн тшöтшгьясянныс — Фокасянь. Шөр могнас Опонь дядь чайтис пöль-пöчөн велöдөм серти олөмсö: ра-дейтны му, пыдди пуктыны удж да йöз, нуöдны водзö крестья-налысь рöд. Весиг медся сьökыд удж мыркöмыс сетіс сылы шуд да радлун, а уджтөм кадыс шогöдіс сійöс.

Казгытыла, мыйö велöдіс мянөс Опонь дядь: кор мортис сьö-лөмсянныс, бура уджалö, тайö кадыс чинтысьсö сы нэмысь, и сійö оз пöрысьмы. Пöль-пöчыс моз жö сьöd уджын весалис сійö вöрсö, воысь-во пыр паськöдіс да бурмöдіс му-видзсö.

Куимысь, ва вossьом бöрас, Опонь дядь кузь да векни пыжнас зібъясьбөмөн ветлывліс аслас угоддьöясас — «Нюлачö»: медвод-дзаысьсö дасьтыны пуръяс, гожом шөрнас — пуктыны турун, кой-мöдысьсö, аръявылыс — кылöдны сійöс. И пыр вайлывліс уна чери. Мукöддырйи кайлывліс и нельсё верстöдз сөмын чери кы-йөм могысь. Емва ылöдз нималö черинас — комөн, кебөсөн да чиминас. Чимисö емваса öксыяс новлісны Иван Грозныйлы пызан

•
вылас. Өтчүд татшөм ветлігөн Опонь дядь Андрей пиыскөд кай-
лісны Емва пансянінө — Тиман бердөдз и чуймөмөн аддзисны
4 венеча тшупөм банька, кыгчө вылысладорас черөн пасйөма:
«Фёдор Щанов 1812 во». Банькаыс вөлі крепыд на.

Уджаліс Опонь дядь сьөлөмсяныыс 16-18 час луннас. Челядьыс
казытылісны: мукөддырйиыс батыыс панясигас и унмовсьөлөма.

Опонь дядьлөн воддза гөтырыс куліс томөн, кага чужтігас, да
колис көкъямыс челядьөс. Енмыс сетіс Опонь дядьлы мөд гөтырөс,
сэтшөм жө уджачөс да авъяөс. Олісны найө Елизаветаыскөд ладаа.
Став челядьнысө сувтөдісны кок йылө. Дмитрий да Михаил ов-
мөдчисны Ленинградын. Андрей да Егор — Сибирын. Катерина,
Вера да Анна мунісны жө чужан керкасыыс. Бать ордас кольччис
аслас семьянас сөмын Павел.

Ачыс Опонь дядь сөмын өтчүд ветліс чужанінсыыс бокө, кор
сійөс, оломөөн нин, босьтісны Первой мирөвөй война вылө. Га-
ровтыштіс сійө гөбөчсыыс мусө рузумторйө да сідз сэсся сійөн
бөр и локтіс. Бөртисө сиктас сёрнитісны, мый гөтырыс шынеля
верөссө аддзөм бөрын уськөдчөма кутчысьлыны, но Опонь дядь
өдтортчыштөма сыыс: «абу пө лөсьыд, йөзыс аддзөны».

Соссө пуджөмөн кутчысис Опонь дядь киссьөм овмөсас. Но
сөмын лөсьөдіс сійөс, «комбед» мырддис став няньсө. Дас морта
семья сөйис кач да турун. Эз сетны кувнысө мөскыс да вөр-ваыс.
Колхозө гозъя эз пырны, көть кыдзи найөс эз повзьөддыны. На-
лысь мырддисны став му-видзсө, кольыштісны сөмын неуна керка
гөгөрыс. Йөзыс дзикөдзсө личкыны эз сетны.

Зэв өйөдана Опонь дядь висьтавліс Перымса Степан йылысь.
Из вылас кывтөм йывсьыс. Сы йылысь, кыдзи Степан уна сикт-
грезды сетөма нимсө да висьталөма, мый найөс виччысьө. Сідз,
Катыдпом йылысь, көні сәки вөлөма дасысь этшаджык керка,
Степан шуөма: 600 во мысти пө тані бара кутас быдмыны вөр.

Төдіс Опонь дядь Емва вывсьыс став чудь гусө и тшөкыда
вайыливліс сэтысь черъяс, пуртъяс, и весиг челядьлы чачаяс —
доддялөм вөвъяс. А Рөдитель лунъясө ыстывліс ныв-писө ма-
тыссаджык гуяс дорө (медся тшөкыда Ыджыдъельса, либө Жи-
гановскөй дінө) вошйөдны-казытыштны найөс. Челядьыс өшлісны
пуясө пөжаса да чериняня дозмукъяс, пасъясисны да висьтавлісны:
«На тэныд, чудь дядь, гөснеч».

Тыдалө, Опонь дядь пыдди пуктіс гуалөм, эскөмсө вежтөм вой-
тырөс. Өтпырйө вөйпис найөс и жалитіс, корис налы Енмыслысь
прөща да благөсловленньө.

Опонь дядь эскис Енлы, вөчис став обрядсө, быд видз оліс
кыдзи колө, и велөдіс миянөс, посниуловөс, мый оломьыс мор-
тыслөн өти, и шудыс вичмө бура оломсьыс. Да вөлі содтө: мыш
саяд пө век эмөсь кык андел: өтиыс гижалө бурторсө, мөдыс —
грекъястө.

Өтчүд, Емдінса педучилищеын велөдчигөн нин, ме смелмөдчи
да юалі Опонь дядьлысь: «А аддзанныд кө сьөд вөр шөрысь, йөз-
төминысь, зарни тыра мешөк, босьтанныд-ө көть өти деньга ас-
лыд?» Сійө нюммуніс да вочавидзис: «Эг ме сійөс сэтчө пукты,
абу меным и босьтнысө. А Енмыс быдлаын. Сійө аддзө ставсө».

Казытыліс Опонь дядь и со мый. Дас өкмысөд нэмлөн си-
зимдасөд воясас, кор сылы вөлөма ар 9-10, оломө мужичөйяс
кылөмаөсь Емва мөдлапөвсьыс ай гөлөс. Корөма вуджөдны. А кор
сиктсаяс вуджөмаөсь, некод сәні абу вөлөма, сөмын куйлөма
турунас святой Афанасийлөн образыс. Йөзыс гөгөрвоөмаөсь: өб-

разсö колö вуджöдны да лэптыны часовня. Во вит-ö-сизим мысти зымвидзис нин югыд да топыд, көртөн кышöм, тшупöм вичко. А вот мичмöдны вичкосö асьныс эз сяммыны, и, тыдалö, Енмыс ыстис ыджыд мастер Александр Сорокинöс гижны вичко пытшкöссö. Уджсö вöчöм бöрас сийö мунис Туръяö, көни сылөн чужис пи. А пыртис сийöс Туръяса вичкоас миян, туръяыбса священник — отец Иван.

И дерт, бöрья кадöдзыс найö эз тöдны, мый вичкосö мичмöдис став мирыслы тöдса учёнöй Питирим Сорокинлөн батыс.

Опонь дядь некор нинöмөн эз вислы и больницаас ветлис сöмын öтчид, кор вөр керкаас ыпнитлöм порокөн ёнакодь сотчис. Вöли водö узынысö зэв водз, и сэтшöм жö водз чеччö. Война кадö пöрысь морт отсасис колхозлы — вöчис додьяс, дзоньталис көлуй, пыжъяс.

Сылы век кажитчис, мый сийö эз на вöч олöмас медся ыджыдсö, медся коланасö. А эм кө мортислөн мог — сідзкö, сийö олö дыр.

Кор 1942 вося тулыснас сылөн кык пиыс кулисны блокаднöй Ленинградын, Опонь дядь, тайöс кывлöм бöрын, мунис вөрö, сёла вылö лэчъяс октавны шусьöмөн. Сылы эз вöv окота, медым адзылисны синвасö. А неуна сёрöнджык воис Павел вылас похоронка. Моньыс челядьнас мунис Княжпогостö: сэни, буракö, вöли кокныыдджык быдтысьнысö.

И колисны старикъяс öтнанныс. А кор налы сельсöвет сетис 300 грамма нянь паёк, Опонь дядь, пидзöсчанысьöмөн, аттьöалис Енмöс да правительствосö.

Сибирын овмöдчöм челядьыс, Андрей да Егор, көть и доймалöмөн, воисны гортаныс. Опонь дядь шогсис, важөн нин найöс эз аддзыв да.

Казытыла ме и Опонь дядьлысь öткымын аслыспölöслунсö. Сийö век сорлалис челядьыслысь нимъяснысö. Сыысь кындзи Опонь дядь лёка торйöдалис рöмъяс. Здук эз вермы овны прöста, век зилис мыйкö вöчны.

1944—45 воясö, кор ме война вылысь локтöм бöрын уджалі чужан сиктын школаас, Опонь дядь тшöкыда корлывліс менö пывсьыны. Мукöддырйи горöдлывліс ачыс, но тшöкыдджыка ыстыліс кодöскö: медым Öльöксаныс пö пырысьтöм-пыр жö локтö, удитас кө. Опонь дядь кепысь-шапкаасьліс да водлывліс полок вылö. Гоз көш бöрын ме эг нин вермы терпитны жарсö да петалі пывсян көджас, — Опонь дядь дыр на öвтчис корöсьнас.

Елизавета баб, Опонь дядьлөн гöтырыс, казытыліс пес вöчöм. Опонь дядьлы сэк вölöма 80 саяс нин. Воöмаöсь найö пöрöдчанінас, Опонь дядь некымынысь керыштöма пуас, тырöм лолөн пуксьöма мыр вылö да бöрддзöма:

— Да... Водзсö пуыс меысь дзöрис, а öни ачым сыысь дзöра.

Август 1946 воын ме муні велöдчыны Ленинградö. Сэки ме думышті, мый аддза Опонь дядьöс олöмын медбöрьяысь. Опонь дядь тöдис: выныс сылөн чинö, и овнысö коли этша нин, но кулöмсö виччысис повтöг. И кулис Опонь дядь öкмысдас арöсаөн, кокниа да мичаа.

1956 воö сийö арся асылас Опонь дядь поткöдліс на пес. Сэсся пырис гортас да шуис, пом пö сылөн туйöйлы. Пöрччысис да водіс. Тшöктіс гöтырыслы корны йöзсö прöщайтчыны. Корис кулöм бöрас нуöдны шойна вылас асланыс вöвлöм му-видзяс вомөн, кодöс коркö мырддьыліс колхоз. Гöтырыс чуймис: мырддьöмсянныс öтчыдысь эз гаравлы, а кулігас со и казытыштіс. Локтісны су-

сѣдьясыс. Елизавета копытчис верёсыс водзын да аттьоаліс бур олёмсыйс.

— Со сулалёны нин мекөд орччөн рөдительяс, чойяс да ыджыд вокъяс — Олексей да Олексан матрос формааёсь да креста-медаляёсь, пиян,— лөня висътавліс Опонь дядь,— найё локтісны мела. Ме муна.

Кулысь ачыс пунктис морөс вылас кисё. Лолыштіс и, буракё, мыйкё кёсйис на шуны, но эз нин вермы. Синмыс куньсис, Опонь дядь муніс мөдар югыдө.

А Елизавета баб оліс на нөшта 10 воысь дырджык и куліс сэтшөм жө лөня да мичаа 101 арөсаөн.

Талун абу нин Катьдпомой, кыдзи абу Емва пөлөн и уна мукөд сикт-грездыс. Йёзыс, коді пыкис, нуис ас вывтійс куим война, Опонь дядь кулом бөрын ставныс кытчөкө разөдчисны. Эз, дерт, бур олөмысь. Му-видзьясыс тырисны вөрөн, а керкаясыс либө киссисны, либө пес вылө мунісны. Сөмын Щановъяслөн вөвлөм керка дорын сулалысь кык пөрысь ниа лөня дзуртөны помтөм төвъяс улас, сюрс лыда катыдпомсаяслөн ОЛОМ понда тыш йывсыйс висътасьёны.

□ □ □

Алексей КОРЕЦКИЙ

Чужан сиктлы

Менам муса Аныб сикт
Чужлӧма кӧть важӧн,
Банйӧм пелысь кодъ жӧ дзик,
Олӧ югид гажӧн.

Тані войтыр дорӧ шуд,
Уджалӧ и сьылӧ.
Лёкӧ ордымсӧ оз кут,
Сӧмын бурсӧ кылӧ.

Чужан сиктлы овны дыр
Сиа́м ми — ныв-пиян.
Сьӧлӧмъясын кутам пыр
Кыпыд лола бияс.

* * *

Арыс дзикӧдз яндзимсӧ тай воштіс,
Оз и дзебышт нйӧтӧн резӧм бӧж.
Коркӧ сійӧс Пушкин ёна ошкис,
А ме вида коймӧд тӧлысь чӧж.

Лымйыс усьлӧ, бара дзикӧдз сылӧ,
Асьявылыс самасьлӧ уль ру.
Кор нӧ эськӧ нӧдздӧм эрдъяс вылӧ
Табъя кока пасъяс асьыс су*...

Чой

Муса мамлӧн ӧтка пи
Ӧнӧдз пыр на вӧлі.
Тӧрлім жырйӧ бура ми,
Олім лӧня-чӧла.

Со тай чужис Далюк чой,
Менӧ бокӧ вештіс.
Сьылӧ-бӧрдӧ лун и вой —
Лӧнь олӧмным эшти́с.

Вода-чечча, нокся пыр —
Мамлы отсӧг колӧ.
Кӧть и мудзла,
Радӧн тыр —
Чойкӧд гажа-й олӧм...

□ □ □

* С у — эрд, граница.



Мортос мичмөдө удж

Парчегыс Клим Ворошилов колхоз, көні коли менам челядь-дырөй, эз нимаулы крепыдөн. Зеленеч сиктсөвет улын вөлі медся ыджыд овмөс, и век кыссис бөрын. Трудодень былө этша мый юклісны, капустаысь өтдор. Председательяс өтарө вежласисны. Вайөдлісны весиг бокусь — Маджаысь, да нинөм жө эз артмы. Миян батыным, Никөн Ольөксан Степан, во кык-ө-куим преда-ліс жө. Сюсь вежөра, авъя морт, но аддзө, мый оз артмы өтувъя уджыс, да ветеринаркөд вина гаглы сетчисны. Медбөрын мыжтөг аддзис нэм помсө Ухта гөгөрсә лагерын, нелямын квайт арөсөн.

Война медбөргя воө ме помалі сизимөд класс да муні велөдчыны. Парчегкөд янсали. Мамнымөс недыр мысти «мобилизуй-төмаөсь» карө — кыскасьны «Комистройлы». А медся тшыг, 1946 воө парчегса керканымөс вежим мөс былө — мездисим тшыгла кулөмысь. Чужанінө сэсся эг воывлөй, но сэтчөс олөм йылысь төдім. Председательяс водзө пө вежласьөны, а төлк абу. Коді кыдзи слөймө, сідзи и зільө пышйыны карө ли мукөдлаө. Деревняса туйяс сэтчөдз жуглөмаөсь тракторьясөн, подөн пө вуджны он вермы...

1953 вося арын, армияысь бергөдчөм бөрын, менө мөдөдісны уджавны Вильгортө, партия райкомса инструкторөн. Во кык-куимөн водджык таөдз посни колхозьяс өтувтәлісны. Зеленеч сиктсөвет улын воддза вит овмөс пыдди лоөма сөмын кык. Мыйкө дыра мысти кывсис, мый өтувтөм Клим Ворошилов колхозын бөрийөмаөсь выль, том председательөс — Борис Васильевич Павловөс (Опонь Сашө Борисөн шулісны, мам нимсянныс). Ичөтджык вокускөд, Вячеславкөд, ми велөдчылім Щельяюрса речнөй техникумын.

Өнөдз кута вежөрын татшөм казгытылөм, Зеленечын велөдчан кадысь на. 1943 вося февраль, сөмын на лөнис миян ыджыд вермөмөн Сталинградса кось. Сизимөд да квайтөд класса кымынкө велөдчысьсө миянөс примитисны комсомолө (ме сэк дас куим арөса на вөлі). Подөн, кык войколөн, тшыгөн кайлім Вильгортө комсомольскөй билетясла. Вир тшыгөсь, а нимкодьным! Борис Павлов велөдчис сэк карын кооперативнөй техникумын. Вячеслав чуйдіс ветлыны вок дорас — ошйысьыштам пө. Борис ёртъясыскөд оліс кык судта общежитиеын Орджоникидзе улича вылын (керкаыс и өні сулалө). Пыралім, ошйысьыштім комсомольскөй билетясөн — кооптехникумсаяс вөліны ми серти ар кык-куимөн ыджыдджыкось, но абу на комсомолынось. Завидьтисны весиг. А ми сэсса прысьтйим гортөдз — нелямын верст.

Ме юалі Вечалысь, мыйла Борис пырөма кооптехникумө, бухгалтерө велөдчө? Көсийс пө эськө лётчикө велөдчыны, да бать понда некытчө эз босытны. А тан, кооптехникумас, велөдөны эвакуацияө вайөм Карело-Финскөй университетса профессоряс. Техникум помалысьяссө көсийөны мөдөдны уджавны фашистьяс улысь мездөм районъясө — матөджык фронтлань. Тайө пө и ышөдіс вокөс.

Председатель

Райкомса уджалан мог менам йитчыліс Час—Палькөд. Парчегө эг воывлы, но кывсис, мый сэн унатор пондөма вежсьыны. Сэки, партия ЦК сентябрь төлысья (1953 во) Пленум бөрын, сиктъяс өдйө пондісны ловзьыны. Том йөз воалісны, сир дука выль срубьяс тыдовтчалісны.

Борис Павлов босытчөма туйясьянь, бокисянь отсөгтөг, колхоз вынтьясөн. Колө жө!

1954 онас өти гожся лунө Вильгортын менө чукөстліс адзөдчывны Парчегысь петөм ыджыд чина морт — Дмитрий Афанасьевич Фальшин. Служитіс сэк сійө республикаса МВД-ын министрөс вежысьөн, полковник. Вильгортө локтөма аслас ку-тшөмкө могъясөн. Дыр сёрнитім. Зэв ёна корис, мед ме... лэчча Парчегө да босытча уджавны өтвылысь Б.В.Павловкөд, колхозса председателёс вежысьөн. Сёрниыс, чайта, вөлі Борис корөм серти. Д.А.Фальшин лолі сылы чожөн — мамыслөн вок. Дмитрий Афанасьевич төдіс, дерт, мый Парчегын миян нинөм и некод нин абу. Овны көнкө йөз ордын? Дай артмас-ө меысь мыйкө? Откажитчи. Мем нөшта колі на и велөдчыны...

Клим Ворошилов колхозса председателён Б.В.Павлов уджаліс вит во. Сійөс бөрийтөдз, 1953 вося удж серти, быд трудовень вылө колхозникъяслы юклөмаөсь сө граммөн нянь да квайт урөн сьөм. Вит во мысти нянь юклөмаөсь килограммөн, сьөм — дас шайтөн. Нөшта өти лыдпас. Артавлөмаөсь бурөн, быд сө мөс вылө кө овмөсын чужас да кольө дзоньвидзайн сизимдас либө муртса унджык кукань. Парчег колхозын 1958 воө быд сө мөс вылө воөма... сёысь унджык кукань!

Быдөнлы гөгөрвоана, сідз-тадз ставыс тайө эз шед. Деревня вөлі битөм, пемыд. Том председателён водзмөстчөмөн нюжөдісны Парчегөдз кызь верст кузья электролиния — Слөбөдаса кылөдчан рейдсянь. Лоис электричество — мөс картаясын дугдісны лысьтысьны ки помысь. Лөсьөдісны ас мельница — скөтлы вына көрым

дасъты мыйта колö, и колхозникъяслы оз ков кыссыны изöдчыны Сидбарö да мукöдлаö, дас-кызь верст сайö.

Парчегын мöдлапöвса уна видз вöвлö турунтöм. Борис Васильевич кужöма сёрнитчыны карса авиаторъяскöд, медем Ан-2 самолётъяссянь вынсöдны видзьяссö, а гербицидъясөн бырöдны видзкостса бадьяс да расьяс. Татшöмторйыс Сыктывдін районын вöлi медводдзаöн на. Парчегса председатель выlö видзöдöмөн ыштiс самолётъяссянь вынсöдны видзьяс Слудаысь М.Горький колхозса председатель Г.В.Цывунин. Кыкнан овмöсас зэв дöвöльöсь колны вöчöмторнас. Тöв кежлö турун тöдчымөн содiс.

Б.В.Павловöн нöшта öти водзмöстчöм. Колхозын МТС-са став техника да найöс уджöдысьяс вылын ыджыднас вöлi бригадир-механик. И сийö уджöдлiс техникасö МТС-сянь индöдьяс, а эз колхозлы колöм серти. Парчегса председатель шуö, мый бригадир-механикнас колö лоны колхозса предлы, мед техникаыс уджалiс эз гөрöм гектар лыд выlö, а кызди колöджык да бурджык колхозлы. И Борис Васильевич шедöдiс тайöс: бригадир-механикөн индiсны асьсö председательöс. Öткымын мукöд овмöсын вöчисны сэсса тадз жö.

Борисöс челядьдырсянь кыскыліс спортö: тэрыба котралiс лызöн, футболöн бура ворсiс. Армияын сизим во служитигас унджык кадыс и выныс сылөн мунöма буретш частьлысь да соединениелысь спортивной честьсö дорйöм выlö жö. Спорт радейтöмыс ёна отсалiс и колхозын — том йöз гартчöмөн гартчисны председатель гөгöр. Сыктывдін районын некутшöм спортивной ордйысьöм эз мунлы парчегсатөг. Да и ачыс Борис Васильевич век вöлi накöд. А кöнi томулов — сэнi гаж, кыпыдлун, уджавсьö кокниджыка да сёлöмсянджык.

И 1958 вося уджъяс мурталöм серти (нянь, картофель да пуктас урожайяс, йöв лысьтöм, начкан скötöс быдтöм) Клим Ворошилов Парчегса колхоз лои Сыктывдiнын медводзын мунысь овмöсөн!

А вот чина войтырöс Б.В.Павловкöд паныдасылгьясö кезйöдлiс: нем вежавидзтөг любöйлы синмас крапкö-шуö ставсö, мый думайтö, веськыда, кежлавтөг. Этатшöм асыра, кывзысьтöм! Унаöн виччисны, кор нин мездысясны парчегса председательсь.

Верма содтыны (кöнкö тайöс пасйылі нин), овмöсөн татшöм водзмöстчысь юралысьöс Парчегын эз тöдлыны и оз помнитны. Сийö вит восö, мый дыра Б.В.Павлов уджалiс Клим Ворошилов колхозса председательөн, парчегса öнöдз казтылöны шуда кадөн.

Ог вермы кольны пасйтөг: чожыслөн, Д.А.Фальшинлөн, тан эм жö пай. Сы водзмöстчöмөн МВД-са котыр босьтiс Клим Ворошилов колхозöс аслас отсөг улö. А сэн öд служитö крепыд, дисциплина пыдди пуктысь войтыр. Водз тулысьянь сёр арöдз «шефъяс» сосъяс пуджöмөн мырсисны и муяс вылын, и кöрым заптанiнын. И туйяс вöчигөн, би нюжöдiгөн ёна отсасисны.

1957 воö карбердса, выльгортса колхозъяс да Сыктывкарса МТС подув вылын котыртчис «Сыктывкарскöй» совхоз. Во-мöд мысти совхоз ырыштчис паськöдчыны — Лöзым—Паджгалань, Зеленеч—Парчеглань. Республикаса Энциклопедияын (коймöд юкөн) пасйöма, мый совхоз босьтiс ас улас экономика боксянь коньортчöм колхозъяс. Тайö абу сöдз. Парчегсаöс совхозö вуджöм йылысь чукöртлöмаöсь куимысь. Куим рыт водзсасьöмаöсь — оз кöсийны вуджны совхозö, и ставыс! Бурысь пö мöд буртö оз корсылыны. Вуджöмаöсь сэсса сöмын сы ради, мый олöмаяслы кутас локны государствосянь пенсия, колхозын уджалöм вояссö арталöмөн.

Тадзи 1959 во пансигён вёвлём Клим Ворошилов колхоз лои «Сыктывкарской» совхозлөн юкөнён, а Б.В.Павлов — сэтчос веськөдлысьон (управляющей). Но недыр кезлө — сёлёмнас кыліс, мый колө велөдчыны. И збыльмөдіс көсйөмсө.

Кузь туйяс

Өні буретш лоё бергөдчывны бөрлань, медем вежөртны, кысянь да кызди быдмө морт. Б.В.Павлов висьтасьö ас йывсьыс тадзи:

— Мам, Александра Афанасьевна (нывдырся овыс — Фальшина), чужлөма Парчегын 1896 воö. Вёлөмаось квайт чой да öти вок. Пöльным, Микул Опонь, чорыд, стрөг морт, зумыда кутлөма овмөссö, но сёкыд уджысь ветымын кык арөсөн кувсьылөма. Мамлы ковмөма велөдны ичөтджык чойяссö, весиг и Москваын олөмөн да уджалөмөн. А сэсся воөма бөр гортö, и 1925 воö пырөма велөдчыны Усть-Сысольскса совпартшколаö. Сэні и аддзысьöма батькөд — Василий Александрович Павловкөд. Сійö вöлі роч, Сереговысь.

Кык во мысти помаласны школасö, а совпартшкола бöрын позьöма уджавны начальной классъясса велөдысьон. И найö мөдöчöмаось войвывлань. Тайö кузь туяс мам и чужтöма менö. Төвйöмаось сэсся Печора бердса Песчанка сиктын. Уна во мысти, кооптехникумын велөдчан кадся практика дырйи, ме волі Песчанкаас да төдмасьлі олөма нывбабакөд, коді видзлөма менö кагаөн на...

А водзö Павлов семьяös виччысисны кузь туйяс. Мөд гожөмнас ичөт кагаөн воөдчасны найö Обдорскөдз (өнія Салехард), а сэсянь нин Ямал вывса Щучье факторияөдз. Василий Александрович служитö сэн куяс босьтысьон, Александра Афанасьевна — сикт-сöветын служитысьон. Кыкнанныс велөдöны и факторияö чукөртөм челядьös. Щучьеын чужис налөн нöшта öти пи — Вячеслав. А Борис помнитыштö нин мыйсюрö сійö кадсьыс. Öтчыд, висьталö, мам пыртис пö мездор тырыс кын чери. И сюяліс сэсся... ломтысян пачö — пес пыдди, вöрыс öд Ямалад абу. Мөдысь, шуö, видзöда öшиньöд, кызди кыньяс локтöны помöй кисьталанінö да ном-сасьöны. Кодкö кө повзöдлас, недыр кезлө пышйыласны, а сэсся бара нин помöй дорынöсь. Нöшта öти серпас йиджöма вежөрас. Локтöма тундраысь яран, пырöма на ордö куяс инавны батыслы. Синсö тупкөма кепысьяснас — нинөм оз аддзы, сэтчөдз ёрöма кузь туяс шонді югөр улын дзирдалысь лымйыс.

Щучьеын некымын во олөм бöрын Павловъяс бара петасны туйö. Каясны пароходөн Обь юті Васюган ю вомөдз. Сэн Каргасок райцентр (Томской область). Павлов гозъя медасясны велөдысьасөн Ноунак деревняö, Васюган ю кузя витсё верстөн вылөджык. Некутшöм туй абу. Ветлöны сöмын геологъяс. Найö и нуасны Павловъясös ноунакса чери кыйысьяс колхозöдз. Рөштшөтсö колхозникъяслы сетöны пö чериөн жö. Кытчö он пыр, казтылö Борис Васильевич, гөгөр чери. Быдөнлөн аслас чери тшынөдан, косьтан. Мөд сёян — сус пу öрек. Веськыда ю дорас лөсьöдалөмаось öрек жаританінъяс, сэн жö вөчöны чери вый да кос чери пызь.

— Вот сэні и олём ми,— казтылö Борис Васильевич.— Миян бөрся видзөдіс няня, а бать да мам велөдісны школаын. Но тадз эз дыр кыссы. Комын витөд воö батынымös пуксьөдісны. Көнкö мыйкö лишнöй шуöма. Сетісны вит во да нуисны Магаданö. Сэн

сійö пукалöма öтлаын нималана артист Георгий Жженовкöд. А ми мöд онас локтiм Комиö, Парчегö, мам чужанiнö. Медводдзаысь кылiм коми сёрни... Недыр мысти куим вок (Вячеславысь öтдор нöшта Юра, чужлi 1932 воö Ноунакын) лоим дзик комиöсь...

...Павловъяс олісны Шордорын, Опонь пöль керкаас. Гожöмъяснас ми тшöкыда ворслiм найö йöрын. Торъя нин сэк, кор воліс карысь Павловъяслөн воча вокыс — Алик. Пыр и кывсяс вöлі: Алик воöма. И тöдiм, мый сійö кутшöмкö виль ворсöм мöвпыштас. Сiдз и артмыліс. Öнi Аликлөн нимыс бура тöдса Комиын — Альберт Федорович Сюткин уна во уджавліс партия обкомса секретарөн, республика Верховнöй Сöвет Президиумса председателён. А войнаöдз миянлы вöвлi прöстö Аликлөн, ворсöмъяс котыртысьөн.

Павловъяс батлысь Парчегö воöмсö ме помнита. Лои тайö нелямынöд воын. Василий Александрович мыйкö дыра велöдіс школаын. А гашкö, вежлывліс висьмöм учительясöс. Коймöд классын велöдчигөн ме пукавлi жö сы урокъяс вылын. А ми öд эг тöдлöй сэки, мый виль учительным став светсö нин кытшовтöма. Магаданын пукалігас веськавлöма весиг Японияö. Но «войтыр враглы» учителявны эз позь. Пырöма сэсса уджавны Слöбöдаса кылöдчан рейдö, стöрöжөн-ö мый-ö. А нелямын нельöд воö Д.А.Фальшин, НКВД-ын служитысь, тшöктöма чойыслы юксьыны В.А.Павловкöд — ме пö ог кöйы сы понда тшыкöдны ассным водзö кыптöмöс. Юксьöм бöрас В.А.Павлов мунöма Парчегысь кытчöкö шöр Россияö, виль семья лöсьöдлöма. Пияныс оз весиг тöдны, көн суöма батсьö олöм помыс.

Борис помалöма кооптехникумсö буретш сійö жö нелямын нельöд воас. Со öд кызди артмылö! Диплом сетöм бöрас техникум помалысьяссö мöдöдöмаöсь арöдз уджавны Макасовскаска пуръясянiнö. Борисöс индöмаöсь бригадирөн. Уджъяс эштöм бöрас сылы сетöмаöсь республикаса медбур кылöдчысь ним, наградитöмаöсь Коми АССР Верховнöй Сöвет Президиумлөн Почёт грамотаён. Кырымалöма сійöс Президиумса медводдза председатель Г.В.Ветошкин. Тайö грамотасьыс Борис Васильевичлы öнi сетöны весиг пенсия дорас содтöд сьöм. И сійö жö нелямын нельöд воас, төв пуксигөн, Борисöс босьтiсны армияö. Найö, 1927 воö чужысьяс, служитiсны армияын сизим во. Менö босьтiсны армияö 1950 воö, и сöмын сы бöрын, во мысти на, война кадся медбöръя призывөн босьтöмъясöс лэдзисны гортаныс.

Колхозса председательöдз туйыс Борис Васильевичлөн вöлі кузь. Армия бöрас сійö абу гортас локтöма, а мунöма Херсон карö да пырöма уджавны саридзтi ветлысь корабляс стрöитан заводö. Гашкö, и öнöдз оліс сэн, быдмис паськыда нималысь корабелöдз, эз кö су неминуча. Станок дорын уджалігас Борислы синъясас веськалöма кöрт стружки. Тöлысь бурдöдчöма госпитальын, но заводуын водзö уджавны эз позь. И локтöма гортас. А локтöмөн тшöтш вöййöмаöсь уджавны öтувтöм нин колхозса председателён. «Ме абу паныд, — вочавидзас деревняса олысьяслы да районас чина войтырлы, — но колö велöдчыштны. Ме жö немтор ог гөгөрво видз-му вöдитöмас да колхозын удж котыртöмас». И сійö жö ветымын öтиöд во помлань Б.В.Павловöс мöдöдасны велöдчыны Улыс Човса видз-му школаö, кöнi дасьтiсны колхозса председателясöс да бригадиръясöс. Шöр образованиеа нин да, босьтасны мöд курсö. Кык во мысти Борис Васильевич помалас велöдчöмсö, и пыр жö бöръясны сійöс Клим Ворошилов колхозса

председательон. Кутшөма да кыдзи котыртис колхозса уджсö, мый шедöдисны парчегса сы веськöдлöм улын, водзын пасйöма нин.

Студент

Борис Павлов некор эз эновтлы водзö велöдчöм йылысь мöвп. 1959 воö, колхоз пыдди совхоз юкөн лöсьöдöм бöрын, вöзйысис мунны Кировса видз-му овмöс институтö. Дыр эз лэдзны. Но морт сийö чорыд öбичаа, абу сетчысь, да быть ковмöма лэдзны. Локтис Сыктывкарö, комиссия водзö, көнi видлалисны институтö кокньöдöмөн пырысьяслысь документъяс. А сэнi ставыс карса да районса чина йöзлөн ныв-пиян! «Ме налы абу пара,— шуас аслыс.— Верма кокньöдтöг пырны любöй институтö. Ог кут янöдны ачимöс этаянкöд». И корас бөр документъяссö. Лэччылас недыр кежлö гортас, а сэсся лэбас самолётон Ростов-на-Дону карö. Август öкмысöд лунö локтас видз-му вöдитан машинаяс вöчан институтö. Пырас институтö примитан комиссияса председатель Баталов дорö да мыччас документъяссö, велöдчыны пыран шыöдчöм.

— Том морт, кысь тэ татшöмыс усин. Тöрыт ми нуöдiм институтö пырысьяслы медбöръя экзамен. Талунсянь комиссия оз нин уджав, ставнысö лэдзалим.

— Но ме көсья велöдчыны. И дась став экзаменсö сдайтны öти лунөн. Локтi ыли войвывсянь, муртса эг көръясөн,— ылöдлыштитс Борис.— Зэв кора чукöртлыны комиссияса ёртъяссö...

— Да-а, ме, видзöда да, тэ кодыдкöд он гажтöмтчы. Асныра!..

Чукöртасны сэсся кымынкö преподавательöс, веськыда ректор уджалан вежöсас. Сетасны дас вит юалöм. Дас кык вылас вочавидзас зэв бура.

— Тырмас,— кывкöрталас ректорыс.— Аскисянь, том морт, лыдды асьтö студентөн. Шыöдчыв канцелярияö, мед сетасны места общежитиеысь...

Институтын велöдчöмыс вöли зэв ас нога. Студентъяс велöдчисны и уджалисны. Медводдза онас уджалисны «Красный Аксай» заводын, быд лун нель час, а сэсся квайт час велöдчисны институтын. Борисöс, кыдзи ыджыдджык арлыда нин мортöс да нöшта коммунистöс, индiсны общежитиеса воспитательон. Мынтисны неуна уджон, сыысь öтдор босьтис содтöда стипендия. Овнысьöм тырмис. Мукöд вояснас каникул чöж уджöдисны колхоз-совхозын, нуöдисны видз-му вöдитан выль техника видлалан уджъяс, арталисны машинаяслысь позянлунъяссö. Öти гожöм уджалисны странаын медся ыджыд «Гигант» совхозын. Директорыслөн, висьталö Борис Васильевич, вöли пö весиг аслас самолёт. Практика ылö воём студентъяслы сетисны гöрд «Москвич», мед сийөн кытшлавыны помтöм-дортöм көдза эрдъяссö да видзöдны техника уджöдöм бöрся. Öтилаысь найö казялисны, мый кыксё кымын гектар шобдi вундöма, а куйлö варттöг. Юöртисны директорлы. Сийö скöрмас весиг. Пыр жö мөдöдас некымын комбайн, мед öдйö вартасны лёддзын куйлысь шобдисö. А студентъяслы премия вичмас.

Нöшта öти гожöм Б.Павловлы ковмис колявны сылы тöдса нин Херсонын. Нянь идралан выль комбайн лöсьöдöмысь вöзйöмаöсь сетны Ленинскöй премия. А институтын лыддисны, мый машинаыс оз сулав татшöм ылö донгьялöмсö. Мыйла? Сийö пö эськö вундö и вартö няньсö, но öттшöтш и көдзö. Мөд ногөн кө, вывти

уна вошö няньыс идралігас. Тадз ног выль машина донъялöмысь студентъясöс эз босътны практика вылö комбайн вöчан заводö да сэнi нүдны практикасö.

Институт Б.В.Павлов помаліс вит медся бура велöдчысь лыдын. Мөдöдісны уджавны Арзамасö, запчастьяс вöчан заводö пö. А сэн вöлöма збыль вылас атомной производство. Борис öткажитчас сэн уджавны, локтас Комиö.

Директор

Чужан муö воöm бöрын мөдöдасны уджавны главной инженерөн «Железнодорожной» совхозö. «Бур,— вочавидзас видз-му овмöс министрлы.— Көть öти во уджала велöдчöм специальность серти. Тöда öд, бара на кытчöкö тойыштанныд...»

Босътчас уджö. Во джынийөн лöсьöдас сэтшöм мастерской, мый вылö завидътöны быд овмöсын. Выхь уджыс вöлі сьöлöм серти, совхозса директоркöд — ладынöсь.

Воас öтчыд «Железнодорожной» совхозö сійö жö министрыс, Г.Н.Кузнецов. И корö Борис Васильевичöс, кодкöд вöліны важысянь бур тöдсаяс, мунны Удораö, «Косланской» совхозса директорөн.

«Мый и вöчны?— казыхьлö Б.В.Павлов.— Министр корö, тьöща да гöтыр Удораысьöсь, бара жö корöны.— Но сетöй, мися, позянлун көть öти во уджавны тані.— «Ладнö,— шуас Григорий Николаевич,— уджышт инöсь». Но тöлысь мысти бара корö мунны. Директорыс, райкомса вöвлöм секретарь, дзикöдз пö юсьöма да эновтöма овмöссö, колö, шуö, вежны. Но мый сэсся, тьöща да гöтыр корöны жö. Пуксим машинаö и мөдöдчим».

Паныдасясны недыр мысти нималысь овмöсөн веськöдлысьяс — И.А.Триандафилов («Гамской»), В.П.Пийр («Сыктывкарской»), Г.А.Михайлов («Сторожевской»), нöшта кодсюрö. «Но, ёртьяс,— шуö налы Б.В.Павлов,— виччысьöй. Куим во мысти «Косланской» паньяс тiянысь овмöсьястö». Öз эскыны, сераласны сöмын.

А кутшöмön вöлі сэкся «Косланской» совхоз? Öтар помсянь мөдарöдз — куимсё верст. Юклöма öкмыс пельö. Некытчö некутшöм туй абу. Медматисса көрт туй станцияöдз — сё дас верст. А ветлыны сэтчöдз позис сöмын тöвся туйöд.

«Видзöдлі,— шуö Борис Васильевич,— тракторьяс вылö. Этша, оз тырмы. Шыаси «Сельхозтехникаö». Бур, тöдсаöсь вöлім ставным. Сетісны содтöд тракторьяс, му-видз вöдитан машинаяс, прицепахь, пилорама. Кыдзкö вайим ставсö Косланöдз. Лöсьöдім сэсся посныдик катерьяс, нёбим геологьяслысь десантной баржа. Овмöс ловзис, пондіс сувтны кок йылö...»

Помасьö 1968 во. Б.В.Павлов воас Сыктывкарö, видз-му овмöс министерствоö. Сэтчöс экономист В.В.Терентьев ордыс адзö кабалаяс. Найöс дасьтöмаöсь Москваö ыстöм могысь, медым сетасны вося уджысь знамаяс да премияс водзын мунысь овмöсьяслы. Кутшöм на лыдын? «Сыктывкарской», «Гамской», «Сторожевской»...

— А миян овмöс йылысь мыйла вунöдінныд?— юалö Борис Васильевич.

— А мый тiян эм сэтшöмыс, медым знамя либö премия вылö ырыштчыны?

— Ставыс эм. Быд боксянь «Косланской» водзынджык тайöяс

серти. Вай вöчам тадзи. Талун пекнича. Москваö тi лэбзянныд выльлунö. Сэк кeжлö ме вая став колана кабалаяс, мед найö тшöтш мунасны Москваö.

— Сёрнитчим.

Б.В.Павлов лэбзьö Косланö, сувтöдö кок вылö став отсасысьяссö. И найö öти лунöн арталöны да дасьтöны вося удж йылысь бура подулалöм документъяс. Выльлун асылö директор бөр лэбö Сык-тивкарö, и «Косланскöй» совхозлөн бумагаяс тшöтш веськалöны папкаö, кодöс В.В.Терентьев нуö Москваö.

Россияса видз-му овмöс министерствоон да профсоюз ЦК-лөн шуöмыс лои шемöсмöданаон: «Вуджалысь Гёрд Знамя» да медводдза премия вичмö «Косланскöй» совхозлы, мöд тшупöдын — «Сык-тивкарскöй», коймöдын — «Гамскöй» совхоз. Республикаса чина войтырлы татшöм кывкöртöдыс артмис дзик виччысьтöмторйöн.

А ме, шуö Борис Васильевич, тöдi, мый тадзи лоас. Збыльмöдi ассым кывйöс, кор куим во сайын шулi нималысь директоръяслы, мый панъям налысь овмöсьяссö.

Буретш сiйö, 1968 вося тулыснас телевидениеса кинооператор В.Домбровскийкöд ми ветлiм Удораса сикт-грездъясö. Вöли ытва, Мозын, Вашка, посниджык юяс ойдöмаöсь, гöрисны-кöдзисны ыбъяс вылын, скöт ветлiс нин ывлаын. «Косланскöй» совхозса войтыркöд аддзысьлöмъяссö миянлы котыртiсны Б.В.Павлов да овмöсысь парткомса секретарь Лукина. Öтвылысь накöд лэбзылим самолётон Пыссаö, а сэсянь нин мотора пыжөн катлим Сiсьтыдiн (Патраково) да Пöлянин (Политово) грездъясö. Пöлянинын аддзысьлим мöс лысьтысь нималана А.Ф.Логиновакöд. Во-мöд сайын пасйöмаöсь сiйöс Трудöвöй Краснöй Знамя ордөнöн. Анна Федоровна пукöдiс ставнымöс пöсь самöвар дорын, чöсмöдiс рыска шаньгаон, удораса ёсөн, кодöс колö чунявны няньöн. Неылын гортсянныс Мозын дорас мöс стадаыс ветлiс. Мича, гырысь пемöсьяс. А миянлы нимкодъ вöли аддзыны, кутшöма пыдди пуктöны öта-мöдсö овмöсөн юралысьяс да му-видз вöдитысьяс, скöт дорын уджалысьяс.

Сiсьтыдiнын мужикъяс тшуписны куканьяслы ыджыд выль карта. Кыпыда лалавсис сэн пожöм сир кöра сöстöм сынöднас. И бара пансис öта-мöдöс зэв гöгөрвоана сёрни. Тадз жö артмис и пыссаса скöт видзысьяскöд да механизаторъяскöд паныдасьлiгөн.

Косланын ме волi Борис Васильевич ордö гортас. Гöтырыс, Маша, нöбасис нельöд кагаон. Бать виччысис пиöс, а мам (кывсис сэсся) чужтöма сылы нельöд нылöс. Пукыштим пызан сайын. Борис Васильевич мудзöма — ветлöма луннас Селöгвожö, кызь верст сайö. Сэтчöдз сэк воöма нин Микуньянь нюжöдан кöрт туй. Совхозлы локтöма комбикорм вагон, колi пö сiйöс ректыны, меститны кöрымсö...

А Гёрд Знамянас тешкодъ артмöма. Вайöмаöсь сiйöс Косланö да гусьонмоз сувтöдöмаöсь овмöсса директор вежöс пельöсö. Чина войтырыд яндысьöма чукöртлыны йöзсö. Но, медводдза места — эм медводдза. Тайöс он дзеб. Совхозса зiль да водзмöстчысь уна уджалысьяслы вичмис премия, козин. А Удораса райпотребсоюзö воöма «Волга» автомашинa. Сiйöс пö урчитöма вузавны Б.В.Павловлы. А сэк татшöмторйыд вöли дивöон, «Волга» машинатö эз быдöнлы вузавлыны.

Удораын, казътылö Борис Васильевич, сэк некөн на вöли «Волгаон» ризйöдлыны, да ме сетi сiйöс Юрий воклы, Парчегö. Юра и кисьтiс машинасö...

Сизимдасөд воё помасис нёшта өти пятилетка. Сэк тайё сідз-тадз эз кольлы. Газетъясын петавліс наградаяс йылысь Указ бёрся Указ. Б.В.Павловөс сійё вит вося уджсьыс наградитісны Трудовй Краснй Знамя орденн.

«Косланскй» совхозн Борис Васильевич веськөдліс дас во. Кузь киа, дыш да юмө сетчөм йөзкөд тышкасис нем жалиттөг. Водзмөстчысь, веськыд, некутшөм чиналы оз лебезит, оз коп-рась. Мозын пөлонса сикт-грездын өнөдз казтылөны сійё дас восө, кор овмөсөн веськөдліс Борис Васильевич, арталөны кыпыд кадөн.

Совхозысь мунөм бөрын Б.В.Павлов некымын во уджаліс нефтебазаса директорөн, веськөдліс райсельхозтехникаөн, а сэс-ся вөлі егерөн — видзис горш войтырысь вөрса пемөс да зверь-пөтка. Удораса вөралысьяс бура төдөны сійөс, лыддьөны сюсь вөралысьөн. А пенсия вылө петтөдзыс нель во, 1987 воөдз, квай-тымын арөсөдз, уджаліс главнй инженерөн Удораса РАПО-ын (районса агропромышленнй объединение).

Көкъямысдасөд вояс пуксигөн паныдаси ме кызкө Борис Ва-сильевичкөд Сыктывкарса шөр площадь вылын. Пөльөн шуысь детинкакөд вөліны. Кутшөм мог, мися, суис? Тэрмасям, шуө, аэропортө, Болгарияө лэбзям. Удораын болгаръяс уджалігөн өти ныв сылөн петөма верөс сайө болгарин сайө да мунөмаөсь сэтчө овны.

Таво Борис Васильевич дыркодь куйліс Сыктывкарса боль-ничаын, операция вөчисны. Больницаас куйлігөн и петөм бөрас аддзысьлім. Майшась: көсий пө март төлысьын ветлыны гөститны ныв ордө Германияө, да этійө мустөм висьөмыс суис. Ме юалөмөн моз видзөда сы вылө. Гөгөрвоис да висьталіс: мөд ныв налөн петө-ма немеч сайө да мунөмаөсь овны Германияө. А коймөд ныв пө украинец сайө петіс. Курыд шмонь артмис: со, мися, тадзи и бырөдам ассьыным вужвойтырөс, бать-мамлысь, пөль-пөчлысь сёрнисө...

А водзө мый?

Кыз кадсө Павлов гозъя олөны өні Латьюгаын, гөтыр чужан грездас. Кык мөс, буракө, видзөны, баляяс. Картопель да пуктасъяс вөдитөны. Сюсь вежөра да зіль йөз кызкө бергөдчөны на өнія олөмас. Колян во Борис Васильевич сёрнитчылөма морт даскөд өтувтчыны кооперативө, шыөдчөмаөсь Пысса сиктса админи-страцияө, мед регистрируйтасны өтувъя овмөссө. Но кутшөмкө помка вөсна өткажитөмаөсь. Борис Васильевич шуө, мем пө яндзим өні деревняса олысьясысь, артмө, мый пөрийөдлі йөзсө. Но морт сійө сэтшөм, мый аслас мөвпысь оз эновтчы. Парчег чужан де-ревнянымөс пө кисьтөмаөсь, Латьюга кисьтны ог лэдз.

Латьюга бригадаын совхоз дырйи кутөмаөсь нель трактор. «Прихватизация» нуөдігөн пондылөмаөсь мырддьыны, асавны трак-торъяссө овмөсса служакъяс. Б.В. Павлов абу лэдзөма нуны ни өти трактор. Найө пө и водзө кутасны уджавны Латьюгаса му-видз вылын. Тадзи жө и пилорама коли, вөрзьөдтөг, асавтөг.

Біджыд нелючкиөн арталө Б.В.Павлов, мый сиктса уджалысьяс өнөдз на видз-му пайтөмөсь, көть эськө найөс колі юклыны вит во сайын нин. Та вөсна олөма йөз, пенсионеръяс оз вермыны сетны ассьыныс пайсө көртымөн кодлыкө мукөдлы. А таысь өд

налы мыйкӧ и вичмыштас, кутшӧмкӧ дон, ичӧтик пенсия дорас содтӧд.

Позьӧ, Б.В.Павлов серти, аддзыны ӧнӧя сиктса олӧмас татшӧм петан туй. Ӧтувтӧны куим-нӧль овмӧс. Кыкӧн кутӧны да видзӧны мӧсьяс, коймӧд кутӧ вӧв (ӧтиӧс ли кыкӧс), нӧльӧд олысьыслӧн — трактор. Кодъяс видзӧны мӧсьяссӧ, могмӧдӧны нӧльнан овмӧс-сӧ йӧлӧн. Трактор быд удж былӧ оз ков. И сийӧ, кодӧ кутӧ вӧв, могмӧдӧ ставнысӧ вӧла уджӧн, нӧльӧдыс тракторнас нуӧдӧ сьӧ-кыдджык, гырысджык уджъяс. Зӧв бура позьӧ бергӧдчыны. Овны ковмас, дерт, лышкыдасьтӧг, видзтӧмӧн.

— А мый былӧ нӧбны кӧм-паськӧм, чай-сакар да мукӧд сз-тшӧмтор? Уналаӧ ӧд сьӧмыд колӧ.

— Эм пилорама. Орчӧн вӧр. Босьтны дялянка, пӧрӧдчыны, тьӧс либӧ брус пилитны да вузавны. Нӧшта. Олысьяссӧ колӧ могмӧдны пескӧн, а быд керкаӧ во гӧгӧр бергӧдчыны колӧ кызь вит кубометр пес. Ӧти кубометрсӧ ӧнӧ арталӧны ветымын шайтаӧн. Мый, ог вермӧй котыртны татшӧм уджсӧ? Со тӧныд и сьӧм...

Латьюга кодъ неыджыд грездъясын олӧм ӧнӧ, дерт, шуштӧм. Латьюгаын лун и вой шӧйтӧны комын-нелямын арӧса дас гӧгӧр мужик. Джынйыс пукавлӧма нин. Мый шедӧ, сийӧс и сӧтӧны-гусляӧны. Пуксьӧдласны кӧ, бӧр петӧны да водзӧ нуӧдӧны татшӧм олӧмсӧ. Колӧ налы удж, мед эськӧ вермисны честнӧя перйыны кынӧмпӧтсӧ, морт нога олан туй былӧ петны. Буретш кооперативӧ ӧтувтӧм овмӧсьяс и вермасны уджӧдны татшӧм лӧдзчысьӧм вой-тырсӧ. Ас кежсьыныс найӧ нинӧм былӧ оз туйны, нинӧм вӧчны оз сяммыны. Ог кӧ аддзӧй татшӧм йӧзыслы удж, наысь збыль артмасны бандитъяс.

Миян бура позьӧ вӧдитны картофель, пуктыны унджык турун. Татшӧм уджъяс вылын и уджӧдны. Ӧти кывйӧн, быд сикт-грездын колӧ морт-мӧд водзмӧстчысь. На сайын аския луныс...

□ □ □



Иван НОГИЕВ (Парма Вань)

Пөкмелля

МИКИТ ВАСЬЛӨН талун асывсяньыс жувгис-висис юрыс пөкмелляысь. Сөмын сійө, код вывтi мунліс татшөм ускөттьөйс, гөгөрвоас тайö майшасьөмсö.

Туплясьö Вась крөвать вылын да ружтö, надейтчö, мый дона гөтырыс сялькнитыштас көть нин кока румкаö.

— Мусаöй менам, Настукöй, шөвк тугйöй, видзöдлы, колөкö, көнкö одеколонтор либö дуки эмышт? Аминь ёна öд вися, дзик кула, он кö лечитышт. Ой, кула, кула...

Но Настаöс öнi, кызди водзынджык, он нин ылöд. Сійö тöдö, мый öти румка бöрын ковмас мöд, и ставыс лоö, кызди и тö-рыт — бара усъмöныс ырскас.

— На, Васюк, сук чай юышт, сійö лöсяласджык. Винаыд öд сөмын регыдик кежлö кокньöдлö.

— Оз ков!

— Öгурцы рөсовтö видлы.

— Мун сэтысь, аслад рөсовнад и ставнас!

— Но, сiдзкö, окышта лок?

— Окышт. Гашкö, восöдас...— видліс шмонитны Вась да пыр жö мынтысис таысь.

— А, тэ нöшта на и тшөкöлдывайтан! Ме жалита, а тэ!.. Тöрыт зато ёна жерьялін... Кымынысь шулі, мися, эн ставсö дучкы, коль аски кежлö. А тэ öд ён, нинöм пö меным оз ло. Шорас кö ва пыдди вина визувтiс, увлань юрөн эськö сэтчö и згинитiн! Тыр-мас червидзнытö! Чеччы да уджав!— Наста крапкис керка öдзöс-нас да петiс.

Вась нöшта недыр куйлыштiс, а сэсся чеччис, лэдзис коксö крөвать дорö да дыр пукаліс юрсö öшөдöмөн. Кузяөн сувтiс жö кок вылас. Быд вөрзёдчөм шедiс зэв сьöкыда: юрыс жувгö, вом пытшкөсас быттьö каньяс пакöститчöмаöсь, синмас вералö, ку-тшөмкö öшкамöшка рöма кытшгьяс бергалöны...

Сулыштiс недыр крөвать дорас кутчысьöмөн, мед оз усь. Во-часөн юрыс лөнныштiс, и Вась матыстчис пызан дорö, кытчö гө-тырыс лöсьöдліс рөсовсö, босьтiс да кузякодь юис, кытчöдз горшас эз тасась. Сэсся корсис паськөмсö, тöрытгья лунсö моз, да кыз-кö-мыйкö пасьтасис. Та бöрти петiс ывла ылö, пуксис кильчö пос помö да пестiс чигарка. Азыма кыскыштiс тшынсö. Быттьö кокньöдыштліс, но регыд кежлö. Öнi жö колö вöлі корсьны весь-көдчантор, сөмын кысь сійö сюрас? Лавкаын, дерт, джаджгьясыс тырöмаöсь быдсяма пöлөс водка да ликёрөн, но сьöмтöгыд он на босьт! Вель дыр гудыр синсö дувгöдöмөн Вась пукаліс да видзöдiс тувсовгья садьмысь ывла вылас, кодi талун ньöти эз гажöд.

— Час, петала Опонь дорö, друг да мездас кулөм-карöмысь,— мөвпыштiс Микит Вась да надзöникөн, мед омöльджыка нöйтчис вирыс юр сөнгьясас, мөдöдчис суседыслань, код ылö, колö шуны, пыр гусьөн лöгалiс. Пикö воёмнад тай ставсö лоö вунöдны.

Миш Опоньлөн кильчö öдзöсыс вöлі осьса. Вась тур-тар вö-

чыштіс куричас, виччысьштіс, оз-ө кодкө шыась. Но пытшкөс-сяньыс некоді эз вочавидз. Восьтіс өдзөссө, кызөктіс.

— Кодкө нө эм абу?

Горнича пельөсын джоджас пукаліс да ворсіс чачаясөн Опонь-лөн нель арөса нылыс — шабді кодь еджыд кудри юрсиа Катя.

— Папө карта сайын пес тэчө,— висьталіс сійө аканьсө ка-чайтігмоз.

— Да? А тэнө өтнадтө колисны? Мый нө вөчан? Абу гажтөм?— Вась сёрниөн ылөдліс нывкаөс, а ачыс сідзи и гызмаліс синнас керка пытшкөссө, думсьыс корсис, көні эськө Опонь видзө ас-курсө.— А кутшөм мича чачаясыд тэнад, Катюш! Коді нө ньөбалис?

— Мамук.

— Вай, мачнад ворсыштам,— босьтіс Вась чача көрөбысь мач да тюрөдіс джодж кузяыс.— Аттө, крөвать улад тай пырис. Час, ме судзөдчыла.

Гөрбыльтчис и аддзис, мый сэні мыйкө тупкыштөма рузум-торйөн. Малыштіс кинас... и сьөлөмыс долыда тіпнитіс — сэні вөлі куим литраа стеклө банка. Пытшкас тыдаліс гудыр ва кодь.

Тайө кадө посводзын кыліс кок шы. Микит Вась чепөсйис петны, клёнгысис балябөжнас крөвать дорө, но удитіс вешйыны өдзөсланыс. Пырис көзяиныс — Миш Опонь.

— Чолөм да здоровье, сусед!— нюжөдіс кисө Вась.

— Олан-вылан,— эз ёна окотапырысь, но мыччыліс жө кисө мөдыс.— Мыйкө могөн?

— Аминь ыджыд могөн локті. Загреки ёна талун вися да, кри-ста ради, верман кө, пөкмелитышт.

— А, төрыт, мися, гөлөсыд сикт пасьтаыс кыліс. Прамөя, сідз-кө, сакөмыд. А вот лечитнытө ог вермы, мый вөлі, ставсө лои тыөщаөс дзебигөн видзны.

— Но, мыйтакө өд колин жө? Вай, дорйышт, суседөй, кула өд, сэтшөм талун деливө. Нэм чөж тэнө бур вөчөмсьыд ог вунөд, медбур другөн лоан.

— Эн весиг и кор, абу менам нинөм, абу!

— Көсьян, пидзөс ылө сувтла тэ водзын, Опонь, Енмөс моз пөчитайтны кута.

— Вай, дугды дөсадитчынытө. Мун да гортад лечитчы! Эг өд ме тэнө төрытнад юктав! Мыйла, сідзкө, ме лечитнысө кута?— дөзмөмпырысь шуаліс Опонь, а ачыс кокныдыка тойлаліс кор-төм гөстьөс посводзө.

— Абу тай тэ морт вөлөмыд! Час, коркө ачыл на ме ордө волан, уна-ө сэки доръя! Вот сэки казытыштам, кызди мортсө йөртін!

Дыр на Вась мыйкө броткис, кылө, ывла вылын, но Опонь эз мөд кывзыны сылысь сөрөмсө да пөддаліс өдзөссө.

— Мый нө, Катюш, Васьыс пыраліс да вөчис метөг?— пидзөс ылас босьтіс да малыштіс нывсө юрөдыс Опонь.

— А сійө мекөд мачөн көсйис ворсыштны, сөмын эз удит, мачыс крөвать улө тюрис да.

— Крөвать улө пыраліс? Гөгөрвоана...

Опонь өдйө дзоркнитліс өшиньөд. А сэсся мыйкө мөвпалыштөм бөрын ачыс уськөдчис крөвать улө.

Зіля дзебис аскурсө гөбөчө, а сы местаө пуктіс мөд сэтшөм жө банка, кодөс тыртіс кильчөдорса пельсаысь войтваөн. Ачыс, быттө нинөм эз ло, бөр петіс пес тэчны.

Час джын мысти кымын Опонь син бөжнас казяліс, мый сылөн

керкалань мир туй вылысь кежисны участкөвöй Соколов, Микит Вась да Митрей Ёгор — сиктсöветса депутат. Быттöкö некодöс эз аддзыв, вомгорулас сьылгтыр, Опонь водзö тэчис пес.

— Афанасий Михайлович!— кыліс мыш сайсьыс участкө-вöйлысь чукöстöм.

— Но, гöстяс тай воöмаöсь,— здукөн бергöдчис локтысьяслань кöзяин.— Мыйкö мог суис?

— Колö öтгор-мöдтор йылысь сёрнитыштны. Позьö кö, пы-раламöй керкаад.

— Кысь нö оз позь! Вай, локтöй, пырöй, сöмын энö повзöй, миян öд идрасьтöм на.

Милиционер муніс пызан дорö, пуксис да восьтіс папкасö, а Микит Вась да Ёгор пуксисны лабичö.

— Ті, Афанасий Михайлович, кыйсьысь морт, частö вөрö ветланнуд. Видзöдлöй, эн-ö паныдасьлöй кодкөдкө тайö йöз пиысь.

Опонь босьтіс некымын чусмыштöм фотокарточка, вель дыр сюся видзöдаліс найöс, а сэсся бөр мыччис Соколовы.

— Эг, таянöс, Сергей Владимирович, эг аддзыв.

Но мöдыс тайö кадö «казяліс» крöвать улысь стеклö банка.

— А тайö нö мый тіян сайöдöма, абу-ö нин самöкур?

— Абу, тані менам ва пуктöма.

— Вот ми и видзöдлам, кутшöм ва сэні. Ноко, Ёгор Дмитриевич, кыскылöй сійöс сэтысь.

Митрей Ёгор пыраліс крöвать улö, кыскис банкасö да сувтöдіс пызан шөрö, восьтіс вевтсö да исыштіс.

— Мыйкö тай меным некутшöм дук оз кыв-а... Буракö, насмука да сійөн,— шуис участкөвöй.

— Вайлы меным, вайлы,— суйсис Вась, исыштіс банкасö да гоз-мöдысь горша нылыштіс войтвасö... Чужöмыс пыр жö лои рушмöм кушман кодöн.— Збыль, буракö, ва...

— А мыйла нö васö сэтöні видзанныд?

— Кыдзи тіянлы и висьтавны?— яндысьöмөнмоз заводитіс кö-зяин.— Неважөн менам тьöща куліс, бласлö Кристос. А кулöм водзвылас велöдіс: мыскалан васö колö нелямын лун видзны крöвать улас. Сöмын сэки пö ловсö керкасьыс ваыскöд тшöтш петкөдöны...

— Ы-ык!— кинас вомсö тупкөмөн, öдзöссö плешнас восьтіс Микит Вась да чепöсйис ывлаö. Участкөвöй да депутат шемöса видзöдлісны öта-мöд выланьыс.



Журнал петö «Сыктывкарса ЛПК»
акционерьяс восьса котыр бумага вылын.

*Журналын йöзöдтöм гижöдгяс
редакция оз рецензируют и авторыслы найöс оз мöдöд.*

Техн. редактор **А.Одинцов**. Комп. набор и верстка **Н.Кузнецова**. Корректор **Е.Панюкова**.

Адрес редакции: 167982. ГСП-2, г. Сыктывкар, Дом печати, комн. 26
Телефоны редакции: 42-47-52 (гл. редактор), 42-51-52 (отв. секретарь).

Подписано к печати 09.08.2001. Формат 70х108¹/₁₆. Печать офсетная. Усл. печ. л. 7; усл. кр.-отт. 5,64; учетно-изд. л. 7,54. Тираж 1206. Заказ № 5765. Регистр. № Ф0095.
ОАО «Коми республиканская типография», 167610, г. Сыктывкар, ул. Первомайская, 70.